

УЗБЕКИСТОН ~~ФАН~~ ФАНЛАР АКАДЕМИЯСИ

А. С. ПУШКИН НОМИДАГИ ТИЛ ВА АДАБИЁТ ИНСТИТУТИ

---

АБДУРАҲМОН  
ЖОМИЙ  
ВА  
АЛИШЕР  
НАВОИЙ



УЗБЕКИСТОН ССР «ФАН» НАШРИЕТИ

ТОШКЕНТ — 1966

Китобхонлар диққатига тақдим этилган ушбу китоб улуғ ўзбек шоири ва олими Алишер Навоийнинг улуғ форс-тожик шоири ва олими Абдураҳмон Жомий ҳақида ўзининг турли асарларида баён қилган қимматли ва тарихий фикрларининг йиғиндисидир.

Бу тўпلامда китобхон Жомий билан Навоий орасидаги яқин муносабат, чин дўстлик ва ҳамкорликка оид энг муҳим маълумотга эга бўлиши билан бирга, мавлоно Жомийнинг ҳаёти, илмий ва адабий фаолиятининг айрим лавҳалари билан ҳам танишишига муяссар бўлади.

Тўпلامнинг энг муҳим қиммати шундаки, Навоийнинг Жомийга бағишлаб ёзган ва илмий жамоатчилик учун ғоятда зарурий манба бўлган «Хамсатул-мутаҳаййирин» асари тўпلام ичида биринчи мартаба нашр этилмоқда.

Китоб филолог олимлар, олий ўқув юртларининг ўзбек ва тожик адабиёти ўқитувчиларига, аспирант ва студентларига, умуман, классик Шарқ адабиёти ихлосмандларига мўлжалланган.

Тўпловчи ва нашрга тайёрловчи

**ПОРСО ШАМСИЕВ**

Масъул муҳаррир

**СУҲИМА ҒАНИЕВА**

*Алишер Навоий  
таваллудининг  
525 йиллигига  
бағишланади.*

**Абдурахмон Жомий ва Алишер Навоий. Тўпловчи**  
**ва нашрга тайёрловчи Порсо Шамсиев.**  
Масъул муҳаррир С. Ғаниева. Т., «Фан»,  
1966.  
150 бет. (Ўзбекистон). Фанлар Акад. А. С.  
Пушкин номидаги тил ва адабиёт ин-ти).  
Тиражи 5000.  
Навои и Джами.

8Ўз+8с (таж)  
А15

---

---

## УЛУҒ ДУСТЛИК ЛАВҲАЛАРИДАН

Тожик-форс адабиётининг буюк намояндаси мавлоно Абдураҳмон Жомий Шарқнинг XV асрда етишган энг йирик сиймоларидандир. Мавлоно Жомий жаҳон бўйлаб зўр шуҳрат қозонган гениал шоирлар сирасига мансуб бўлиш билан бирга, ўз замонасидаги ҳамма ва ҳар турдаги илмларни қамраб олган улуғ мутафаккир олим ҳамдир. У яратган турли мавзудаги асарлар саногини тўқсон тўққизгача етказадилар. Бу катта санокда фалсафа, тарих, адабиёт, тил, музыка, муаммо, аруз, шеърят ва бошқа хил илм-фанга оид ижодий маҳсулот мавжуддирки, бундай гоят кенг яратувчилик иши мислсиз зўр сабот, матонат ва меҳнатсеварлик самарасидир. Одатда кўп ва ранг-баранг асарлар билан ўзини кўрсата олган ижодкор олимни Шарқда аллома, ҳозирги таъбирда эса **энциклопедист олим** дейдиларки, мавлоно Жомий ҳам, ҳеч шаксиз, ана шундай унвонга эга бўлган шахсдир.

Абдураҳмон Жомий турли фанларга оид кўплаб асар яратиб, алломаликка сазовор бўлиш баробарида, бадий сўз санъати бобидаги, шеърят соҳасидаги табиий истеъдоди уни бу майдонда кенг қўлоч ёйишга, бу бепоён денгизда ғаввослик қилиб, нафис сўз қимматбаҳо дурдоналарини кишилик дунёсига манзур қила олиш каби улуғ ишга йўллади. Ҳақиқатан ҳам, Жомий яратган илмий ишларининг саногини кўп бўлса-да, лекин шеърятдаги яратувчилигининг салмоғини анча вазминдир.

Шарқда улуғ шоирлар бир-бирлари билан беллашиб, мусобақалашиб, «Хамса» каби шоҳ асарлар яратдилар. Жомий ҳам уч катта ва мукамал девон, талай қасида ва бошқа шеърӣ асарлар бунёдга келтириш билан бирга, мусобақадорлар билан бел олишишга киришиб, «Хамса», яъни беш дoston тўплами муқобаласида, «Хамса» (бешлик) эмас, етти дoston мажмуасини — «Хафт авранг»ни тақдим этди, бу билан «хамса»чи салафлари ва замондошлари каби ўлмас обида қолдирди.

Ана шундай ижодий камолотнинг юксак чўққисига кўтарила олган улуғ шоир ва баркамол олим Хуросон ўлкасининг марказий шаҳри Ҳиротда яшади, ўша ерда ва Мовароуннаҳр маркази — Самарқандда «улуми ақлия ва улуми нақлия»ни таҳсил қилиб, яна шу Ҳиротнинг ўзида умрининг охиригача (1414—1492) яшаб, ёлғиз Ҳиротнинг ўзигагина эмас, балки атроф-жавонобга илм-маърифат нурини тарқатиб турди. Жомий табиий қобилияти ва кўп қиррали фазилати билан тез фурсатда эл-юртда донг таратди, узоқ ва яқиндан барчанинг диққатини ўзига жалб этди. У зўр камолот соҳиби бўлиб етишгани ҳолда, ҳеч қандай олий мартаба ва юксак даражаларга интилмасдан, ўта камтаринлик билан ғоят содда, оддий ҳаёт кечирди. Уни ўша давр ҳукмдорларининг бирортаси ҳам сарой доирасига торта олмади. Бу улуғ зотнинг ҳаёт йўлидаги асосий ғоя поклик, покизалик ва инсонпарварлик эди.

Мавлоно Абдураҳмон Жомий катта олим ва машҳур шоирлиги туфайли унинг мухлислари ва шогирдлари сон-саноксиз эди. Лекин булар орасида Алишер Навоийчалик самимий мухлис ва энг яқин дўст ҳамда бу самимият ва яқинликни умрининг охиригача қатъий садоқат билан барқарор сақлаган киши топилмаса керак. Алишер Навоий камолот касб этиб, истеъдоди янада жилдолангани, улуғ шоирлик ва мутафаккир олимлик чўққисига кўтарила ва давлат арбоби даражасига эриша боргани сари унинг Жомийга муҳаббати, иззат ва эҳтироми тобора орта борди, бу ғоят самимий муносабат энг яқин ва узилмас дўстлик даражасига бориб этди. Бунда ҳеч қандай ғайри табиийлик ёки фавқулоддалик йўқ, албатта.

Бу устоз билан шогирд ёки икки чин дўст орасидаги маънавий ўхшашлик ғоятда кучли эди. Абдураҳмоннинг зеҳн ва қобилияти қанчалик эрта намоён бўлиб, ҳаммани ҳайратга солган бўлса, Алишерда ҳам худди шундай бўлди. Шогирд қанчалик тез Навоий бўлиб танилган бўлса, устоз ҳам ёшликдан Жомий тахаллуси билан шуҳрат қозонди. Чин инсонийлик хислатларидан сабот, матонат, ғайрат, толмас меҳнаткашлик бу икки дўстнинг муштарак хусусиятлари бўлиб қолди. Бу муштарак хусусият булардаги буюк ижодий куч ва маҳоратнинг деярли бир мезонда борганлигида кўринади. Ҳар икковлари ҳам ўз асарларида анчагина масалалар бора-сида бир мақсадга интилдилар.

Тожиқ ва ўзбек халқларининг бир шаҳарда, бир асрда, бир замонда яшаб ижод қилган икки улуғ вакили — Жомий ва Навоий — икки бошқа-бошқа тилда ва мустақил равишда иш олиб боришган бўлсалар-да, лекин ижодий йўналишда ҳамкор эдилар. Ҳар бир асарнинг майдонга келишида бир-

лари бирларига тарғиботчи, иш сифатини яхшилашда бирлари бирларига танқидчи, ҳатто, айтиш мумкинки, мусобақадош ҳам эдилар. Жомий бирор асар ёзса биринчи галда Навоийга тақдим этар, керак миқдорда ислоҳ этишини, камчилиги ва нуқсонларини кўрсатиб беришини талаб этар эди.

Навоий эса ҳар бир ижодий меҳнатининг юзага чиқишида ўзининг дўсти ва устози Жомийга суянар ва ундан маслаҳат олишга интилар эди. Навоий Жомийни ўзига мададкор, қийналганида мушкулларини ҳал қилувчи ва ишларга рағбатлантирувчи улуғ ҳомий ва мураббий деб билар эди. Биз бу ҳолни Навоийнинг «Хамса»га кирган ҳар бир дostonнинг муқаддима қисмида Жомийга алоҳида боблар ажратганидан биламиз. Бу бобларда Навоий Жомийнинг барча фазлу камолини кўтаринки руҳ билан мадҳ этади, ундан мадад сўраб, у кишининг кўрсатган раҳбарлигини алоҳида қайд этади.

Навоий «Хамса»нинг биринчи дostonи «Ҳайратул-аброр» ни бошлаш олдидаёқ Жомий уни рағбатлантириб, қўлига ўзининг «Тухфатул-аҳрор» дostonини тутқизган. Бу Навоий учун зўр илҳом манбаи бўлган. Шундан кейин Навоий:

Мен талаб йўлида қўйдум қадам,  
Бордур умидимки чу тутсам қалам,  
Йўлдаса, бу йўлда Низомий йўлум,  
Қўлдаса, Хисрав била Жомий қўлум,  
Нукта сурудида раво бўлмағай,  
Буки Навоийга наво бўлмағай? —

деб ишга киришиб кетади, яъни Жомийнинг илҳомбахш сўзлари ва кўрсатган намунаси Навоийга зўр далда бўлади.

«Хамса» муқаддималарининг айрим бобларида ва баъзи дostonларнинг хотима қисмларида ҳам Жомий билан бўлган ўзаро муносабат ва алоқани изоҳлашга бағишланган парчалардан бири иккинчи дostonнинг VIII бобида жойлашган. Бобнинг охиридаги бу эпизодда шоир иккинчи дostonни бошлаш қийинчиликларини тасвирлаб, мазкур қийинчиликларни бартараф қилиш йўлида пир (Жомий)га мурожаат қилади. Бунда ҳам шоир пирнинг берган доно маслаҳатларидан руҳланганини, қушойиш топганини:

Манга чун етти бу давлат нишони,  
Очилди ҳар ён авбоби маоний.  
Чу мен тупроғ ердин кўкка еттим,  
Ер ўптум дағи ўз ҳужрамга кеттим,

каби мисраларда завқланиб изҳор этади.

Бу дoston охиридаги хотимадан биз ажратиб олган тўрт шоир (Низомий Ганжавий, Хисрав Деҳлавий, Абдурахмон Жомий ва Алишер Навоийнинг ўзи)га тааллуқли парчада буюк шоирларнинг ижодий мусобақаси ажойиб маҳорат ва

назокат билан тасвирланган. Бу парчада санъаткор шоирларнинг қайси халқ ва қандай ўлкага ижодий кучлари билан ёйган қанотлари завқбахш бир йўсинда тараннум этилган. Бунда Навоийнинг ўз танлаган йўли бобидаги нозик фахрияси ҳам чиройли ибораларда ифодаланган:

Деёлмасменки Хисрав ё Низомий  
Ва ё назм аҳлининг сархайли Жомий.  
Нечукким чектилар тил ханжарини,  
Саросар олдилар сўз кишварини.  
Алар ўтрусиди мен ҳам чекиб тиг,  
Чекарга сўз синони қилғамен биг.  
Вале ҳақ лутфиға элтиб паноҳи,  
Шаҳ иқболидин истаб такиягоҳи.  
Деёлгайменки кўп айлаб тазарруь,  
Буларга айлай олғаймен татаббуь.  
Қи арз этсам манга етмай малолат,  
Ҳаводоримга юзланмай хижолат.  
Бўлуб аҳсанта лафзи элга оини,  
Етишгай шайхдин эҳсон, дағи таҳсин.  
Низомий олса Бардаъ бирла Ганжа,  
Қадам Рум аҳлиға ҳам қилса ранжа.  
Чекиб Хисрав дағи тиги забонни,  
Юруб фатҳ айласа Ҳиндустонни.  
Яна Жомий Ажамда урса навбат,  
Арабда дағи чолса кўси шавкат,  
Агар бир қавм, гар юз йўқса мингдур,  
Муайян турк улуси худ менингдур.  
Олибмен таҳти фармонимга осон,  
Черик чекмай Хитодин то Хуросон.  
Хуросон демаким, Шерозу Табрес-  
Қи қилмишдур найи килким шакаррез.  
Қўнгул бермиш сўзумга турк жон ҳам,  
Не ёлгуз турк, балки туркмон ҳам.

Искандар ҳақидаги дostonда Искандарнинг келиб чиқиши (насл-насаби)ни аниқлашда шоирлар ўртасидаги ихтилофни ечишда Навоий устози — Жомий сўзига таянади, Жомий сўзини энг мўътабар далил деб билади ва дostonда воқеа йўналишини шу асосда ҳал қилади.

«Садди Искандарий» дostonи охиридаги «Хамса»нинг якуновчи бобида Жомийнинг улуғлиги тўғрисида талқин этилган жозибали қалб сўзлари кишини тўлқинлантирувчи кучга эгаллиги билан диққатга сазовордир. Бу бобда Навоий яна бир бор Жомийнинг чин дўст, жонкуяр мураббий эканини айтиб, унинг бадий сўз оламида улуғ сиймолар гуруҳига мансублигини боб давомида исботлаб боради.

Навоий «Хамса»ни ёза бошлаган фурсатда ва иш давомида Жомий қанчалик руҳлантириб, мадад бериб турган бўлса, «Хамса» каби буюк бир обида майдонга келгандан ке-



йин ҳам унинг «мақбули омма» бўлишида ташаббус кўрсатди.

Жомий мадаккорлигида Навоийнинг гўзал боғда адабий мушоаба ва мушоара мажлисини қизитаётган бири бирисидан нуроний шоирлар даврасига кириб бориши ва у нафис мажлисда Навоийга, яратган улуғ иши туфайли, кўрсатилган илиқ илтифот ва дўстона муҳаббат манзарасининг тасвири, асосан, Навоийнинг Жомийга нисбатан ҳар тарафлама юксак ҳурматининг ёрқин тимсолидир.

Бу хаёлий тасвирнинг алоҳида қайд этиладиган моменти шундаки, мажлис аҳллари — шоирлар турли мамлакат ва халқ намояндалари бўлиб, бунда гуманист Навоийнинг теран халқчиллик ва улуғ дўстлик ғоялари ўзининг ёрқин ифодасини топгандир.

Навоий Жомий ҳақида «Мажолисун-нафоис» ва «Насоимул-муҳаббат» тазкираларида, «Муҳокаматул-луғатайн» ва «Маҳбул-қулуб»да ҳамда «Арбаин» таржимаси рисола-сида ҳам мазкур асарларнинг мавзуга муносиб равишда, ўз мавқеига қараб махсус ўрин ажратган.

Навоий Жомийни «Мажолисун-нафоис» тазкирасининг учинчи мажлиси бошида ўз замондоши бўлган ва суҳбатларига эришган шоирларнинг биринчиси ва пешқадами сифатида алоҳида ва юксак баҳолайди, бундаги ҳазиломиз кичкина муқояса масалани жонлантириш баробарида, киши хотирасида узоқ сақланиб қоладиган завқ уйғотади.

«Муҳокаматул-луғатайн» ва «Маҳбул-қулуб»нинг тегишли ўринларида, мавзу тақозосига қараб ҳамда «Арбаин» рисоласи таржимасининг муқаддимасида ҳам Жомийнинг шеърятдаги юксак мавқеи, унга ияриш (татаббуъ) масалалари ва Навоийнинг ўзининг форс-тожик шеърятига муносабати, ҳамкорлиги ва ҳоказолар тасвирини кўрамиз.

Навоий ўзининг ўнлаб асарида Жомийга айрим боблар, алоҳида эпизод ва парчалар ажратиб, бу ўринларда устозининг фазлу камоли, ижодий кучи ва маҳорати масалаларини атрофлича тасвирлаш билан кифояланмай, унинг вафотидан кейин дўстлик хотираларини абадийлаштириш мақсадида унга бағишлаб, «Хамсагул-мутаҳаййирин» номли ўзаро умрий алоқаларни яқунловчи махсус асар ҳам ёзди. Юрак сўзлари ифода этилган бу асарда ҳазрати Махдумий<sup>1</sup> таржимаи ҳолига оид келтирилган маълумотлар, айниқса, улуғ тожик шоирнинг вафоти ва ундан юзланган алам-қайғу тасвири инсон қалбида чуқур из қолдирувчи ҳайратбахш лавҳалардир.

Навоий Жомий ҳақида ёзган китобчасининг биринчи бо-

<sup>1</sup> Навоий Жомийни кўпинча шундай деб атайд.

бини ўзи билан у киши ўртасида рўй берган воқеалар, ҳангомалар ва қизиқ суҳбатлар баёнига бағишлайди, «андин аларнинг бу фақирга илтифот ва хусусиятлари зоҳир бўлур», дейди. Ҳақиқатан ҳам бу бобда баён қилинган турли муносабат ва турли тасодифлар билан ўзаро пайдо бўлган гўзал суҳбат ёки қизиқ ҳодисалар бу икки дўстнинг ўрталаридаги алоқа нақадар мустаҳкам, нақадар жонли, мароқли, «қил ўтмас» даражада энг яқин, шу билан бирга, жуда оддий ва табиий эканини кўрсатади. Суҳбатлар жараёни батамом илмий, адабий бўлиб, том маънодаги юксак одоб доирасидадир. Ҳазиломиз гаплар ҳам бирор ҳақиқатнинг исботи учун хизмат қилади, шу билан бирга, жуда ширин ва бениҳоя кўнгилли ва завқлидир. Ана шундай суҳбатларнинг одоб ва услуби ҳозирги кунимизда ҳам ўрнатилган бўларлидир.

Иккинчи боб икки дўстнинг турли вақтларда, турли ерлардан ёзишган мактублари намуналаридан иборат бўлиб, булар ҳам бу икки зотнинг мустаҳкам алоқалари тимсоли ҳамда ўзига хос бадиий сўз тўпламидир.

Бу мактубларда биз икки ажралмас, вафодор дўстнинг ҳижронда, жудоликдаги соғиниш кечинмаларининг ажойиб таассуротларини ўзимиз ҳам шу таассуротга шерик ҳолда ҳис этамиз. Ранг-баранг услубда ёзилган бу хатлардаги шеърӣ парчалар забардаст шоирларнинг серзавқ ва жонли мушоараси манзарасини кўз олдингизда гавдалантиради, бу шеърӣ парчалар тожик тилида яратилган шеърӣятнинг бадиий юксак ва гўзал намуналаридандир.

Юқорида таъкидланганидек, икки улуг шоир ва олимнинг ўзаро ижодий ҳамкорлиги ва бундаги жуда яқин муносабат масалаларини учинчи бобда қатъий далиллар билан алоҳида исботланганини кўрамиз.

Шу бобнинг бош қисмида Жомий асарларидан 37 тасининг рўйхати берилади. Бу асарларнинг кўпчилиги Навоийнинг яқиндан кўрсатган ташаббуси ва тарғиби билан ёзилган.

Навоий ўз замонининг энг буюк илм-маърифат ҳомийси бўлиши сифати билан турли илм-фан соҳасида хилма-хил асарлар бунёдга келишининг ташаббускори бўлганлиги маълум. Учинчи бобдан очиқ кўринишича, Жомийдан асар ёздириш ва бунга ташаббус кўрсатиш тамоман бошқача йўл ва ўзгача тартибда, икки самимий дўстнинг бир-бирига бўлган муносабати йўли билан, зўр иззат ва эҳтиром доирасида борган. Биз буни мазкур бобда ҳар бир асар устида олиб борилган суҳбат одобидан англаймиз. Шу билан бирга, ўз навбатида, Жомийнинг Навоийга кўрсатган меҳрибончиликлари ҳам бениҳоя самимий ва юксакдир.

Асар хотимасида келтирилган ўн банд (70 байт)дан иборат

рат Жомий вафотига бағишланган «таркиббанд» шаклидаги тожикча марсия Навоийнинг энг таъсирли ва энг ҳаяжонли чин юрак шеъридирки, буни ўқиганда ҳар қандай кишининг қалби жуда чуқур ва тўлқинли кечинмаларга дуч келмай қололмайди.

Абдурахмон Жомий вафотига атаб кўп шоирлар тарихлар, марсиялар ёзиб ўқиганлар, шулар ичидан Навоий марсиясини Ҳиротнинг машҳур нотик воизи мавлоно Ҳусайн воизнинг халқ ҳузурида минбарда туриб ўқиши, албатта, бежиз эмас эди. Бу эса икки қардош халқ икки вакилининг энг сўнги дамгача ва ундан кейин ҳам дўстликларининг абадий эканини намойиш қилувчи ёрқин далилдир.

Улуғ шоир ва олим Абдурахмон Жомий ҳақида, унинг фазлу камолини ва барча ҳолатини тасвирлаб, Навойдан бошқа мухлислари ҳам катта-кичик асарлар ёздилар, ҳеч бўлмаса, айрим асарларида Жомий номини тилга олмасдан ўтолмадилар.

Машҳур хотиранавис ва ўзбек халқининг лирик шоири Заҳриддин Муҳаммад Бобир хотираномасида Жомий яшган давр ва Жомийга берган характеристика жуда қисқа бўлса ҳам чуқур мазмунга эгадир:

«Султон Ҳусайн мирзонинг замони ажаб замоне эди, аҳли фазл ва беназир элдин Хуросон, батахсис Ҳири шаҳри мамлу эди. Ҳар кишинингким бир ишга машғуллуғи бор эди, ҳиммати ва ғарази ул эрдиким, ул ишни камолга еткургай.

Ул жумладан бири мавлоно Абдурахмон Жомий эдиким, зоҳир ва ботин улумида ул замонда ул миқдор киши йўқ эди. Шеъри худ маълумдур. Муллонинг жаноби андин олийроқ-дурким, таърифқа эҳтиёжи бўлгай. Ғоятш хотирға кечтиким, бу муҳаққар ажзода таяммун ва табаррук жиҳатидин аларнинг отлари мазкур ва шаммаи сифатларидин мастур бўлгай»<sup>2</sup>.

Ниҳоят, шуни ҳам қайд қилмоқ лозимки, юқорида қисман айтилганидек, Жомий билан Навоий ораларидаги муносабат ҳеч қачон ва ҳеч бир масалада бир тарафлама бўлмаган. Аксинча, улар сиёсий масалаларда сирдош, маслаҳатдош, ижодда қўмақдош, замон фожиаси аламларини тортишда, элу юрт дардини чекишда ҳамдард бўлганлар. Уларнинг ҳар бири ўзига хос бир олам бўлган. Шунинг билан бирга деярли барча масалаларда бир-бирлари билан ҳамкор ва бир-бирларига устоз бўлганлар. Шунинг учун Навоийнинг Жомийга берган гоят юксак баҳоси тамомила тушунарли ва қонуний бўлганидек, Жомий томонидан Навоийни кўкларга кўтариб, беҳад мадҳ этиши ҳам тамомила асослидир.

<sup>2</sup> «Бобирнома», Тошкент, ЎзССР ФА нашриёти, 1960, 239—240-бетлар.



Абдурахмон Жомийнинг туғилганига 1964 йили 550 йил тўлди. Бу тарихий кун Совет Иттифоқининг барча республикаларида зўр тантана билан нишонланди: ялпи мажлислар, илмий-адабий сессиялар ўтказилди, бу анжуманларда улуғ шоирнинг илмий ва адабий фаолияти, ижодий таржимаи ҳоли, бутун ҳаётини йўли тўғрисида хилма-хил темаларда докладлар тингланди, шоирнинг ўз асарлари ва у ҳақида ёзилган ишлар нашр этилди.

Форс-тожик шоир ва олими Абдурахмон Жомий ўзбек халқига қадимдан таниш ва яқиндир. Ўзбек халқининг тожик халқи билан бўлган қадимий жипс алоқамандлиги бу етук олим ва забардаст шоир сиймосида ҳам яққол намоён бўлади. Бунинг ёрқин далили, юқорида кўриб ўтганимиздек, улуғ ўзбек шоири Алишер Навоий билан бу улуғ зот орала-ридаги мустақкам ва ғоят самимий, дўстона муносабатлардир.

Шу билан бирга, Жомийнинг ижодий фаолияти ўзининг бошланғич давридан то шу кунимизгача бизга танишдир. Улуғ Октябрь революциясигача, кўп асрлар давомида, Жомийнинг илмий асарлари ўша давр мадрасаларида, ғазалиёти эса мактабларда дарслик сифатида ўқитилиб келинди. Жомийнинг араб тили грамматикасига оид «Фавоидуз-зиёия» номли араб тилида ёзилган асари энг мўътабар дарслик эди. Бу асар «Шарҳи мулло» номи билан машҳур бўлиб, асрлар бўйи мадрасаларимиз дарс жадвалидан тушган эмас. Бадиий ижодиёти Саъдий, Ҳофиз, Бедил ва бошқа шу каби шоирлар қатори, деярли барча шеърятга, бадиий ижодга қўл урган шоир ва адибларимизнинг ўрганиш манбаи бўлиб келган. Мавлоно Жомий форс-тожик шоири бўлиш билан бирга, биз учун ҳам ғоят қимматлидир.

Жомий юбилейи кунларида бу улуғ мутафаккирни хотирлаш йўлида Ўзбекистонда ҳам анчагина ишлар қилинди. Жумладан, Навоийнинг мана шу энг қийматли эсдалигини нашр этиш ҳам ўша юбилей кунлари режаларидандир.

П. ШАМСИЕВ,  
филолог ва фанлари кандидати.

## АБДУРАҲМОН ЖОМИИ

XV асрда Хуросон ва Мовароуннаҳрда феодализм нисбатан ривож топган, деҳқончилик, ҳунармандчилик ўсган, Юнонистон, Хитой, Россия ҳамда Ғарбий Европа, Шарқнинг талайгина мамлакатлари билан кенг савдо-сотиқ муносабатлари йўлга қўйилган эди. Марказлашган давлатнинг мавжудлиги, мамлакатда бир қадар тинчлик ҳукм сурганлиги, шунингдек, Улуғбек ва Ҳусайн Бойқаро каби ҳокимларнинг фан ва маданиятга хайрихоҳлик билан қараганликлари сабабли мамлакатда, айниқса, Ҳиротда маънавий ҳаётда жуда катта жонланиш юз берган эди.

Ҳиротда буюк адиблар, машҳур тарихчилар, моҳир санъаткорлар, нозик қалам хаттотлар яшар эдилар. Машҳур илм соҳиблари Улуғбек, Қозизода Румий, Али Қушчи, Гиёсиддин Жамшид астрономия фанини янги босқичга кўтардилар. Самарқанддаги Улуғбек обсерваторияси жаҳоннинг ўша вақтгача бўлган барча расадхоналари ичида энг мукаммали ҳисобланар эди.

Бу даврда халқнинг аҳволи оғир эди. Оғир солиқ-тўлов системаси, теурийларнинг ўзаро низолари халқ бошига кулфат ёғдирарди. Деҳқонларнинг ҳаёти айниқса фожиали эди. Улар ўн турдан ортиқ солиқ тўлашга мажбур этилардилар. Ниҳояси йўқ жабр-зулмлардан, доимий очлик, қашшоқликдан тоқати тоқ бўлган меҳнаткаш халқ бир неча бор бош кўтариб чиқди. 1441—1442 ва 1469 йиллардаги халқ қўзғолонлари аёвсиз бостирилди.

Лекин феодал шароитларининг кулфат ва оғирликларига қарамай, ҳамиша яхшиликка ва ижодга интиладиган халқ даҳоси, инсон ақли-зақоси ишлади, ажойиб, моддий ва маънавий бойликлар яратди. Бу маданиятнинг илғор вакиллари ижодида, бир томондан, даврнинг даҳшатли манзаралари, иккинчи томондан, халқнинг дод-фарёди, дил аламлари, олижаноб фазилатлари, гўзал орзулари, ажойиб интилишлари, инсонпарварлик ғоялар ўз ифодасини топган эди. Шундай ижод эгаларидан бири Абдураҳмон Жомий бўлди.

\* \*  
\*

Жомий 1414 йилнинг 7 ноябрида дунёга келди. У маълум вақт Самарқандда яшаб, таҳсил олади, лекин ўз умрининг аксар қисмини Ҳиротда, Алишер Навоий билан ҳамкорликда ўтказди ва шу ерда 1492 йилнинг 8 ноябрида оламдан ўтади.

Жомий ҳар нарсадан олдин ўз даврининг — гоят зиддиятли даврнинг меваси ва фарзанди эди. У, бир томондан, ҳайратомиз комил санъаткор сифатида илғор фикрларни, инсонпарварлик ва ватанпарварлик ғояларини ифодалади, улуғлади, куйлади, иккинчи томондан эса, мамлакатда кенг қанот ёйган ҳамда ҳоким бўлган ижтимоий фожианинг азобларига, енгилмас бўлиб кўринган замон зўравонлари разилликларининг чидаб бўлмас тазйиқига бардош бера олмай, мистикага, тарки дунёчилик кайфиятларига берилган вақтлари ҳам бўлди.

Жомий ўз даврининг энг улкан ва доно маданият арбобларидан бири эди. Унинг ижоди ва ижтимоий фаолияти гоят кўп қиррали ва мураккабдир. У ўзига қадар ва ўз замонида бўлган фаннинг турли соҳаларини чуқур эгаллаган ва, аynиқса, адабиёт назарияси, тилшунослик, тарих, фалсафа ҳамда музика илмида кўп иш қилган олим эди. Лекин у ҳар нарсадан олдин ўзининг бадий ижоди билан алоҳида эътибор ва мақтовга сазовор бўлди, бутун дунёда шуҳрат қозонди ва ўз номини абадийлаштирди. У биринчи навбатда ўзининг юксак санъаткорлик ила яратган ажойиб поэмалари ва лирик шеърлари билан ҳамон яшаб келмоқда.

\* \*  
\*

Жомий — ўз халқи ва даври адабиётини яна бир юқори поғонага кўтарган улкан шоир. У «Фотиҳатуш-шабоб» («Ешликнинг очилиши»), «Воситатул-иқд» («Ўрталикдаги дур»), «Хотиматул-ҳаёт» («Ҳаёт хотимаси») деб номланган ва лирик шеърларни ўз ичига олган уч девоннинг муаллифидир. Шу билан бирга у «Тухфатул-аҳрор», («Нуронийлар тухфаси»), «Сухбатул-арбоб» («Тақводорлар тасбиҳи»), «Юсуф ва Зулайхо», «Лайли ва Мажнун», «Хирадномаи Искандарий» («Искандар хирадномаси»), «Силсилатуз-заҳаб» («Олтин занжирлар») ҳамда «Саламон ва Абсол» дostonларидан иборат «Ҳафт авранг»нинг, «Баҳористон»нинг ва бошқа талайгина асарлар ижодкоридир.

Шоир ўз дostonларида гоят юксак бадий маҳорат наму-

наси бўлган хилма-хил образлар галереясини яратди. Унинг Лайли ва Мажнунни, Юсуф ва Зулайхоси, Саламон ва Абсоли, Искандар ва Афлотуни жаҳон адабиёти хазинасидан ўрин олган нодир образлардандир.

Жомий асар яратар экан унда ажойиб инсонпарвар ҳамда ватанпарвар шоир сифатида буюк ва муҳим ижтимоий масалаларни ҳал этиш билан машғул бўлади, улар юзасидан илғор фикрларни ифодалайди. У инсонни улуғлайди, ватан ҳақида қайғуради. Одамлардаги зарарли хулқларни қоралайди, фитна ва фужурни, худбинлик ва айёрликни, мунофиқлик ва алдамчиликни, текинхўрлик ва талончиликни кескин танқид остига олади. Шоир бундай иллатларга ўраллашиб қолган одамларга ҳалол, виждонли, инсофли, адолатли одамларни, чин инсоний фазилатларни, ажойиб хулқ-одоб нормаларини қарама-қарши қилиб қўяди.

\* \*  
\*

Жомий халқнинг жуда оғир ва фожиали аҳволига ачинади ва уни яхшилашни орзу қилади. У золим ва талончи шоҳларга, юлғич амалдорлар ва дин пешволарига ғазаб билдириб, уларни адолатли бўлишга, эл-юрт ғамини ейишга чақиради. У адолатликни ҳар нарсадан юқори қўяди ва адолат ҳар бир одам учун асосий қонун бўлишлиги зарурлигини қайд қилади. Мана у нима дейди:

Нуктаи хуш гуфтааст он дурбин,  
Адл дорад мулкро қоим, на дин.  
Куфр кеше, к-ў ба адл ояд фареҳ,  
Мулкро аз золими диндор беҳ.  
(У узоқни кўрувчи одам яхши сўз айтган:  
Мамлакатни дин эмас, адолат сақлайди.  
Адолат билан машҳур бўлган кофир  
Юрт учун диндор золимдан [кўра] яхшироқдир).

Жаҳолат ҳукмрон бўлган ва меҳнат аҳллари хок-сор этилган замонда Жомий илм-маърифатни, меҳнатни улуғлади, куйлади. Ҳар хил тилда сўзлашувчи ё ҳар хил мазҳабга мансуб бўлган халқлар, қабилалар ўртасида адоват қўзғовчи — тараққиётнинг ашаддий душманларининг таъсири зўр бўлган замонда Жомий биродарлик, тинчлик, тенглик, аҳлик ғояларини тарғиб ва ташвиқ этди. У нифоқ яратувчиларга жавобан ғазаб билан деди:

Эй мугбачаи даҳр, бидеҳ чоми маям,  
Қ-омад зи низои суннию ший қаям.  
Гўянд, ки: Чомие, чи мазҳаб дорй?  
Сад шукр, ки саг-суннию хар-ший наям.

(Эй даҳрнинг муғбачаси, бир жом май тутгил,  
Сунний ва шия низосидан кўнглим беҳузур бўлди.  
Дейдиларки, эй Жомий, мазҳабинг недур?  
Юз шукрки, ит суннию, эшак шиа эмасман).

Жомий реал ҳаёт ва ҳақиқий муҳаббатни жўшқин мисраларда тараннум этади. Ердаги ҳаёт лаззатларини, севгли ёр висолини дин ва шарият пешволари ваъда қиладиган жаннат «роҳат»ларидан устун қўйди:

Дар биҳишти насъя халқе баста дил, лекин ба нақд,  
Ҳар кучо дидори туст, ончост, Чомйро биҳишт.

(Халқ насия жаннатга кўнгли боғлади, лекин нақди [шуки] сенинг висолинг қаерда бўлса, Жомийнинг жаннати ўша ердир).

Еки:

Моему ҳамин ошиқиву лаззати дидор,  
Зоҳид ту бирав, дар талаби хулди барин бош.  
(Бизлар шундай ошиқ ва [ёр] жамолидан  
лаззатланувчилармиз. Зоҳид, сен бор,  
жаннат талабида бўлавер).

Шоир ўз севгилисининг ҳусну латофатини, рафтору назокатини гоят раван ва ўта мароқли тарзда тасвирлайди:

Ба чеҳра сурати Чинӣ, ба ғамза офати динӣ,  
Ба ишва шӯри чаҳонӣ, ба ханда офати чонӣ.  
(Чиройда Чин суратисан, ғамзада дин офатисан,  
ишвада жаҳон ғавғосисен, табассумда жон офатисан).

Жомий ғазалиётидаги лирик қаҳрамон — ошиқ севгига содиқ, маҳбубасига меҳрибон, рақибларига аёвсиздир. Унинг севгилиси — маъшуқа серноз, истиғночи бўлиб, гоҳо илтифотсиз ва баъзан бемурувватдек кўринади. Лекин у ҳам севгини қадрловчи, ҳақиқий ишқ лаззатларини орзу қилувчи, вафо ва садоқат каби гўзал фазилатлар соҳибасидир.

\* \*  
\*

Шоир ўзининг ҳажвияларида воизлар, зоҳидлар, шайхларнинг, амалдор гумашталарининг ярамас хулқ-атворларини аёвсиз танқид қилади. Уларнинг тамоми фаолиятлари заминда фирибгарлик ва ғаломуслик, қабоҳат ва разолат, мунофиқлик ва шуҳратпарастлик каби жирканчликлар ётишини фош этади.

Жомийда инсонпарварлик, дўстлик, камтаринлик каби энг яхши фазилатлар мужассамланган эди. Буни Жомий ва Навоий муносабатларида яққол кўрамиз.



Жомий билан Навоий орасидаги дўстлик, умуман, буюк шахслар ўртасида бўлган энг ибратли ва энг самимий дўстликлардандир. Бу дўстлик икки халқ орасидаги асрлар мобайнида мавжуд бўлган аҳиллик ва ҳамкорликнинг ажойиб ифодаси ва тимсоли эди. Кўп қиррали хусусиятга эга бўлган бу дўстлик ҳамма вақт — мамлакат тақдирини ҳал қиладиган энг катта масалаларда ҳам, мураккаб ижод проблемаларида ҳам намоён бўлди ва ўзининг ажойиб самараларини берди. Икки жону бир тан бўлган Жомий ва Навоий биргаликда ижод этишди ва ижтимоий фаолиятда бўлишди. Улар биргаликда мамлакатда кенг қанот ёйган зулм ва адолатсизликни, ҳокимларнинг ўзбошимчалик ва разилликларини қоралашди, юртни обод, халқ турмушини яхшилаш ҳақида ўйланди, замондош ижодкорларга ҳар жиҳатдан фаол ёрдам беришди, бир-бирларининг асарларини ўқишди ва бир-бирларига қимматли маслаҳатлар беришди.

\* \*  
\*

Жомий олижаноб ва илғор фикрларни ифода этувчи шундай юксак сўз санъати намуналарини яратдики, улар дунё маданияти хазинасини бойитди ва жаҳоннинг деярли барча маданий мамлакатларига ёйилди: ярим минг йил мобайнида Ўрта Осиё, Афғонистон, Ҳиндистон, араб мамлакатлари, Эрон, Кавказда ва Идил бўйларида адабиётнинг ривожланишига муносиб ҳисса қўшиб келди. Шоирнинг номи ва асарларидан намуналар, унинг таъсир кучи ва кўлами аллақачонлар Европага ҳам етиб борди. Масалан, улуғ мутафакрлар ёзувчи Гётенинг Жомийни ўзидан юқори қўйиши ва «форстожик классик поэзиясининг порлоқ юлдузи» дея мадҳ этиши тасодифий эмас, албатта.

Жомий барча халқларга, шу жумладан, ўзбек халқига, уларнинг тили ва маданиятига чуқур ҳурмат билан қаради. Уларга бахт-саодат тилади, кўмакчи бўлди.

Жомий қолдирган обидалар — ажойиб асарларни ўзбек халқи жуда яхши билади ва севади. Унинг ўзбек адабиёти тарихидаги ўрни гоёта каттадир. У мана неча асрдирки, ўзбек адабиётининг ривожланишига ўзининг катта ҳиссасини қўшиб келди. Ўзбек классик адабиётининг кўзга кўринган деярли барча намояндаларининг Жомий номини катта ҳурмат билан тилга олишлари, уни устоз деб аташлари бежиз эмас. Жомий асарларининг ўтган асрдаёқ типография усулида Тошкентда бир неча дафъа чоп этилиши ҳам тасодифий эмас, албатта.

## Улуғ Жомий ёзган эди:

Эй тожу муҳрга кўнгил боғлаган,  
Қачонгача тожу муҳр қолади?!

Мулку бойлик бари кетади бир кун  
На замон, замини, на наҳр қолади.

Қўлингдан келганча яхшилик қилгил,  
Жаҳонда сенга шул меҳр қолади.

Шундай яшагилки, сен бўлсанг Шарқда,  
Сени дуо қилсин одамлар Ғарбда.

Аксинча бўлмагил яшасанг Райда,  
Қарғишлар бўлмасин Рум деган жойда.

Шамдек бўл, шамни кўр, куйиб қалбу тан,  
Ўзгалар базмини қилади равшан.

(Таржима Ш. Шомуҳамедовники).

Бу буюк инсонпарвар ва адолатпарвар шоирнинг самимий дил сўзлари эди. Ўзи уларга амал қилди ва ўз асарлари билан асрлар мобайнида авлодлар орасида яшаб, миллионлар қалбига зиё бахш этиб келди.

Суйима Ғаниева,  
филология фанлари кандидати.

## «ХАМСАТУЛ-МУТАХАИИРИН»

... Бани одам ашроф ва хавосси хилватларида хусусан ва аҳли олам сойир авоми анжуманларида умуман тасаввур ва аноният умурининг худройи ва ужб ва нафсоният оламининг даштпаймойи Алишер алмутахаллис бин-Навоий... андоқ арз қилур ва бу навъ шарҳға еткурурким,.. шайхуно ва мавлоно Абдурахмонил-Жомий...

Рубоий:

Ким гунбази гардандаи олий бунёд,  
То даврида таъжилға бўлгай мўътод,  
Одамки бўлуб халифа ёйди авлод,  
Авлодида ер ўйла халаф бермас ёд.

Бу навъ соҳиб давлати бузургвор ва бу янглиғ соҳиб камоли нубувват кирдор бу хоксори паришон рўзгорни азим илтифотлари била сарбаланд ва ғариб навозишлар била аржуманд қилиб, абнойи жинсим аро сарфароз, балки жинси башардин мумтоз қилур эрдилар. Чун покиза руҳларининг қудсий ошён тоири бадан қафасидин равзаи фирдавс сори гарвоз тузди ва муборак жисмларининг олий макон пайкари дорул-фано маҳбасидин дорул-бақо анжуманиға майл кўргузди, агарчи аҳли оламға мотам юзланди, аммо соҳиб мотам бу номурооди сўгвор эрдим ва сойир авлоди одамға азо воқеъ бўлди ва лекин соҳиб азо бу ношоди таъзият шиор эрдим.

Чун бу мотамда мажруҳ кўнгул озори ва маҳзун хотир изтироб ва изтирори ҳаддин ошти. Бу ранж таскини ва бу ошуб итмиёнони учун хаёлға андоқ келдиким, ул сипеҳри иззу иқбол била бу хокийваши фурумоё ва ул меҳри авжи камол била бу зарраи камсармоё орасида ўтган ҳолатдин бир неча варақ нигориш қилгаймон ва мақолотдин бир неча муқаддима гузориш бергайменки, ул умур<sup>1</sup> зоҳир ва ботинимға мужиби мубоҳот ва қувонмоқ ва дунё ва охиратимға боис ифтихор ва ўкунмоқдур. Ва агар ул навъ илтифотларни маҳ-

бубдин муҳибга халойиқ бовар қилмасалар — ул ҳазратнинг мусаннафотида<sup>2</sup> мазкурдур ва ул тариқ хусусиятларни муроддин муридга жуз маҳолот билмасалар — куллиётларида мастурким, бу даъвога икки далили мувофиқ, балки икки гувоҳи содиқдур, чун бу рисола хаёлга келди, биносин бир муқаддима ва уч мақола ва бир хотимага қўюлди ва бу беш дафъа сўзгаким, ўқуғувчиларга кўп мужиби таҳайюр эрди — «Хамсатул-мутаҳаййирин» тасмия қилилди<sup>3</sup>.

**Муқаддима** — аларнинг насаблари ва валодатлари ва сойир авқотларининг сулуки ва бу фақир алар хизматларига қачон мушарраф бўлғоним.

**Аввалги мақолат** — алар била бу фақир орасида ўтган иттифоқий умур ва ғаробатлиқ сўзларким, андин аларнинг бу фақирга хусусият ва илтифотлари маълум бўлур.

**Иккинчи мақолат** — алар била бу фақир орасида битилган руқъалар бобидаким, ҳоло аларнинг куллиётида мазкурдур ва муншаотларида мастурким, фақир жавоб битибмен ё акс.

**Учунчи мақолат** — кутуб ва расоил бобидаким, аларнинг мусаннафотидур ва бу фақир аларнинг таълифига боис ва таснифига сабаб бўлубмен ва бу маъни ҳамул кутубнинг кўпроғида зоҳирдур.

**Хотима** — ул кутуб ва расоил бобидаким, бу фақир алар хизматида таълим ва истифода юзидин ўқубмен ва аларнинг ҳаётларининг охирининг тарихи ва ул ҳолот кайфияти.

## Муқаддима

Аларнинг шариф валодатлари ўзларининг муборак назмлари мазмуниндин андоқ маълум бўлурким, секиз юз ўн еттида<sup>4</sup> эркандурким, ўз валодатлари замонидин секиз юз тўқсон уч<sup>5</sup> йил ўтган тарихда жамеъ ҳолотким, аларга ўтгандур — назм қилибтурлар ва ул ғариб қасидадур ва анга «Рашҳулбол»<sup>6</sup> от қўюбтурлар ва матлаи будурким:

Манам чу гўй ба майдони фусҳати маҳу сол,  
Ба савалчони қазо мунқалиб зи ҳол ба ҳол,  
Ба соли ҳаштсаду ҳафдаҳ зи ҳичрати набавӣ  
Ки зад зи Макка ба Ясриб суродиқоти чалол,  
Зи авчи қуллаи парвозгоҳи иззу қидам,  
Бад-ин ҳазизи ҳавон суст кардаам пару бор.  
Ба ҳаштсаду наваду се кашидаам имрӯз  
Зимоми умр дар ин танғнои ҳиссу хаёл<sup>7</sup>.

Ва бу қасидани айтқон тарихдин сўнгра яна беш йил умр гулзоридин баҳраёб ва ҳаёт чашмасидин сероб эрдилар. Секиз юз тўқсон секиздаким<sup>8</sup>, ёшлари замонидин сексон икки йил ўтмиш бўлғайким, пок руҳларининг қудсий ошён булбули рихлат навосин оғоз қилиб, гулшани фирдавс хавосига парвоз қилдиким, анинг кайфияти шарҳ била ўз ерида иншооллоҳ сабт бўлғай.

Аларнинг олий насаблари имомул-мухтаҳидин Муҳаммад бинни Ҳасан бинни Абдуллоҳ бинни Товус бинни Ҳурмуз Шайбонийга<sup>9</sup> борурким, Ҳурмуз бани Шайбон қабиласининг малики эрмишким, Бағдодда салтанат қилибдур ва жоҳилият замонида амирул-мўминин Умар<sup>10</sup>... илгида ислом шарафига мушарраф бўлубтур ва бани Шайбон қабиласи насаб шарафиди арабнинг кўпроқ қабойилига мужиби мубоҳот ва тафохурдур ва ўз оталари ва улуғ оталари зуҳд ва тақво била машҳур ва қазо ва фатво<sup>11</sup> била доим машғул эрмишлар ва Жом вилоятида сокин ва шайхул-ислом Аҳмади Жом ватаида мутавааттин ва аларнинг бу қитъаси бу маънига далилдур:

Мавлидам Чому рашҳаи қаламам,  
Чуръаи чоми шайхул-исломист.  
Лочарам дар чаридаи ашъор  
Ба ду маънӣ тахаллусам Чомӣст<sup>12</sup>.

Алар кичик ёшлиғ эканда ҳам алардин муфрит фаҳм ва табъ осори зоҳир бўлур эрмиш. Ул жумладин будурким, орифи комил ва муршиди мукамил мавлоно Фаҳриддин Луристонийки, ўз замонининг ягонаси ва ҳақиқат баҳрининг гавҳари якдонаси эркандур — Жом вилоятида аларнинг оталари уйига тушгандур, алар тўрт ё беш ёшларида эмди мактабга борур вақтлари эрмиш, ҳазрати мавлоно аларни ўз қошларида ўлтуртуб, бармоқ ишорати била ҳавога машҳур отларни: «Умар» ё «Али»дек битир эрмиш ва алар тааммул била ўқур эрмишлар ва ҳазрати мавлоно аларнинг туфулиятда бу навъ зиҳн ва закосидин мутабассим, балки мутаажжиб бўлур эрмишлар. Андоқки, бу сўз «Нафаҳотул-унс»<sup>13</sup>да дағи мазкур бор. Туфулиятлари айёмидағи бу навъ осор ва аломат кўп манқулдур. Сабт этарға машғул бўлунса сўз узалур.

Бори кичик ёшидин шабоб аҳдининг авойилиғачаким<sup>14</sup>, Жом вилоятида эрмишлар — аларға фоида еткурур киши оз топилғон жиҳатидин:

Қуёш ул навъки мағриб сори,  
Ё наби ўйлаки Ясриб<sup>15</sup> сори.

шаҳрга<sup>16</sup> азимат қилибдурлар ва Ироқ дарвозасида «Низо-

мия» мадрасасидаки, мавлоно Зайниддин Абубакр Тойбодий ва мавлоно Саъиддин Тафтозоний ва баъзи Амир Хисрав Деҳлавийни ҳам дерларким, анда сокин бўлгондурлар, маскан қилиб, таҳсилга машғул бўлубтурлар ва оз фурсатда абной жинсдин ишни ўтқариб, балки шаҳрнинг мутабахҳир уламосидин илм ва фазлни ошуруб, аларга улум ва фунун ҳеч қайсида замон аҳлидин кишига эҳтиёж қолмайдур.

Рубоий:

Ҳар кимга етар мавҳибати субҳоний  
Ким айлагай они олими раббоний,  
Билмоққа улум истилоҳин жоний,  
Оз вақт фалак муштағил айлар они.

Агарчи бир неча вақт биззарурат улум касбиға иштиғол кўргузубдурлар, аммо ҳеч вақт назм ойинидин холи эмас эрқандурлар. Чун аларга биззот машраби тавҳид воқеъ бўлгондур, ҳақиқат жамолин мажоз музоҳири мушоҳадасида муояна кўруб, беихтиёрлиғлар даст берур эрқандур. Ул маънини назм либосида адо қилмоқдин гузирлари йўқ эрқандурким, бу восита била ўтқа таскин ва ўтлуқ кўнгулга ором бўлур эрқандур. Бу жиҳатдин назмдин ҳаргиз фориг бўлмайдурлар ва бу боисдин назмға тадвин ва девонга тазйин воқеъ бўлубтур ва мурури айём ўтуб, аларнинг назми ҳар синф шеърдин оламнинг золининг қулоқ била биллагин самин дурлар била музайян ва жайб била этагин оташин лаъл била мамлу ва мулавван қилибтурлар ва ғарибдурким, зоҳир улумининг тақмили вақтида неча иш аларга муяссар бўлубтурким, бу умматда ўтган акобир ва соҳиб камоллардин ҳеч қайсиға воқеъ бўлғони зоҳир эмас.

Ул жумладин бири шеърдурким, борча аснофин ул навъким, ҳар синфидаким биров саромад ва мусаллам бўлгондур, алар ул кишидек, балки ортуғроқ ўз ҳақ ва мулки қилдилар.

Яна бир: тасаввуф масоили истилоҳотин андоқ тақмил қилдиларким, ўтган машойих ва авлиёуллоҳнинг расоил ва кутубидинким, гояти ийҳомдин ул шариф илмнинг идрокидин кўпроқ толиби номуродлар маҳрум, балки орий эрдилар — ул илмни ўз рисола ва китобларида хўброқ алфоз ва адо била ул навъ таснифлар қилдиларким, кўпроқ фақирлар анинг мутолаасидин ҳаз топиб, баҳраманд бўлурлар.

Яна бир: тариқат одоби сулукида андоқ дақиқ равиш била тариқларини туздиларким, ҳеч киши аларнинг зоҳир улуми ва шеър ва муаммо ва иншо ва бу навъ нималардин шарифроқ ниҳоний амрға машғул эрқонларин билмадилар ва фаҳм ҳам қилмадилар ва бу ишта чун ҳеч мутанаффисқа муршиди комил мулозамати ва иродатидин гузир йўқдур,

ҳазрати қутби тариқат ва ғавси ҳақиқат мавлоно Саъиддин Қошғарийким, «Нақшбандия» хожалари силсиласининг ул замонда комил ва мукамил муршид ва халифаси эрди — суҳбатин ва мулозаматин ихтиёр қилиб, замонининг сойир муршидлари ва комиллари хизматлариға: шайх Баҳовиддин Умардек ва мавлоно Боязид Пуроний ва мавлоно Муҳаммад Асаддек бузурғлар суҳбати шарафиға доғи мушарраф бўлур эрдилар.

Аммо толиби илмлик ва шоирлик суратидаким, бу шариф илм сатр ва китмониға бу икки ишдек парда мумкин эрмас топилмоқ, невчунким дарвишлиқ фано касбидур, балки фанойи маҳдур ва бу икки иш маҳз даъво ва жадал ва анонийат ва худписандлиқдур.

Аларнинг камолоти овозасин эшитиб, йироқ йўллар қать қилиб, муборак суҳбатлариға мушарраф бўлурға келганлар аларни асҳоб орасида гояти бетаайюнликдин мутлақо танимаслар эдиким, ўлтурур-қўпарда ва айтмоқ ва эшитмоқ ва емоқ ва киймоқда ўзлари била сойир мулозимлари орасида тафовут йўқ эрди.

Киши улуми зоҳирийдин ва маънавийдин бир масъала илқо қилғунча ҳаргиз алар оқдин қарони маълум қилғонлари маълум бўлмади. Аммо масъала илқосидин сўнгра доғи бори улумға маҳорат ва истиҳзор ул мартабада эрдиким, ҳаргиз ҳеч китобға боқмоққа эҳтиёж бўлмади.

Мунча ишнинг зимнида ишқи зоҳир тариқиким, «Ал-мажозу қантаратул-ҳақиқат»<sup>17</sup> иборат андин бўлғай — аларға андоқ муставли эрдиким, ҳар мулоийм мазҳарининг ҳусн ва малоҳатиким, ҳақ жамолияти тажаллиси била зуҳур қилмиш бўлғай ё жавр ва бедоди офатиким, жалолият сифати била жилва кўргузмиш бўлғай, ул сифотидин зоти айнийат мушоҳада қилиб, сабабни мутлақо орадин муртафёе кўруб, кўзлариға мусаббибдин ўзга нима келмаган жиҳатидин бетоқат бўлуб, ҳарне ул изтиробда аларға ишқ шиддатидин ва шавқ суубатидин юзланса эрди жонсўз шеърлар ва дилфуруз ғазаллар иштиғоли била ул таҳаммулсизликқа итмийнон берурлар эрди.

Ва бу ҳол доғи аларға одоби тариқатдаким, тасаввуфда боиси фано бўлғай. кўп мадад берур эрди. Чун фанойи вужуди мавҳум ҳосил бўлди ва ишқ ва шавқ ўти забона торта киришти, ҳар ойинаким, беихтиёрлиғлардин қаландарвашлиғ ва сару по бараҳналиғ ва тоғ ва водий тутмоқ ва мақсуди аслийдин ўзга барчани унутмоқлик даст берур, аларнинг бу шевасин зоҳир аҳли ишқи зоҳири маҳзға ҳамл қилиб, аслий мақсудларидин гофил ва отил қолурлар эрди. Аммо алар ғайри мақсуди аслий хар навъ суратдаким, ўзларин

кўргузур эрдилар — барча ўз ҳолларининг пардаси ва рўй-пўши эрди.

Бир неча йилким, бу ҳолга ўтти — зоҳир улум фазолида даврнинг уламо ва фузалосига фонқ бўлуб, ботин ҳолида дағи бийик маротиб ҳосил қилиб, ғариб кутуб ва расоил тасаввуф илмида алардин рўзғор авроқин музайян қилиб, даврон аҳлига бу шариф илмнинг истилоҳоти била дақиқ масоилин равшан ва мубарҳан қилдилар, андоқким, мусаннафот теъдодида иншооллоҳ битиб бўлғай.

Шоҳрух султон замони авоситидин султон Абусаид замонининг авоилиғача шаҳрда сокин эрдилар. Андин сўнгра Хиёбон бошида ҳазрати пир махдум Саъиддин Кошғарий мазори бошида иқомат расмин зоҳир қилдилар ва шаҳрнинг жамеъ уламо ва ақобири ва ашрофи аларға мулозамат ва тараддуд бунёд қилдилар, то ул подшоҳи замоннинг аркони давлат ва аъён ҳазрати ва олийшон умаро ва рафеъ макон судур ва вузаро, балки аср подшоҳи аларнинг остониғаким, мақсуд қибласи ва мурод каъбаси эрди—ташриф келтурурлар эрди, балки ўзларин мушарраф қилурлар эрди. Андоқки, даврнинг аржумандлари ва аҳднинг сарбаландлари ул ҳазратнинг олийшон остониға юз еткурурлар эрди ва илтижо келтурурлар эрди. Сойир ниёзмандлар ва омман бехеш ва пайвандлар ҳам кўзларин ул эшик туфроғидин ёрутурлар эрди.

Бу фақирини ҳақирини бу сўнғги жамоат зумрасида Хиёбон бошида кўрган замонида мухтасар битилган рисола сабақиға мумтоз бўлдум...

### Аввалғи мақолат

Ул ҳазрат била бу фақир орасида ўтган иттифоқий умур ва ғаробатлиқ сўзларким<sup>18</sup>, андин аларнинг бу фақирға илтифот ва хусусиятлари зоҳир бўлур.

\* \*

\*

Бир кун мавлоно шайх Абдуллоҳ котиб муқарраби ҳазрати борий Хожа Абдуллоҳ Ансорийнинг «Илоҳийнома»ға мавсум муножот рисоласин фақир қошиға келтуруб эрди ва мавлоноий мазкурнинг кутуб байъ ва широсиға<sup>19</sup> ҳам муносабати, ҳам ҳазрати хожаға авлодлиғ нисбати бор. Фақир ул рисоланинг аввал саҳифасин очиб, хутбасин ўқумоқ бунёд қилдим, бу хаёл билаким, бир саҳифа ё ғояташ бир варақ ўқулғай, андоқки эл маъхудидур, сўзнинг хўблуг ва равонлиғидин ҳеч ерда бас қила олмадим, то рисолаким, икки



жузвдин ортуғроқ эди — итмомға етти. Мажлис ҳуззори воқиф бўлуб, таажжуб қилдиларким бир рисолаким икки жузвға яқин, балки ортуғроқ бўлғай, бир таважжух била боштин-оёққача ўқумоқ холи аз ғаробат эмас.

Тонгласи ҳазрати махдум бандахонаға ташриф келтурдилар. Ул рисола ҳозир эрди, олиб очиб, муборак назарларин солдилар. Туно кунги асҳоб андоқки рўзгор аҳлининг ойин ва даъби бўлур, таажжуб изҳори юзидин туно ўтган воқеани ул ҳазрат хизматларида арз қилдилар. Алар табассум қилиб, дедиларким: «Ажаб амри иттифоқий бизнинг ва сизнинг оралиқда воқеъ бўлгон эрмиш: икки ё уч кун бурунроқ мавлоно шайх Абдуллоҳ ушбу рисолани бизнинг қошимизға келтуруб эрди, биз доғи аввалдин бунёд қилдук, охириға дегинча ҳеч ерда турмоқ бўлмаи туганди».

Тонгласи мавлоно шайх Абдуллоҳ келди, то китобин ё баҳосин олғай. Баъзи анга айттиларким: «Фалон (яъни банда) бу китобни аввалдинким ўқумоқ бунёд қилди, тугагунча илиқдин қўймади».

Ул таажжуб юзидин дедиким: «Ҳазрати махдумий хизматлариға ҳам элтиб эрдим, аларға ҳам ушбу ҳол воқеъ бўлди».

\* \* \*

Бир кун ул ҳазрат хизматларида асҳоб ҳозир эрдилар ва ҳар навъ сўз ўтадур эрди. Бурунроқ фақир аларнинг шайба<sup>20</sup> қасидалариғаким, матлаи будур:

Сафед шуд чу дарахти шукуфадор сарам  
В-аз ин шукуфа ҳамин мевай ғам аст барам<sup>21</sup>.

Изҳори бу навъ ақида эрдимким, бу навъ ғариб маонийлиқ ва кўп чошнилиқ ва нозук хаёллиқ, салис иборатлиқ, латиф адолиқ шеър фақир кўрмайдурмен, бовужуди улким, қасидагўйларким, муқаддамдурлар қасойидларин кўп мутолаа қилибмен ва асҳобдин баъзи мусаллам тутса, баъзи мусаллам тутмоқға корих кўрунур эрдилар; ва ул ҳазрат мажлисла-рида сўз қасойид услуби сори тортти, чун ҳар навъ ўтти, фақир шайбанинг васфин ораға солдим ва таърифида беихтиёр бўлдум, то сўз ҳамул ерга еттиким, арз қилдимким: «Фақир муқаддимини маликул-каломлардин ҳеч қайсидин андоқ қасида эшитмайдурмен».

Ул ҳазрат табассум қилиб айттиларким: «Мутааххирлардин биз ҳам андоқ шеър эшитмайдурбиз».

Жамъ сокит бўлуб, фақир бир неча ул бобда баст қилиб, абъёт ўқур эрдим. Алар мунбасит бўлуб, тасдиқ била талақ-

қи қилур эрдилар, то ул жамъга фақирнинг сўзининг сидқи тамом зоҳир бўлуб, ўз ақидаларидин айланиб, фақирнинг ақидасига келдилар.

\* \* \*

«Фаноийя» боғчасин ясардаким, ул ҳазрат ҳавлиларининг ичинда ер иноят қилиб, бериб эрдиларким, фақир ўзига мухтақир манзил ясабмен.

Подшоҳ Марв қишлоғига азимат қилгонда фақир Дарвиш Ҳожи Ирқбандниким, замоннинг чобукдаст боғбонларидиндур — таъйин қилдимки, баҳор ўлғоч, ул боғчага раёҳин ва ашжор эккай. Баҳор бўлгонда Дарвиши мазкур келиб, ул боғчанинг буйрулгон ишига қиём кўргузурда ул ҳазрат дағи гоҳи келиб, муборак хотирлари ташхизи учун бир оз замон анда бўлур эрмишлар ва баъзи йиғочларга дағи илтифот қилиб, ер кўргузур эрмишларки, қайда эккай.

Дарвиш Ҳожи тунд мизожлик девона кишидур. Баъзида муноқаша қилур эрмиш ва ул ҳазратга хуш келиб, мунбасит бўлур эрмишлар. Бир кун йиғочқа алар ер таъйин қилибтурлар. Девона боғбон инод юзидин дебтурким: «Мунда экмасмен». Алар инбисот била дебтурларким: «Невчун экмассен?» Ул дебтурким: «Ражадин ташқаридур, тонгла черик келса, Мир Шайхим боғбонликда воқиф кишидур, кўруб эътироз қилғусидур». Алар дебтурларким: «Боғча Шайхимнинг эмас, Алишернингдур, ул эътироз қилмағусидур».

Черик шаҳрга келгандин сўнгра Дарвиш Ҳожининг тундликларидин асҳоб нақллар қилурлар эрди. Ул ҳазрат дағи завқ ва нишот юзидин ул йиғочни кўргузуб, ўтган ҳикоятниким, алар била Дарвиш Ҳожи орасида воқеъ бўлгондур, нақл қилур эрдилар.

\* \* \*

Бир кечаси бир улуг киши маҳаллида жамоати азизлар хизматида туштум. Мутаҳҳари Удийким, хушовозликда Зухранинг<sup>22</sup> отаси ва хушхонликда анинг фарзанди руҳафзоси бўла олур эрди. Тағаний маҳаллида Хожа Ҳасан Деҳлавийнинг бу шеърин ўқуйдур эрдиким:

Зиҳй дарунаи дилро замон-замон бату майле<sup>23</sup>,  
то бу байтга еттиким:

Мисоли қатраи борон сиришки ман ҳама дур шуд,  
Чунин асар диҳад, алҳақ, тулуи чун ту суҳайле<sup>24</sup>.

Мажлис аҳли мутаайин хуш табъ эл эрдилар ва мири мажлис ҳам хуш табъ ва подшоҳнишон. Муғанниға баъзи эътироз юзидин ва баъзи танбеҳ юзидин дедиларким: «Сиришки ман ҳама дур шуд» ўқума, «дур шуд» ўрниға «хун шуд» ўқуки, «дур шуд»нинг маъноси йўқтур. Мири мажлис дағи аҳли мажлисға муттафиқ бўлди. Бу фақир ҳеч нима демадим. Мажлис ҳуззори фақирға дағи машғуллуқ бунёд қилдиларким: «Сен дағи невчун бу сўзда асҳоб била мувофиқ эмассен?» деб. Фақир дедим: «Мен ул жонибменким қоил адо қилди, яъни:

Мисоли қатраи борон сиришки ман ҳама дур шуд ростдур, балки мундоқ керак».

Барча ҳужум қилиб, фақирға гулу қилдилар. Фақир айттимки: «Чун сиз барча бир жониб бўлдунгиз, мен ялғуз. Сизга ўз муддаомни собит қила олмон, аммо бир кишини ҳакамликға мусаллам тутсангиз, гарав боғлабмен».

Барча иттифоқ қилиб айттиларким, ҳазрати махдум олам афозилининг ҳаками, балки ҳокимидур, аларни мусаллам тутмас киши йўқтур. Чун сўз мунға қарор топти. Фақир алар била гарав боғлаб, мажлиснинг кайфиятин ва ул баҳснинг сабабин ва ул байтда «хун» лафзи муносиброқ ё «дур» лафзи мувофиқроқдур деб, мақсуднинг иснодин ҳамул замон бити, ул ҳазрат хизматлариға йиборилди. Бир яхши замондин сўнгра борғон киши жавоб келтурди ва ул ҳазрат бу мисрани битиб эрдиларким:

«Сухан дурр асту тааллуқ ба гўши шаҳ дорад»<sup>25</sup>.

Ул жамоат мулзам бўлуб, фақирға аларнинг тарбият ва мададлари бу навъ етти. Маълум эмаски, ҳаргиз киши бу навъ мухтасар жавоб ҳеч саволда айтмиш бўлғай. Тонгласи бу сўз шуҳрат тутти. Эл ёд тутуб, мажолисда нақл қилурлар эрди.

\* \*  
\*

Подшоҳ ул йилки Хуросон тахтин олғондаким, «Жаҳоноро» боғи тарҳин солдилар. Бир панжшанба кунини ул ҳазрат хизматларида Гозургоҳдин Дашт юзи била Хиёбон сори бориладур эрди. Сайид Фиёским, ул боғнинг таъмири ва боғбонлиги анға мутаайин эрди, йўлда йўлуқтиким, аробаларға улўғроқ сарв йиғочларин боғлардин сотун олиб, қўнгариб юклаб, «Жаҳоноро» боғиға элтадур эрди. Ул ҳазратға салом бериб, алар илтифот қилиб, мутояба била дедилар:

— Яна ҳеч сарв йиғочи қолдиму? Не, бўйла сарв йиғочи юклабсен, оё неча йиғоч бўлғай?

Ул дедиким:

— Санаббиз, юз тўрт ададдур.

Алар дедиларким:

— Ажаб ададдур.

Фақир дедимким:

— Муносиб ададдур, невчунким, «қад» адади<sup>26</sup> била муносибдур.

Алар дедиларким:

— Ростдур,— дағи фақирни таҳсин қилдилар.

\* \*  
\*

Бир кун алар йўл била борадур эрмишлар. Маҳмуд Ҳабиб отлиғ девонаи хуморийи абтарий бор эрди, маст ва ошуфта аларга йўлуқуб, беадабона сўзлар айтиб, балки сафоҳатлар қилибтур, аммо алар мутлақ илтифот қилмайдурлар, дағи анинг сори боқмайдурлар. Яна бир кун фақир алар хизматида борадур эрдим. Ҳамул девона фақирни алар била кўрдиким, борадурмен. Ул ердинким, жунун аҳли ва абтар халойиқ фосид хаёлоти бўлғай, соғинмиш бўлғайким, алар анинг туно кунги беадаблиқларидин фақирга шаммаи изҳор қилғайлар ё қилмиш бўлғайлар. Аларга бетақриб сўз қотиб, узрхоҳлиқлар бошлади. Фақир таажжуб қилиб, алардин истифсор қилдимким: «Бу девонанинг паришон узрхоҳлиқлари, оё, нежиҳатдин эркин?»

Алар сўзни ўзга сори юткаб, туно кун ўтган ҳолатдин ҳеч нима изҳор қилмадилар. Аммо асҳобдин туно кун ўтган сўзмаълум бўлди. Ул девона беэтидоллиқлар қилса эрди, анга таъзир ва адаб қилилур эрди. Фақир тиладимким, анга адаб бурғаймен.

— Сен ҳеч нима демагилким, анга адаб етгусидур.

Бир неча кун ўтмадиким, яна бир девона ани уруб ўлтурди.

Қурратул-айни салтанат Музаффар Ҳусайн мирзонинг<sup>27</sup> Аҳмад Ҳусайн отлиғ фарзанди тенгри раҳматиға борганда алар азо сўрар дастур била «Боғи Сафед»ға келиб эрдилар. Фақир ул азиз фарзанд марсияси била ул азиз ота дуоси бобида бу байтни айтиб эрдимким:

Гар шамъ мурд, меҳри фалакро мадор бод,

Гар қатра рехт, оби бақоро қарор бод<sup>28</sup>.

Ул ҳазрат хизматларида астағина ўқудум. Султонзода мажлисларида алар давог ва қалам ва қоғаз тиладилар, дағи бу байтни битидиларким:

Фарзанд меваест зи шохи дарахти умр,  
Гар з-он ки мева рехт, шаҷар пойдор бод<sup>29</sup>.

Ва султонзода ниёзмандлиғлар қилиб, бу байтнинг мусав-  
вадасин олиб, азим таъзимлар қилиб узоттилар.

\* \* \*

\*

Алар Макка сафаридин қайтиб шаҳарға келганда под-  
шоҳ рўзгор ҳаводиси иқтисосидин Балх юрушиға бориб эр-  
дилар. Чун ҳумоюн роётким, Балхдин қайтиб, тахтға озим  
бўлдилар, истиқбол расми била Мурғоб вилоятиғача келиб  
эрдилар. Подшоҳ била мулоқотдин сўнгра бандохонаға таш-  
риф келтуруб, кеча анда бўлдилар. Кеча алар истироҳат қи-  
лур учун, бир янги такаллуфлик оқ уй<sup>30</sup> бор эрди, ани тик-  
турулди, то ул ҳазрат анда осойишға машғул бўлдилар.

Иттифоқо ул кеча бир ғариб тунд ел эстиким, ўрдунинг  
кўпроқ оқ уй чодирларин йиқиб, ажаб ошуб эл орасиға сол-  
ди. Алар учун тиккан оқ уйни дағи йиқиб, ушотибдур. Алар  
хизматидағи асҳоб дегандурларким:

— Ҳайф бу уйдинки, яхши уй эрди, ажаб пора-пора бўл-  
ди. Муни тиккан фаррошлар, оё, не дегайлар?

Алар дебтурларким:

— Не дегайлар, айтгайларким, кошки бу шум қадамлик  
муллолар бизнинг уйга келмасалар эрди.

Ҳам ушбу тарихда эрдиким, фақир сипоҳилиқдин мута-  
наффир бўлуб, маносибни тарк қилиб, мулозиматни ўксутуб  
эрдим. Алар танбеҳ ва насиҳат юзидин сўрдиларким:

— Бу навъ амре масмуъ бўлди, бу жиҳат на эрди эркин?

Фақир дедимким:

— Инсон жинси суҳбат ва ихтилотидин малул бўлуб эр-  
дим, бу ишга ул боис бўлди.

Алар дедиларким:

— Инсон кимни хаёл қилиб эрдинг, бизга дағи кўргуз?

Кўркуб эрдимким, манъ қилгайлар. Бу жавобдин билдим-  
ким, муборак хотирлариға бу иш хейли нохуш келмаган эр-  
миш. Хотирим жамъ бўлди.

\* \* \*

\*

Алар мавлоно Соғарий била кўп мутояба қилурлар эрди.  
Бир кун алар хизматида мавлоно Соғарий ҳозир эрди. Алар  
анинг шеърин таъриф қилур рангда анинг била мутояба қи-

лур эрдилар. Ва мавлоно Соғарий ўз шеърин бағоят эҳтимом юзидин карру фар била ўқуғувчи эрди. Андоқки, бир оз нима бевуқуфроқ киши қошида ўқуса эрди, кўп яхшилиқға ўткарур эрди. Фақир ўқумоғин ҳам таъриф қилдимким, бовужуди хўб айтмоқ хўб ҳам ўқур. Алар табассум била айттиларким: «Бизга мундоқ бозий берур». Алар бу қитъани айтиб эрдиларким:  
Қ и т ь а:

Соғарий мегуфт: дуздони маоний бурдаанд —  
Хар кучо дар шеърин ман як маънии хуш дидаанд.  
Дидам аксар шеърҳояшро яке маъний надошт  
Рост гуфтаст ин ки маъниҳошро дуздидаанд<sup>31</sup>.

Ул вақтким, фақир «Хамса»ға татаббуъ қилдим, бир достонда ҳазрати Шайх Низомий ва Амир Хисрав Деҳлавий ва ул ҳазрат маддоҳлиқларидаким, ўзумни ихлос ва ниёмандлиқ юзидин аларға тобеъ ва пайрав тутуб, сухангузорлиқ воқеъ бўлуб эрдиким:

Каҳфи фано ичра алар бўлса гум,  
Мен ҳам ўлай робиухум калбухум<sup>32</sup>.

Ул учурда мавлоно Соғарий доғи бу маснавийға бир неча байт татаббуъ қилиб эрди ва фақирни мухотаб қилиб, бир мақсуд орасида бу навъ бир байт айтиб эрдиким:

Мир ки гуфт: «робиухум калбухум»  
Ёфта файзи сухан аз қалбухум<sup>33</sup>.

Фақирға ўқуғонда бу байтгаким етти — фақир мутояба юзидин айттимким:

— «Аз қалбухум» таркибида «аз» — «мин» маъноси билалур, «мин» хуруфи жоррадиндур ва мадхулин мажрур қилур ва бу таркибда ўз амалин қилса қофия ғалат бўлур<sup>34</sup>.

Мавлоно Соғарий мундоқ жавоб бердиким:

— Бок йўқтур, ҳазрати махдум ҳам бу эътирозни қилдилар.

Бу сўз тақриридин фақирға неча ғараздур. Бири: мавлонинг бир байтда бурунқи мисраида номавзунлуғи ва иккинчида: айтғониким, бир маснавий байтида мундоқ фоҳиш ғалатлар қилса, андоқ улуг ерларға не навъ илик урғай, яна бири: фақирнинг эътирозиға жавоб берганининг ғаробати, куллийроғи ва мутоябаомиз эътирозда ул ҳазрат била фақир орасида таворуд<sup>35</sup> воқеъ бўлғони.

\* \*  
\*

Бир кун подшоҳ ҳазратлари бандахонада эрдилар:  
«Тортиладурғон атъимадин, айттилар, ул ҳазратға доғи нишона бермак муносибдур».

Қарор анга туттиким, Хожа Деҳдор элтгай. Элтган нималар орасида ҳамоноким бир эътидолдин ташқари семиз қўй учаси дағи бор эрмиш. Хожа Деҳдор андинким, фарти иштиҳодур, ул уча таърифида муболаға андоқ қилмиш бўлғайким, аларға андин Хожанинг рағбати, балки ортуғроқ тамаи маълум бўлмиш бўлғай. Демиш бўлғайларким: «Ўлтур ва машғул бўл». Хожа андоқ пешакорлар ул таомни емоқда кўргизмиш бўлғайким, аларға бу рубоийни айтурға боис бўлмиш бўлғай.

Рубоӣ:

Эй Хоҷа, маро зи лутфи худ парвардӣ,  
З-овардани пушти дунба фарбеҳ кардӣ,  
Биншастии-ю дунбаро ба рағбат хўрдӣ,  
Бурди ба шикам он чӣ ба пушт овардӣ<sup>36</sup>.

Яна бир қатла Хожа Деҳдордин мутанаввиъ атъималар била алар хизматиға йборилиб эрди. Анда доғи бир қўй қўзи учаси бор эрди. Анга ўхшарки, Хожа ўзига ул ҳадоёни иснод қилиб, мубоҳотгуна қилмиш бўлғай — алар бу бобда бу қитъани айтиб эрдиларким:

Хоҷа овард баҳри суфраи мо  
Пушти он як-ду гўсфанд ки кушт,  
Лекин аз дасти нахвати чудаш  
Нашуд олудаам бад-он ангушт,  
Ҳаст аз он бо худааш тасавури он,  
Ки ба Ҳотам ҳамерасад ба ду пушт<sup>37</sup>.

Фақир кўпроқ авқот ниёзмандлиқ юзидин нақд ё жинсдин туҳфа ва табаррук алар хизматиға йборсам Хожа Деҳдордин йборилур эрди. Унга ўхшарки, баъзи вужуҳни санамоқда бобил-хилофгуна воқеъ бўлғондур. Алар бу қитъани айтиб эрдиларким:

Хоҷа Деҳдор аз атийяи Мир  
Ҳар чӣ орад зи дирҳаму динор,  
Музди по баргирифта, мегуяд  
Ношумурда ки понсад асту ҳазор.  
Ҳеч дар хотираш намегардад  
Фикри шармандагии рўзи шумор<sup>38</sup>

Яна бир қатла ушбу навъ модлада ҳам бу қитъани айтиб эрдилар:

Ба Деҳдор гуфтам ки бардор бахш,  
Аз он сурфа ки зи-вай сар афроштам,  
Зи инсоф дам зад. к-азон бахши худ:  
Ҳамон бас ки дар роҳ бардоштам<sup>39</sup>.

\* \*  
\*

Бир қатла фақир аларнинг қадимий девонин мавлоно Абдуссамадгаким, замоннинг хушнависларидиндур ва хуш табъ ҳам бор, буюруб эрдим ва улча мақдур такаллуфдур қилилиб эрди. Девон тугангандин сўнгра алар хизматиға элтиб, муқобала истидъоси қилилди. Алар айттилар: «Бир-икки кун мунда турдик<sup>40</sup>. Биз миқдоре мулоҳаза қилалди. Котибин хуш табъ киши дерлар. Шоядки, эҳтиёт қилиб эркин-ким, муқобала қилурға эҳтиёж бўлмағай».

Тонгласи фақир алар хизматиға еттим, айттиларким: «Бу китобни ғариб навъ битибдур, анга ўхшарким, илтизом қилмиш бўлғайким, ғалатсиз мисраъ битмағай, баъзи ерда бирор-иккирор, балки ортуқ абъёт ҳам тарк қилибтур, ўзи-ўқ мунда бўлса, чун хушнавис кишидур, кўп эҳтиёт жиҳатидин шояд хўйли рўзгори зоеъ бўлғай».

Гуфту шунид кўп ўтти, охир фақир дедимким: «Агар сизнинг муборак қаламингиз била ислоҳ топса мужиби мубоҳот ва зебу зийнат бўлур». Оқибат қарор анга туттиким, ўз муборак қаламлари била ислоҳ қилғайлар. Ҳад ва ниҳоятдин ортуқ ғалатлар эрдиким, ҳам ҳақ ва ҳам ислоҳ қилдилар, то итмомға етти, девоннинг охирида бу қитъани битиб эрдиларким:

Хушнависе чу орази хубон  
Суханамро ба хатти хуб ороств.  
Лек ҳар чо дар ў зи саҳви қалам  
Гоҳ чизе фузуду гоҳе кост.  
Қардам ислоҳи он бо хати хеш,  
Гарчӣ н-омад чунончи дил мехост.  
Ҳар чӣ ў карда буд бо суханам  
Ба хати ў қусур кардам рост<sup>41</sup>.

Султон Яъқуб фақирдин китоб тилаганда андин нафисроқ китобим йўқ эрдиким, ҳар мисраида ул ҳазратнинг муборак қалами кириб эрди ва аларнинг-ўқ қудсий осор анфоси эрди — йибордим ва бу битилган кайфиятни шарҳ била битидим.



Уқуб, хушвақтлиғлар қилиб, қитъани ёд тутуб, мактубда миннатдорлик изҳор қилиб эрдилар.

\* \*  
\*

Бир сабоҳ ул ҳазрат бандахонаға ташриф келтуруб эрдилар. Ул уйда бир-икки жуфт товус бор эрди. Сўз асносида андоққи, товуг не дастур била катакдин чиқормоқ маъҳуддур, товусларни асрағучи ҳам уйларидин суруб чиқорди, ҳамул замон жилва қила бошлаб, қуйруғларин чатр қила бошладилар. Алар сунъ наққошининг нақшбандлиғи ғаробатида мутаажжиб бўлуб, товус бобида ҳар навъ сўз ўтар эрди, то сўз анга етиштиким, баъзи эл қошида бу сўз борким, товус жуфт бўлмай байза қўяр, баъзи қошида будурким, мастлиқ вақтида эркагининг кўзидин бир қатра сув модасининг кўзига томиб, ул тухм моддаси бўлур. Алар фақир сори боқиб, айтиларким: «Бу сўз йироқ эрмаским, эътибори бўлғай, невчунким, машҳурдурким, Мир Хисрав баъзи расоилида бу маънини изҳор қилмиш бўлғай, ул Ҳиндустонда бўлгон кишидур, то анга таҳқиқ бўлмағай, битимамиш бўлғай».

Фақир агарчи бу сўзнинг маҳзи кизб эканин билур эрдим, аммо алар юзида Амир Хисрав сўзин не тасдиқ қилдим, не такзиб ва ҳеч жавоб бермадим. Алар жавоб бермаганининг сабабин сўрдилар. Заруратдин фақир айттимким: «Шояд Ҳиндустонда товусға бу ҳол воқеъ эркин». Алар мутаажжиб бўлдилар: не Мир Хисрав сўзи исботида муболаға қилдилар, не фақирнинг сўзининг нафйида. Невчунки, ҳеч жониб аларға яқин эрмас эрди. Аммо фақирға ажаб ҳол воқеъ бўлдиким, Мир Хисравдек кишининг сўзиким, алардек бузургвор айтқайлар ва мен тасдиқ қилмағаймен. Бу фикрга туштумким ўз муддаом исботини не навъ қилғайменким, бу ҳолатда маст нар товус югурди, дағи модасин босиб жуфт бўлди. Алар қулуб дедиларким: «Мундоқ иттифоқий иш оз воқеъ бўлмиш бўлғай, шубҳа рафъ бўлуб, муддао исботи зоҳир бўлди».

\* \*  
\*

Аларнинг Сафиуддин Муҳаммад отлиғ фарзандлари тенгри раҳматиға борди. Азо сўрар ойинин бажо келтурурга отланиб, алар хизматиға борадурғонда ёри азизим Шайхим Суҳайлий йўлда йўлуқти, қаён борадурғонни билгач, ҳамроҳ бўлди. Андин сўнгра мавлоно Соний йўлуқти, ул доғи қўшулди. Алар хизматиға борғоч, акобир ва ашрофдин жамъи

касир алар хизматида эрдилар. Мажлисда ўлтурғоч, фақирға аларнинг рутбаси шавкатидин ва мажлис савлатидин ҳаср бўлуб, ҳеч навъ сўзким, далолат азо сўрмоқға қилғай — айта олмадим. Ҳамроҳларим худ ўзларин менга тобеъ тутуб эрдилар. Бир ламҳа ўтгандин сўнгра худ сўз айтурнинг вақти ўтти. Бу фақир бағоят хижолатзада бўлуб, тарихға муносиб алфоз хаёлиға туштум. Иттифоқи ҳасанадин «бақои ҳаёти шумо бод»<sup>42</sup> алфозин аввал қатлаким, ҳисоб қилдим, рост келди. Эҳтиёт учун яна бир қатла ҳисоб қилилди. Шубҳа рафъ бўлгондин сўнгра давог ва қалам тилаб, бу алфозни битиб, рақамин устига сабт қилиб, аларға эътизор юзидин тута бердим. Алар таҳсинлар қилиб дедиларким: «Бу тарихни биз назм силкига тортали».

Бу навъ назм қилдиларким:

Гули бўстони латофат Сафӣ  
Чу шуд сўй чаннат зи боғи фано,  
Азизе пай пурсей таърих гуфт,  
Ки «бодо бақои ҳаёти шумо»<sup>43</sup>.

\* \*  
\*

Бир кун фақир алар хизматида эрдим ва яна киши йўқ эрди. Анварий қасойиди бобида сўз ўтадур эрди. Алар бу навъ таъриф қиладур эрдиким: «Биз анинг ашъорин, батахсис қасойидин оз кўруб эрдук, бу яқинда бир-икки девони бизнинг илигимизга тушубтур, гоҳи анга машғул бўладур-биз, баъзи ерда айтса бўлғайким, башар каломидин ўтуб, эъжоз ҳаддига етмиш бўлғай, ғариб таркиблар ва ажиб адо-лар назарға келадур».

Чун фақир асҳоб орасида муттаҳам<sup>44</sup> мунга борменким, Анварийға муътақиддурур ва анинг шеърин кўп ўқур. Филвоқеъ мундоқдур. Бағоят хушвақт бўлуб айттим: «Илтимо-сим борким, ул қасидасинким будур:

Гар дилу даст баҳру кон бошад,  
Дилу дасти худоягон бошад<sup>45</sup>,

бир қатла ўқуб мулоҳаза қилилса».

Алар мутабассим бўлуб айттиларким: «Ажаб сўз айттинг, биз бу уч-тўрт кунда бу қасидасин ўқуб, хушҳол бўлуб, ғоят хуш келгандин жавоб ҳам айтибмиз», — деб мусаввадани бир худранг варақда чиқориб, фақирнинг илиғиға бердиларким: «Ўқуб кўр». Матлаи бу эрдиким:

Ҳар киро дар даҳон забон бошад,  
Дар санои шаҳи чаҳон бошад<sup>46</sup>.

Биз фақирлар не истихқоқ била таъриф қила олғайбиз. Мунча густоҳлиқ қилилдиким, ул қасидани сиҳр хаёл қилур эрдук, бу шеър ани паст қилғондек кўрунадур, ҳамоноки муъжиза деса бўлғай.

\* \*  
\*

... Хуш ул замонким, замон мундоғ бузургворлар шариф вужудлари била ороста ва даврон мундоқ рафеъ миқдорлар хилқатлари била пийроста эрди. Ҳайф ва юз минг даригким, ул қуёшлар уёқиб, бир неча тийра рўзгор хуффошлар пару бол очиб, назарбозлиқ ва баланд парвозлиқ ҳавосида жилва қилурлар.

Ва ул тенгизлар суғолиб, бир неча кудурат осор хайдек мулавваслиққа фошлар нахват елидин зулол осор таҳаррук ва баҳр кирдор тамаввуж нуқуши кўргузурлар...

### Иккинчи мақолат

Ул ҳазрат била бу фақир орасида ўтган руқъалар<sup>47</sup> бобидаким, ул руқъалар ҳоло аларнинг куллиётида мазкурдур ва муншаотлари орасида мастурким, бу фақир жавоб битибмен ё акси.

\* \*  
\*

Бу руқъани бу фақир Марвдин арзадошт қилиб эрдимким, ихтисор жиҳатидин анда битилган рубойи била ихтисор қилилур.

Рубой:

То дур фитода сарам аз хоки дарат,  
Ҳар рўз диҳам ба номае дарди сарат,  
Беҳуд гардам чу нома ояд зи барат  
Ман беҳабар аз нома, чӣ донам хабарат<sup>48</sup>.

Алар бу руқъани битиб эрдиларким:

З-он дам ки фитод иттифоқи сафарат,  
То бў ки кунам гаҳе ба хотир гузарат,  
Гар мурғ парад ба сӯи ту ё бод вазад,  
Хоҳам ки диҳам ба номае дарди сарат<sup>49</sup>.

Чун қалам бардоштам ва андеша гумоштам, чуз эътизори руқъаҳои мутатобеъ ки дар ин чанд рўз воқеъ шуда, маъни

дар дил нагашт ва сурате ба хотир нагузашт. Агарчи ин низ холи аз дағдағаи тасдеэ нест ва авқоти шарифро бешоибан тазъеэ не.

Гар бинолам пеши ту, он нола дарди сар бувад  
В-ар бихоҳам узр, он дарди сари дигар бувад<sup>50</sup>.

Неча кудди сўнгра ҳам Марвда бу руқъа алар ҳазратидин келдиким:

Таҳийёте ки чун аз дил барояд  
Ҳама руҳониёро чон физояд.  
Шамими он дар ин фирузаманзар  
Димоғи қудсиён дорад муаттар<sup>51</sup>.

Руқъанинг охирида бу икки байт эрдиким:

Чуз ин коре мабодат гоҳу бегоҳ,  
Ки дар зилли залили, давлати шоҳ,  
Хати ҳаззи худ аз дил бартароши,  
Барои ҳақ паноҳи халқ боши<sup>52</sup>.

Фақир жавобида ва аларнинг руқъаси таърифида бу руқъани арз қилиб эрдиким:

М а с н а в и й:

Саломе, к-аш чу мурғи чон сарояд  
Чу руҳуллаҳ равонбахшӣ намояд,  
Ҳама алфозаш аз айни мувосо  
Чу нутқи Аҳмади мурсал дилосо<sup>53</sup>.

Сўнғги икки байт жавобида бу икки байт битилиб эрдиким:

Умедам он ки аз иршоди Махдум,  
Ба рӯи нома гардад ҳар чӣ марқум.  
Зи амраш чун қалам сар барнатобам,  
Ба тавфиқи вуқуаш баҳра ёбам<sup>54</sup>.

\* \*  
\*

Подшоҳ Марв қишлоғида эрканда Устод Ҳасан нойининг фавтининг хабари Ироқдин келди. Фақир ҳазрати Мавлавий<sup>55</sup> маснавийсининг аввалғи байти муносабат жиҳатидин тазмин<sup>56</sup> қилиб эрдим. Бу навъким,

Т а з м и н:

Шарҳи ҳаҷри шоҳи устодон Ҳасан,  
«Бишнава аз най чун ҳикоят мекунад».

Банд-банди ў чудо гашта зи.ҳам,  
«Аз чудоиҳо шикоят мекунад»<sup>57</sup>,

битиб, шаҳрда ҳазрати Махдум хизматлариға йиборилиб эрди. Алар келур кишидин ҳам бу байтни тазмин қилиб, бу руқъани йибориб эрдиларким.

Т а з м и н:

Шуд наи хома диламро тарҷумон,  
«Бишнава аз най чун ҳикоят мекунад».  
Бо забони тезу чашми ашкрес  
«Аз чудоиҳо шикоят мекунад»<sup>58</sup>.

Ҳикоёти тамодии айёми фироқ ва шикояти таволини лаёлии иштиёқ беш аз он аст ки ба мададгории давоти даҳонбаста ва ба дастёрии хомаи забоншикаста дар тӯли ин нома арзи он мақдур бошад ва дар таййи ин саҳифа нашри он маншур, лочарам садди он боб карда илтимос меравад ки:

Дар он соат, ки беташвиши ағёёр  
Дар он фархундамачлис бошадат ёр,  
Замин бўсӣ ба таъзими ки донӣ  
Заминбӯсӣ дуогуён расонӣ<sup>59</sup>.

Давлате аз интиҳо масун ва саодате аз инқитоъ маъмун бод...»

\* \*  
\*

Ҳ а м у л юрушда фақир бу руқъани битиб йибориб эрдимким:

Наи килкат шакари маъниро  
Карда чун найшакар аз ҷавф бурун.  
Хати ўро хати мушкинсурат  
Дар таҳи хат рухи зебо мазмун,  
Балки ҳар донане аз нуқтаи ў  
Тоҷи маъниро дури макнун.

«Руқъае ки аз рӯи илтифот фиристода буданд, бал гавҳаре ки аз баҳри табъи Уммон симот берун оварда — расид. Бар ҳар тақдир бар тоҷи торак дӯхта шуд ва хоан чашму дил бад-он афрӯхта гашт.

Офтоби иршод бар сари толибони рубъи маскун ва бар сарвақти қобилони ҷавфи гардун тобанда бод, вассалом»<sup>60</sup>.

Ул ҳазрат бу руқъани жавоб битиб, йибориб эрдиларким,

қ и т ъ а :

Наи килки ту тифли маънйро  
Ба наботи ҳусн биларварда,  
Ғурраи субҳро зи турраи шом  
Рашки рухсори навхатон карда.  
Қисса кўтаҳ, шаби дарози маро  
Пора-пора ба рӯз оварда<sup>61</sup>.

• Саҳифаи шарифаи машҳун ба маонӣ ва ибороти латифаи мамлу аз нуқот ва хурдадонӣ наздикони дур ва дурони наздик ба ҳузурро мушарраф сохт. Дар сурати ҳар хатте ҳаззе рӯй намуд ва аз акси ҳар ҳарфе фараҳе партав андохт. Аз шавкати шиква ғунҷаҳои шукру сано дамонида ва аз хори гила гулҳои маҳмидату дуо шукуфонид.

Ш е ъ р :

Гар лутфи ту бигзарад ба хористонҳо,  
Хористонҳо шавад баҳористонҳо<sup>62</sup>.

Ҳикояти гила ва шикоят бинобар он воқеъ шуд, ки эшон аз руқъаи ин фақир тасаввур кардаанд ва дар таҳти тақрир ва таҳрир овардаанд ва илло маснавий:

Н-ояд аз ту чунон муомалае,  
Ки касеро расад аз он гилае,  
Нест аз ту ба чуз гила гила чанд  
З-он ки лутфи туаш зи бех биканд...<sup>63</sup>

\* \* \*

Бир кун ул ҳазрат хизматида эрдим ва ҳар навъ назмдин сўз ўтар эрди. Сўз асносида Мир Хисрав...нинг «Даръёи аброр»<sup>64</sup> отлиғ қасидаси мазкур бўлди. Бу фақир гўё анинг таърифида муболаға қилдим ва муҳиқ эрдим. Невчунким, Мир Хисравдек кишидин мундоқ машҳурдурким, демиш бўлғайким: «Агар афлок ҳаводиси ва рўзгор навоибидин менинг борча назмим замона саҳифасидин маҳв бўлса ва бу қасидам қолса менга басдур, невчунким, ҳар киши ани ўқуса билурким, назм мулкида менинг тасарруф ва иқтидорим не мартабада эркандур». Аммо неча доғи мундоқ бўлса, бу фақирдин ул ҳазрат мажлисларида таърифда ифрот муносиб эрмас эрди. Ул ҳазрат ҳеч нима демадилар, то мажлис тарқади.

Ҳамул учурда подшоҳ Марв қишлоғиға озим бўлдилар. Иттифоқо неча кундин сўнгра азимат бўлди. Фақир ул ҳазратдин ижозат тилай хизматлариға бордим. Истижозадин

сўнгра фотиҳа ўқуб, рухсат бердилар. Дағи қўюнларидин бир жуз чиқориб, фақирга иноят қилдилар. Олиб очтим эрса «Даръёи аброр» жавоби «Лужжатул асрор»<sup>65</sup> эрдик, ҳа- мул кунларда айтиб эрдилар. Ҳар киши ўқуса билурки «Даръёи аброр»дин якдастроқ ва рангинроқ. Ниёзмандлиқ қилиб, қулоқ тутуб, отланиб, манзилга таважжух қилдим ва манзил тўққуз работ эрди. От устида қасидани ўқуб, хушҳоллиқ била борурда хаёлга «Тухфатул-афкор»<sup>66</sup> қаси- дасининг матлаи келди. Манзилга тушгандин сўнгра битиб, бир бекдин ул ҳазрат хизматлариға йиборилдиким, агар тугатурга лойиқ бўлса ва ишорат бўлса машғуллуқ қи- лайин, йўқ эрса хайр.

Ул ҳазрат руқъаларида таърифлар қилиб, муболағалар айтиб эрдиларким, «албатта тугатсун», деб.

Фақир Марвға боргунча ани ул ҳазрат отиға тугаттим ва Марвдин ул ҳазрат хизматлариға битиб йиборилди. «Даръёи аброр» матлаи будурким:

Кўси шаҳ холиву бонги ғулғулаш дарди сар аст,  
Ҳар ки қоней шуд ба хушку тар шаҳи баҳру бараст<sup>67</sup>.

«Лужжатул-асрор» матлаи будурким:

Кунгури айвони шаҳ к-аз кохи Кайвон бартар аст,  
Рахнаҳо дон к-аш ба девори ҳисори дин дар аст<sup>68</sup>.

«Тухфатул-афкор» матлаи будурким:

Оташин лаъле ки тоқи хисравонра зевар аст,  
Ахгаре баҳри хаёли хом пухтан дар сар аст.  
Буд явми чомай шаҳри раҷаб таърихи он,  
Турфатар к-ин рўзу моҳ итмоми онро мазҳар аст<sup>69</sup>.

Бу тарихда ғаробат борким, тарихнинг ой ва кунининг зикридин йили ҳисоби «жумал қондаси»<sup>70</sup> била ҳосил бўлур.

\* \*  
\*

Ул ҳазрат бу руқъани битиб йибориб эрдиларким:

«Баъд аз адои вазоифи дуо мақрун ба иҷобати самиял- лоҳу лиман дуо марфуъ он ки ба тозағи қосиде расид ва қасидаи тозае расонид.

Шеър:

Чу ҳарфе чанд хондам з-он қасида  
Дили хосонаш андар қайд дидам.  
Дар он асно чу шуд чашми басират  
Кушода чумла дилҳо сайд дидам.

Харчанд аз матлаъ то мақтаъ дар ҳар байт ва мисраъ хотир ба суръати нуқуди мубоҳӣ ба ҳар ҳарфе фуру шуд, чун сиёҳӣ ҳеч нуқсоне чуз он ки дафъи айнул-камолро дар ҳусни калом ва лутфи мақол кӯшида буланд ва аз ҳеч чизе сохтаи ин ноқисро либоси авсофи камол пӯшида ба назари андеша дарнаёмад, оре.

Назм:

Машшота чу чеҳраи бутон орояд,  
Аз нилхате кашад пан дафъи газанд.

Аз фаҳвои он чунон маълум шуд ки хизмати эшонро иродати иқбол бар қиблаи мақсуд ва эъроз аз намудҳои бебуд мутааккад шуда... Аммо агар чунончи дар тағйири умури суварӣ ва тарки иштиғоли ғайри зарури, чун мулоими мизочи азизон нест, муболага наравад ва дур наменамояд, ҳеч чо нест, ки мақсуд зоҳир нест ва чамоли зуҳурашро камоли зуҳур сотир не...»<sup>71</sup>.

Ва руқъа ҳошиясида қасида силаси бир бўрк била сарафроз қилиб, бир рўймол мужиби обрўй қилиб эрдилар. Мундоқ битиб эрдиларким: «Тоқияи фарқи тоҷи такаллуфро ва порай карбоси нашфи рутубати дасти аз чаҳон шустаро фиристода шуд»<sup>72</sup>.

Чун «Тухфатул-афкор» қасидаси шуҳрат тутти, подшоҳ ҳазратларига етишти. Чун Амир Хисрав ва алар, балки ҳар кишиким айтибтур — салтанат тариқининг нафъи воқеъ бўллубтур, фақир чун азизларга татаббуъ қилиб эрдим — ҳамул тариқ маръий бўлуб эрди. Подшоҳ чун ўқуб таҳсин қилдилар. Подшоҳнинг камоли вусъати машраб ва ниҳояти ҳусни хулқларидин бу фақир маҳжуб бўлуб, хаёлга келдиким, бу қасидага яна бир татаббуъ қилиб, дарвишлар маддоҳлигини қилиб, аммо ҳукумат таврини таъйин қилилмай, подшоҳнинг муборак отиға тугатилгай. Бу матлаъ хотиримга келиб эрдиким:

Назм:

Хирқаи пур баҳья к-аҳли фақрро к-он дар бар аст,  
Бар фироzi олами маънӣ сипеҳру ахтар аст<sup>73</sup>.

Чун бурунги матлаъ айтилгонда алар ҳазратига йибориб ниёз юзидин арз қилиб, татаббуъ қилурга истижоза қилиб эрдим ва ишорат бўлгондин сўнгра айтилиб эрди. Бу матлаъни дағи Марвдин битиб, шаҳрга алар хизматиға йиборилди. Мунинг дағи таърифида рангин руқъа битиб, истиҳсонлар кўргузуб йибориб эрдилар. Бу икки байт бул руқъадиндурум, байт:



Зиҳи карда аз шавқи шаҳбози табъат  
Ҳумоёни қудсӣ ҳавои тазарве  
Зи мардум фиристода як матлаи хуш,  
К-аз аҳли суҳан мисли ӯ нест марвӣ<sup>74</sup>.

\* \*  
\*

Фақир ул вақтаким, мулозиматға машғул эрдим —  
доим ул ҳазратға махласим бобида илтимослар қилур эр-  
дим. Алар ҳар навъ сўз била фақирға таскин берур эрдилар.

Бир кун Мурғоб навоҳисиди эрконда мулозимат машаққати  
ва ашғол касратидин изтирор юзланганда алар хизматиға  
бир киши йибориб, бу рубойни руқъада арз қилдимким,

рубой:

То кай чу сабо ҳар тарафам чилвагарӣ,  
Хоҳам сӯи сарви худ кунам пайсипарӣ,  
Фаръёдкунону хок бар сар фиғанон  
Гӯям ки халосам кун аз ин дарбадарӣ<sup>75</sup>.

Алар насихат юзидин мавъизаомиз руқъа битиб бу ру-  
бойни айтиб эрдиларким,

рубой:

Аз дидаи чон агар ба чонон нигарӣ,  
Аз тафриқаи чаҳон кучо ғусса хурӣ,  
Ин тафриқа ҳаргиз чу нагардад сипарӣ,  
Бо тафриқа чамъ бош, то баҳра барӣ<sup>76</sup>.

\* \*  
\*

Алар Макка сафарига боргонда Бағдоддин бағоят ран-  
гин нома битиб эрдилар. Ул нома аввалида бир ғазал битиб  
эрдилар. Матлаи будурким:

Бар канори Дачла дур аз ёру маҳчур аз диёр,  
Дорам аз ашки шафақгун дачлаи хун бар канор<sup>77</sup>.

Борур кишидин ул ғазалға татаббуъ қилиб, нома йибориб  
эрдим. Матлаи будурким,

Шоми ҳичрон к-ӯ ба мағриб шуд ниҳон хуршедвор  
Ё рабаш, субҳи висол аз чониби машриқ барор<sup>78</sup>.

Аммо руқъанинг охирида бу рубойни ҳам битиб эрдим,

рубой:

Ин нома, на нома, дофеи дарди ман аст,  
Ороми дарунии ранчпарварди ман аст,

Таскини дили гарму дами сарди ман аст,  
Яъне хабар аз моҳи чаҳонгарди ман аст<sup>79</sup>.  
Алар Маккадин қайтгонда Ҳалабдин бу руқъага жавоб  
битиб эрдилар ва бу рубоий анда эрдиким:  
Ин руқъа, на руқъа, мояи ҳар тараб аст,  
Таҳсили нишогу айшро хуш сабаб аст.  
З-ин сон ки бувад мухтасару пурмаъни  
Гӯё зи «Чавомиул-калим» мунтахаб аст<sup>80</sup>.

\* \*  
\*

Алар Макка сафаридин келганда подшоҳ Балхда эрдилар ва фақир бир қосидни аларни кӯруб, саломатлиғ хабарларин келтурсун деб шаҳрға йибордим. Таҳният омиз руқъа ҳам битиб эрдим. Анда бу рубоий мастур эрдиким,  
р у б о й:

Инсоф бидеҳ, эй фалаки минофом,  
То з-ин ду кадом хубтар кард хиром,  
Хуршеди чаҳонтоби ту аз матлаи субҳ,  
Ё моҳи чаҳонгарди ман аз чониби Шом<sup>81</sup>.

Алар бу руқъанинг муқобаласида бағоят рангин руқъа битиб йибордиларким,

р у б о й:

Бо килки ту гуфт нома, к-эй гоҳи хиром,  
Сад туҳфаи хуш ба Рум овард зи Шом.  
Гар пой ту дар миён набошад — нарасад  
Маҳчуронро аз чониби дўст паём<sup>82</sup>.

\* \*  
\*

У л в а қ т д а к и м, шаҳзодаи беҳамто Кичик мирзо тоба сароҳу золли музилли хатокӯш, девонаи сияҳ рӯи сияҳпӯшқа йўлуқмайдур эрди, бидъатлар тариқиға носих ва аҳли суннат ва жамоат қондасиға росих эрди, тавозуъ ва ниёз наҳажига хурсанд ва фақру фано аҳлиға мухлис ва ниёзманд эрди, фақирнинг «Туҳфатул-афкор» қасидамдинким, аларнинг отиға айтилибтур ва юқори мазкур бўлди — ул маҳаллидинким, алардин назари қабул истидъоси қилиб, арзи ниёз изҳори бўлур эрди, бу байтником:

Як назар фармо, ки мустасно шавам з-абнои жинс,  
Саг чу шуд манзури Начмиддин сагонро сарвар аст<sup>83</sup>,

Битиб ҳамул истидъо била Самарқандға ҳазрати малози аҳлуллоҳ Хожа Носириддин Убайдуллоҳ... хизматиға йибориб эрди. Эл Кичик мирзодин бу тариқни мустаҳсан тутуб, ани дуо қилурлар эрди. Ул тоифадин баъзи бу байтни ҳам таъриф қилурлар эрдиким, бу мазмунда яхши воқеъ бўлубтур.

Мирсарбараҳнаким, замон аҳлининг мутааййин хуш таъва ва зарифи эрди. Фақирни мухотаб қилиб, бу байтга эътироз қилдиким: «Агарчи сен бу байтда изҳори касри нафс қилибсен ва ўзунгни итга нисбат берибсен, аммо абнойи жинсга дағи ушбу нисбат воқеъ бўлубтур. Шоядки абнойи жинс бу нисбатдин ор қилиб, қабул қилмағайлар. Ташбиҳеким, кишининг ўз касри нафс жиҳатидин бир жамоатга иҳонат етгай — яхши бўлмағай».

Фақир айттимким: «Ўзумни итга ташбиҳ қилибмен: касри нафс жиҳатидин эмас, балки нафсоният туғенидин баёни воқеъдур. Абнойи жински, дебмен, сизни демаймен, сойир итларни дебменким, кўй-кўчада юрурлар».

Мири мазкур бу сўзумдин мутаассир бўлуб, кўз ёши била дуо ва таҳсин қилди. Ва Мирнинг бу саволи ва фақирнинг жавоби шуҳрат тутти. Аларнинг дағи муборак самъиға етишганда истехсон қилиб, дебдурларким: «Ул байти худ яхши байтдур, аммо жавоби ҳам ул байтидин яхшироқ воқеъ бўлубтур», — деб бу фақирни гойибона фотиҳа била баҳраманд ва аржуманд қилибтурлар. Фақир эшитгач, мужиби нишот ва хуш ҳоллиқ ва боиси инбисот ва форигул-боллиқ бўлди.

\* \* \*

Фақир Астробод йўлида Тахти Сулаймон даҳанасидин алар хизматиға бу рубойни битиб эрдиким,

рубой:

Эй бод, дилам бишуд дигар чониби ёр,  
Чон ҳам бибару ба пой ў соз нисор,  
Вон гаҳ қадре зи хоки пояш бардор,  
Баҳри эвази чони мани дилшуда ор<sup>84</sup>.

Алар жавобида бу рубойни битиб эрдиларким:

рубой:

Эй бод, чу омадӣ зи сарманзили ёр  
Омад ба дилам з-омаданат сабру қарор  
Н-омад ба қарор аз ин қадар чон зинҳор  
Уро бибару ба он ки донӣ бисупор<sup>85</sup>.

Чечакту ҳаддида алардин бу руқъа келиб эрдиким:

«Саломе карда аз «син» тездандон,  
Кушода уқдаҳо аз риштаи қон,  
Саломе аз каманди турраи «лом»,  
Дили соҳибидилон оварда дар дом,  
Саломе хуштар аз фирдавси аъло,  
«Алиф» дар вай кашида қад чу Тубо,  
Ба зери он «алиф» аз чашман «мим»  
Аён дар пои Тубо айна Тасним.

Туҳфаи суҳбати шариф ва ҳадъи маҷлиси муниф гардониди маъруз он ки чун хизмати мавлавиро шавқи рикоббӯси инонгир шуда буд, худро ба фитроки ӯ бастан вочиб намуд, лоҷарам ин руқъаи масҳуб бар рисолае ки ба таҷдид ва таҳрир пайваста ба ҳузур фиристода шуд, агар маслаҳат донанд ба арзи ҳумоюн расонанд ва илло — байт:

Ҳар чӣ на мақбули дили поки туст,  
Боядаш аз сафҳаи авроқ суст.

Давлати оъчили муфизии ба саодати очил барвачҳи акмал муассар бод ва муҳассал, вассалом»<sup>86</sup>.

Бу руқъалари келган вақтда аларнинг муборак мизожларига ориза воқеъ бўлуб, неча кун беҳузур бўлуб, яна сиҳҳатлари хабари келди. Фақир бу руқъани битиб йибориб эрдиким:

«Ниёзе ки аз сачдаи аз ҳад афзун  
Шуда чабҳааш доғ аз нуқтаи «нун»,  
Пас он гоҳ зи «ё» аз паи шавқи дида  
Зи рӯи рақам оҳи дил карда изҳор  
Вагар аз «алиф» дар вафо буда якто  
Чу сарви чаман омади пой бар қо.  
Зи «зо» то кунад шомии ғамро мунаввар,  
Аён сохта моҳи болояш ахтар.

Баъд аз арзи чунин ниёзе, ки марқум гашт ва рафъи ихлосе ки бар забони хома гузашт, маърузи рои бандагонии остони қудсий ошён он ки чунин истимоъ афтод, ки даҳпонздаҳ рӯз оризае даст дода буда ва моҳи тамоми сипеҳри маънӣ рӯ ба заъф ниҳода, мухлисонро аз ин хабар сипеҳросор саргардонӣ ва зарракирдор парешонӣ даст дод.

Алҳамду лиллоҳ вал-минна, ки баъд аз ду ҳафта ҳамон пайкари улви-хиром рӯ ба бурчи сиҳҳат ва чамол оварда ва майл ба авҷи қуввату камол карда, сачадоти шукр бачо оварда, фалонро бачиҳати таҳқиқи ин ҳол ва тасдиқи ин мақол фиристода шуд. Мултамас ин, ки ба зудӣ бозаш гардонанд ва фақиронро аз хушии он хабар ба хушҳолии тамом

расонанд ва кайфияти рисолаи аз нукот мамлу ва машхун ва гузаштани он дар маҷлиси ҳумоюн ба зудӣ маърузи маҷлиси олий хоҳад шуд.

Соия иршод бар сари бандаву озод муаббад ва мухаллад бод, вассалом»<sup>87</sup>.

\* \*  
\*

Подшоҳ Қундуз вилояти азиматиға черик отланғонда аларнинг ва ҳеч кимнинг ул юруш дилхоҳи эмас эрди. Фақирға деб эрдиларким: «Улча мумкин бор, бу юрушнинг манъиға саъй қилғайсен ва ул матлуб сураат боғламағай, азимат жазм бўлса, бизга битиб йиборғайсен».

Улча мумкин ва мақдур эрди — саъй қилилди. Чун ҳақ субҳонаҳу ва таоло тақдири борурға эркондур, Тахти хотун деган ердин азимат мусаммам бўлди. Фақир алар хизматиға бу кайфиятни битиб, руқъа йибордим. Бу рубоий ул руқъанинг аввалида эрдиким,

р у б о й:

Гуфтам фалакам ба ҳар тараф ронандаст,  
Саргаштағи орандаву гириёнандаст,  
Не, не донад ҳар он ки ў донандаст,  
К-у низ асири дасти гардонандаст<sup>88</sup>.

Алар руқъаға бу навъ жавоб илтифот қилиб эрдиларким,

р у б о й:

Эзид, ки ба ҳарфи мо қаламронандаст,  
Бар мову ту асрори қидам хонандаст,  
Бо ў дили мо бо он паре монандаст,  
К-аш бод ба пушту рўй гардонандаст<sup>89</sup>.

Шибирғон навоҳисида алардин бу руқъа келдиким,

р у б о й:

«Хонда ба сарири килки ту дуронро,  
Дар дода салои васл маҳчуронро,  
Қонуни шифо навишта ранчуронро,  
Биншонда ба он оташи маҳчуронро.

Чун вуруди руқъаи шариф аз ҳудуди он буқъаи муниф бар мухлисони сидқ-интимо... ба зуҳур анҷомид, ҳар як аз дидан рамадрасида ва синаи камад кашида аз қалақи ҳиддати марорати фиरोқу изтироб ва шиддати ҳарорати иштиёқ ба мавтини улфат ва нишемани зулфат биёромид.

Б а й т:

Ба роҳат қарин бод он дасту панча,  
Ки худро бад-ин макрумат сохт ранча»<sup>90</sup>.

Фақир бу руқъа жавобида арзадошт қилиб эрдимким,  
ру бо ӣ:

«Наздик шуд аз давлати дидори ту дур,  
К-аз ҳам гусиланд чону чисми ранчур,  
К-ӯ аз ғайбат бирасад ба-дин ҳар ду футур,  
То ман шавам аз ҳузури васлат масрур.

Руқъае ки назмаш чону дили парешонро дар силки интизом кашид ва насраш гавҳару дурри дидаи ашкафшонро бар рӯи каҳрабифом пошид. Дар ин вило ба мухлисони дуру дуронӣ аз давлати висол маҳчур расид. Паи таскини изтиробн чону дили ғамандӯз бар синааш ниҳодам ва ба чиҳати ороми гирияҳои чонсӯз болои чашми гириянаш чо додам. Умедворӣ он ки сӯхтагони фироқро гоҳе ба ҳамин сиёқ ба ёд оранд ва дили афрӯхтагони оташи иштиёқро ба навозиши руқъа шод доранд»<sup>91</sup>.

\* \* \*

\*

А л а р хизматидин Андхуд навоҳисада бу руқъа келиб эрдиким:

«Дуое бидояти он мазмум мааш-шавқи вал-ғаром ва ниҳояти он мамдуд ило явмил-қиём вал-айни мафтуҳатун илал-ичобати минал-маликил-аллом ба сурати ниёз нисори бисоти чуръат ва инбисот мегардад. Ва майлу шааф ба найлу шарафи мулоқот беш аз он аст, ки ба сарфи ашийёт ва ғадавог дар эъмоли адавати қалам ва давог адои шаммае аз он тавон кард, лочарам инони қасду ният аз савби он умният маътуф дошта ба ин ду байт масруф мегардад.

Қ и т ъ а:

Зирак он кас, ки дар харобан даҳр  
Дари ганчинаҳои роз занад.  
Чоҳи кӯтоҳ зери пой ниҳад  
Даст дар давлати дароз занад.

Лоязол равзаи умед баруманд бод ва шохн давҳан саодати човид ба он пайванд, вассалом»<sup>92</sup>.

Фақир жавобида бу руқъани арз қилдимким:

«Номае, ки аз ҳарфи аввал рӯи ниёз зоҳир карда бошад ва аз дуввӯм шуълаи оташи шавқ аз дил бароварда ва аз

рӯн дигар ғами дил намуда ва аз печи сафҳаи навардаш,  
ҳамон тариқ паймуда ба мавқифи арз расонида маъруф ме-  
гардонад, ки дар ин вило, ки руқъаи шариф омад.

М а с н а вӣ:

Бӯсида ба чашми худ ниҳодам,  
Болои сараш мақом додам.  
Ҳам боиси нури чашми ман гашт,  
Ҳам фарқи сарам зи чарх бигзашт.

Қосид, ки ба суханҳои забони навохт, ба ирсоли китоби  
«Муҳаббатнома» ва шароби сандал мушарраф сохт, ҳар дуро  
ба хизматаш дода шуд ва ўро ба шарафи хизмат фиристода  
шуд. Умед он ки сурати меҳнати фироқ аз мутолааи он та-  
саввур намоянд ва дарду ранчи иштиёқро аз шарбати висол  
муолача фармоянд. Зилли олий бар мафориқи аҳли иродат  
лоязолий бод, вассалом»<sup>93</sup>.

\* \* \*

\*

Фақирни подшоҳ баъзи маслаҳатлар учун Мурғобдин  
таъжил била Машҳадга йибориб эрдилар ва ҳукм андоқ эр-  
диким, шаҳрға етмай ўтгаймен. Иттифоқо шаҳр навоҳисиға  
етган маҳалда тавочи нишон келтуруб, ўрду сори қайтарди.  
Бу сабабдин алар хизматиға мушарраф бўлмоқ муяссар бўл-  
мади. Алар бу руқъани битиб йибориб эрдиларким,

р у б о й:

«Бинмуд абре зи чониби дашту бирафт,  
Аз ташналабон зи дур бигзашту бирафт,  
Баргашт умеди мо цигарсўхтагон,  
Норехта нам зи роҳ баргашту бирафт.

Ҳарчи умеди ноумедон ба ҳусул нарасид, ва муроди но-  
муродон ба вусул наянҷомид.

Умед аст, ки ҳар чӣ маслаҳати динӣ ва дуньявӣи ходимо-  
ни он остон ба он манут бошад ва саодати суварӣ ва маънавӣи  
мулозимони он давлатхона ба он марбут бар ваҷҳи аҳсан ва  
тариқи акмал муяссар гардад, вассалом»<sup>94</sup>.

Фақир жавобларида бу руқъани йибориб эрдимким,

р у б о й:

«Дил чун алами давлати васлат афрошт,  
Ҷон низ хаёли худ бад-он азм гумошт,  
Ҳар як чу бад-ин мурод наздик расид.  
Гардун ба муроди номуродон нагзошт.

Арзадошт он ки ахтари толеъ агарчи аз матлаи иқбол ломеъ шуд, аммо чӣ суд, ки аз гардиши фалаки ҳасуд ба бурчи шараф норасида рочеъ гашт.

Ероне ки по ба роҳ ниҳода, эҳроми давлати мулозамат бастанд ва ба силки давлатмандоне ки дар мулозамат ҳастанд пайвастанд, дидаи маҳрумӣ бар кафи пояшон молида ба ҷониби ўрду муовадат намуд...

Гарчи хуршед бувад толеи рўзафзунам,  
Нарасонид ба исо-нафасе гардунам.

Агар хотири анвар ба он оранд ва ҳиммати олий ба-дон гуморанд, ки роёти ҳумоюн майли шаҳр намоянд ва аркони давлати рўзафзун ба ҳамроҳӣ азимат фармоянд, шояд ки ба туфайли азизон ин хори ашкрезон низ бад-он саодат ва иқбол, яъне ба шарафи давлати висол мушарраф ва мустасъид тавонад шуд, вассалом»<sup>95</sup>.

### Учунчи мақолат

Қутуб ва расоил бобидаким, аларнинг мусаннафотидур ва мазкур бўлгон мусаннафотнинг теъдоди будурким:

- Шавоҳидун-нубувват;
- Нафаҳотул-унс;
- Нақдун-нусус;
- Нақшбандия хожалари тариқида битилган рисола;
- Ашиъатул-ламаот;
- яна: «Фусус» шарҳида битилган рисола;
- яна: ҳазрати мавлоноӣ Румий «Маснавий»сидин икки байтига шарҳ битилган рисола;
- яна: Лавомеъ;
- яна: Лавоеҳ;
- яна: Ибн Форизнинг «Тоия» абётидин баъзиға шарҳ битилган рисола;
- яна: Рубоиёт шарҳи;
- яна: Амир Хисрав Деҳлавий байтига шарҳ битилган рисола;
- яна: Ибн Зарринил-Уқайлий ҳадисиға шарҳ битилган рисола;
- яна: ҳазрати Хожа Муҳаммад Порсо сўзларин жамъ қилгон рисола;
- яна: «Арбаин ҳадис» таржимаси;
- яна: сўфи ва мутакаллим ва ҳаким мазҳаблари таҳқиқининг рисоласи;
- яна: рисола вужуд бобида;
- яна: «Маносики ҳаж» рисоласи;
- яна: «Ҳафт авранг»ки муштамилдур етти китобға; аввал:



Силсилатуз-заҳабки, уч дафтардур;  
иккинчи: Саломон ва Абсол;  
учунчи: Тухфатул-аҳрор;  
тўртунчи: Субҳатул-аброр;  
бешинчи: Юсуф ва Зулайхоким «Ошиқ ва маъшуқ»га мавсумдур;

олтинчи: Лайли ва Мажнун;  
еттинчи: Хирадномаи Искандарий;  
яна: «Баҳористон» китоби;  
яна: Муаммо фанида битилган рисолалар, теъдоди:  
аввал: «Хулиятул-хулал»га мавсум бўлгон рисола;  
яна: рисолаки, «Мутавассит»га машҳурдур;  
яна: рисолаки, «Сағир»га маъруфдур;  
яна: манзуми асғардур;  
яна: арузда битилган рисола;  
яна: бир рисола қофия бобида битилган;  
яна: бир мусиқий илмида битилган рисола;  
яна: муншаот рисолаидур;  
Девонларнинг теъдоди;  
аввал: «Фотиҳатуш-шабоб»;  
иккинчи: «Воситатул-иқд»;  
Учунчиси: «Хотиматул-ҳаёт».

Ва бу фақир алар таснифиға сабаб ва таълифиға боис бўлубмен ва бу маъни кўпрак кутуб ва расоилда мазкурдур. Ул жумладин бири «Нафаҳотул-унс мин ҳазараотил-қудс» дурким андоқ китобни ҳаргиз ҳеч киши не битибтур, не битмакнинг имкони ҳам бор ва анинг шарҳи будурким, доим бу фақирнинг хаёлиға эврулур эрдиким, ҳазрати муқарраби борий Хожа Абдуллоҳ Ансорий... асҳоби тариқат ва арбоби ҳақиқат зикридаким, иборат сўфия машойихидин бўлғай — китобе битибтурлар ва ани беш табақа қилибтурлар: ҳар йигирмини бир табақа қилибтурларким, ани «Табақоти машойихи сўфия» дерларким, борчаси юз кишининг зикри бўлғай ва алардин сўнгра Шайх Фариiddин Аттор... даги бир навъ китоб битибтурларким, «Газкиратул-авлиё»га машҳурдур ва ҳазрати Шайх Абу Абдурахмон Сулламий қуддиса сирруҳу даги бу азизлар зикрларида битибтурларким, «Табақоти Сулламий» дерлар, аммо улча ўзларидин бурунги замондаги машойихдур борчасининг зикрин қилмайдурлар ва ўз муосирларининг кўпини ҳам ва ўзларин ҳам битмайдурлар. Ва ўзларидин тўрт-беш юз йил мобайнида зуҳур қилгон машойихи изом ва авлиёи киром зикри худ ул кутубда йўқтур. Агарчи баъзининг мақомотин тиласа, топса бўлғай, аммо оз ва ҳеч кам бу мазкур бўлгон бузургворларни бир китобда жамъ қилмайдурким, замон аҳлиға нафъи куллий андин етишгай

ва мумкиндурким, фалак сайри изтиробидин ва замон ҳаводиси инқилобидин бу авроқ ҳам нобуд бўлғай ва ҳайфдурким, бу бузургвор тоифанинг муборак отлари ва фархунда аҳвол ва сифотлариким, мақсуд офаринишдин аларнинг шариф вужудларидур — орадин чиққай. Оё, замон акобиридин ким бўлғайким, бу шариф амрға муртакиб бўла олғай? деб кўнглумға кечурур эрдим ва сабр ва тақсим била ўз қошимда ҳазрати Махдумға қарор берур эрдим, аммо густохлиқ қила олмас эрдим. Бир кун хаёлға келдиким, умрға эътимод йўқтур, бўлмағайким, бу орзуни гўрға элтгайсен, авло улдурким, аларға арз қилгайсен. Эмдиким, маҳал топиб, бу мазкур бўлгон муддаони арз қилдим — ғариб ҳол даст бердиким, аларнинг ҳам муборак хотираларига биайниҳи ушбу навъ ўтар эрмиш, аммо баъзи мавонё сабабидин тавқиф ва таъвиққа қолур эрмиш. Андоқким, «Нафаҳотул-унс» феҳристиди битибдурлар, ҳар киши ўқуса аларнинг бу ҳолни баён қилгонин шарҳ била маълум қилур.

Бу китоб таълифининг тақрибини алар бу навъ битибдурларким:

«Дар таърихи санаи эҳдо ва самонина ва самона миа муҳибби дарвешон ва мўътақиди эшон, аз ҳамаи шуғл сер ва бар фақр далер Амир Низомиддин Алишер... ки ба тавъ ва ихтиёр аз аъло маротиби чоҳ ва эътибор эъроз намуда ва ба қадами таслим ва ризо сулуки чоддан фақру фано иқбол фармуда аз ин фақир мисли он сурате ки бар дил гузашта буд ва дар хотир мутамаккин гашта, истидъо кард ва доияи қадим сурати таҷдид ёфт ва дағдағаи собиқ самти тақвият ва таъкид пазируфт. Лочарам ба сидқи ҳиммат ва хулуси тавият дар иқзои он ният ва истиқзон он амният шуруъ афтод.

Маълум аз собиқи макорими ахлоқ ва маросими ашфоқи мутолаа кунандагон он ки... мутассади ва боиси ин чамъ ва таълифро ки... мусаммо мегардад ба «Нафаҳотул-унс мин ҳазаротил-қудс» аз гўшаи хотир фуру нагзоранд ва бо дуои хайр ёд оранд»<sup>96</sup>.

Боре алар бу илтимосдин хушҳол бўлуб, қабул қилиб, машойих ҳолоти шарҳида акобир кутубин жамъ қилиб, бу хатир амр ва азим шуғлга машғул бўлдилар ва ҳар жузким, битилур эрди—илтифот қилиб, фақирға берурлар эрди ва ҳам ўз қошларида ўткарилур эрди. Оз фурсатда «Нафаҳотул-унс» китоби туганди ва ул соҳиб давлат саъйидин бу бузургворлар исми олам саҳифасида қолди. Умид улким, андоқким, алар ўқуғучилардин истидъо қилибдурларким, ҳар кишиға бу азизлар зикр ва маноқибидин вақт хуш бўлса боис ва мутасаддини дуойи хайр била ёд қилсунлар, деб бу фақирға ҳам

куллий натижа бергай ва ҳар киши бу китобни ўқурга тавфиқ топса бу мазкур бўлгон сўзларни хутбасидин сўнгра мулоҳаза қилғусидур.

Ва бу шариф китоб тугангандин сўнгра хотирга андоқ келур эрдиким, ҳазрати рисолат<sup>97</sup> ... муъжизоти бобида азизлар кутуб ва расоил битибтурларким, ул ҳазратнинг нубуватиға умматларға мужиби издиёди яқин бўлғай, андоқ истийфо воқеъ бўлмайдурким, таъб хурсанд бўлғай. Аввали офаринишдин инқирозға дегинча аҳволеки воқеъ бўлубтур ва бўлғусидур, барчасида ул ҳазратнинг муъжизотидин бор. Битгувчилар баъзи била ихтисор қилибтурлар.

Бир кун алар хизматида бу навъ сўз мазкур бўлур эрди. Фақир бу таманнони зоҳир қилдимким: «Бағоят сўзнинг инбисоти еридур ва андоқки ҳаққидур — киши бажой келтирмайдур, шариф замирингиз не нима хаёл қилғайким, мундин шойистароқ бўлғай ва дурбор қаламингиз не нукта таҳрир қилғайким, мундин бойистароқ бўлғай?»

Иттифоқо аларнинг хаёлиға дағи бу навъ нима ўтар эрмиш. Дедилар: «Бизнинг дағи хаёлимизға бу навъ муддао бор эрди, эмдиким, сен муҳаррик бўлдинг — ул хаёл тоза бўлди, иншооллоҳ таоло анга машғул бўлғайбиз».

Фақир хушҳол бўлуб, алар мулозаматидин чиқтим. Алар ҳамул кун бу ишга муносиб кутуб жамъиға машғул бўлубтурлар ва «Шавоҳидун-нубуват ли тақвияти яқини аҳлилфутувват» китоби таҳририға шуруъ қилибтурлар. Бу фақир алар хизматиға яна қатла мушарраф бўлғоч, зоҳир қилдилар. Фақир хушҳол бўлуб ҳар кун хабар тутар эрдим. Оз фурсатда тугатуриға муваффақ бўлдилар...

Ва «Баҳористон» да назм аҳли асомийси зайлида бу фақирни бу навъ мазкур қилибтурларким:

«Соҳибдавлате ки замони мо ба вучуди ў мушарраф аст ҳарчанд пояи қадри вай назар ба маротиби чоҳ ва ҳашмат ва қурби подшоҳи соҳибҳашмат ва қиёс ба маноқиби маънавий аз фазлу адаб ва фазоили мавҳуб ва муктасаб аз он баландтар аст ки вайро ба шеър таъриф кунанд ва ба чавдати назм тавсиф намоянд. Аммо чун хотири шарифаш ба воситаи касби фазилати тавозуъ ва касри нафс ба он фуруд омадааст, ки худро дар силки ин тоифа мунхарит гардонидаст, дигаронро ҳичоби таҳоши аз он маъний ки вайро аз табақаи эшон доранд ва аз зумраи эшон шуморанд, муртафеъ гашта, аммо инсоф онаст, ки ҳар чо ин тоифа бошанд — вай сар бошад ва ҳаргоҳ номи ин табақа нависанд вай сардафтар...

Ва чун гавҳари номаш бузурғтар аз он аст ки ҳар маҳалли аз назм сидқи он тавонад шуд ва ҳар мақоми аз шеър

шарафи он тавонад ёфт. Тахаллуси ашъораш ба ончаи аз ин муаммои дигар мафҳум мегарад, номзад гашта.

Муаммо баисми Павои:

کنه نامش در تخلصهانیابد هیچکس  
بر لب یابندگان از وی نوایی دان و بس

Кунҳи номаш дар тахаллусҳо наёбад ҳеҷ кас,  
Бар лаби ёбандагон аз вай навос дону бас.

Ва агарчи вайро ба ҳасаби қуввати табиат, вусъати қобилият ҳар ду навъ шеър — турки ва форси муяссар аст, аммо майли таби вай ба турки аз форси бештар аст ва ғазалиёти вай ба он забон аз даҳ ҳазор зиёда хоҳад буд ва маснавиёте, ки дар муқобалаи «Хамса»и Низомӣ вуқуъ ёфта — ба си ҳазор наздик ва ҳамоно, ки ба он забон пеш аз вай касе шеър нагуфтааст ва гавҳари назм насуфта ва аз ҷумлаи ашъори форсии вай аст қасидае ки дар ҷавоби қасидаи Хисрави Деҳлавӣ ки мусаммост ба «Даръёи аброр» воқеъ шуда ва муштамил бар бисёре аз маонии дақиқа ва хаёлотӣ латифа. Матлааш ин аст:

Оташин лаъле ки тоҷи хисравонро зевар аст,

Ахгаре баҳри хаёли хом пухтан дар сар аст.

Ва ин рубоӣ дар таҳияти қудуми баъзе аз ояндагон аз сафари Ҳичоз дар руқъа навишта буд.

Рубоӣ:

Инсоф бидеҳ, эй фалаки минофом,  
То з-ин ду кадом хубтар кард хиром,  
Хуршеди ҷаҳонтоби ту аз матлаи субҳ,  
Ё моҳи ҷаҳонгарди ман аз чониби Шом.

Ва ин рубоӣ дигар дар руқъаи дигар:

Ин нома, на нома, дофеи дарди ман аст,  
Ороми даруни ранҷпарварди ман аст,  
Таскини дили гарму дами сарди ман аст,  
Яъне хабар аз моҳи ҷаҳонгарди ман аст.

Ва ин рубоии дигар ба тачдид дар руқъаи дигар.

Рубоӣ:

Гар дар дайрам ба гуфтугӯят бошам  
В-ар дар ҳарамам ба ҷустуҷуят бошам,  
Дар вақти ҳузур рӯбарӯят бошам,  
Дар ғайбати рӯй дил ба сӯят бошам<sup>98</sup>.

Бу фақир «Мажолисун-нафоис»<sup>99</sup> отлиғ китобидаким, султони соҳибқирон замонидағи назм аҳли зикрида битибмен, аларнинг васфи маноқибин «учунчи мажлис»нинг аввалида бу навъ битибменким:

«Қуёшики, ройи олам оройи била бу замон мубоҳи ва аҳли замонға шарафи номутаноҳи муяссардур ва дарёйики, таъби гавҳарзойи била бу даврон жайби гавҳардин тўла ва даврон аҳли қўйни ва этаги жавоҳирдин мамлу бўладур.

Ҳазрати Махдумий шайхул-исломий мавлоно Нуриддин Абдурраҳмон Жомий... дурким, то жаҳон бўлғай аларнинг ёруқ хотирининг натойижи жаҳон аҳлидин кам бўлмасун ва то сипеҳр эврулғай, аларнинг очуқ кўнгулларининг фавоиди даврон халойиқидин ўқулмасун. Чун бу мухтасарда мазкур бўлғон жамоатнинг раъс ва раиси ул зоти нафис ва бу рисолада мастур бўлғон гуруҳнинг муқтадо ва пешвоси ул гавҳари яктодур, муборак исмлари бу авроқда сабт бўлурдин гузир ва ёзилмаса дилпазир эрмас эрди, журъат бўлди. Чун аларнинг латойифи назми андин кўпракдурким, ҳожат бўлғайким, баъзи битилғай ва андин машҳурроқким, эҳтиёж бўлғайким, бир оз сабт этилғай. Кутубларининг оти битилса бу авроқдин ошар ва мусаннафотлари дурлари зикри қилилса гардун баҳри андин тошар, ложарам чун бу маъни билилур ва дуо била хатм қилилур.

Рубоий:

Ераб, бу маони дуррининг уммони,  
Бу донишу фазл гавҳарининг кони,  
Ким айладинг они олам аҳли жони,  
Олам элига бу жонни тут арзони.

Ул вақтдаким, алар «Арбаин ҳадис»ни форсӣ назм била таржима қилиб эрдилар ва маъҳуд одат била борча асҳобдин бурунроқ фақирға илтифот қилиб, мусаввадасин бердилар. Чун мутолаасига машғул бўлдум, алфозидин ҳадойиқи номутаноҳи азҳори ва маонисидин ҳақойиқи илоҳий анвори зоҳир бўла киришти.

Хамул «Арбаин»ға туркича тил била таржима орзуси кўнгулға тушти. Алардин рухсат шарафиға мушарраф бўлғондин сўнгра ҳамул кун ул самин жавоҳир назм силкиға кирди ва ул гавҳарлар аларнинг қулоғиға етти. Шафқат ва марҳамат юзидин дуойи хайр била таҳсинлар қилдилар ва хутбасининг аввалғи байти будурким,

байт:

Ҳамд ангаким каломи хайр маол  
Қилди элга расулидин ирсол.

Аларнинг оти бу навъ манзум бўлбтурким:

Ул сафо аҳли пок фар жоми,  
Пок фар жому пок фар Жомий,  
Ул фано сори дастгир манга,  
Муршиду устоду пир манга.

Бу сўнгги байтда таламмуз ва иродати нисбати зоҳир қилибдур.

Ул вақтдаким, фақир алар хизматида сўфия рамуз ва ишороти ва алфоз ва ибороти истилоҳини ўтқарур эрдим. Ҳазрати қутбус-соликин шайх Фахриддин Ироқий...нинг «Ламаот»ни орзуси хаёлга кўп эврулур эрди. Бир кун тақриб била бу маънини изҳор қилдим. Алар дедиларким: «Тариқат машойихининг форсий кутуб ва расоили оз мутолаа қилибдур, аммо чун ҳавасинг бор, андоқ бўлсун».

То улким, ул шариф китобни фақирга сабақ айтурга муртакиб бўлдилар, ҳар кун ҳар сабақда хушҳол бўлуб таъриф қилурлар эрди... Биз «Савониҳ» мутолаасида дағи мунча хушҳол бўлмайдур эрдукки, мунда, деб айтурлар эрди.

Бир неча сабақдин сўнгра сўз мушкилроқ бўлуб, шуруҳга эҳтиёж изҳори қилдилар ва шайх Ерали шарҳин ва яна баъзи шуруҳни муборак назарлариға кўюб, ул сабақни айтурлар эрди, то улким, кўп мавозиъда шориҳларға таън қила бошладиларким, «бу сўзнинг ва ул сўзнинг ҳамоноки, маънисига етмай шарҳ битибтурлар» ва бу сўз такрор топқондин сўнгра фақир арз қилдимким: «Мундоқ нафис китобдин фақире баҳра топай деса, шарҳ бу шарҳлар бўлса, оё, не чора қилғай? Магар ҳам ҳазрати Махдум шафқат юзидин толибларға бу мушкилни осон қилғайлар».

Андин сўнгра алар «Ашиъатул-ламаот»ки бу тоифа кутуб ва расоили орасида маълум эмаски, ҳаргиз андоқ шарҳ қаламға келмиш бўлғай — бунёд қилдилар...

Ул шарҳни битирда «Фусус» ва «Футуҳот» ва «Нусус» ва «Фукук» ва аксар қавмининг умда кутуби муборак назарларида эрди, агарчи ҳеч қайсига боқғали эҳтиёжлари йўқ эрди. То улким, бу шарҳ била «Ламаот»ни алар қошида тугаттим, бировки ул китобни ўқуса фақир бу варақда битиган сўзлардин нишоналиғ сўзлар топар ва мундоқ давлатға абнойи замондин оз киши, балки ҳеч киши мушарраф бўлмайдур...

Бир кун бу фақирни муаммо<sup>100</sup> фикри бу водийға солиб эрдиким, андин бериким, устоди фан мавлоно Шарафиддин Али Яздий... бу фанни тадвин қилиб, бу фан аҳлининг отин тиргузди, бу замонғачаким, азизлар ҳам кутуб ва расоил битибдурлар ва бу фан ғариб зебу зийнат толибдур ва турфа

қавоид ва истилоҳот пайдо бўлубтур. Аммо истилоҳотни тартиб била адо қилмайдулар, масалан: қавоид аввалида интиқод қондасин адо қилурда истишқодға муаммоким келтурубтурулар, агарчи интиқод ҳам муаддо бўлубтур, аммо таркиб<sup>101</sup> ё таҳлил ё ғайриҳиким мубтадининг аларға ҳанўз шуури йўқ турур, бу мусташҳад муаммода мундариждур. Шарт бу эрдиким, бу муаммода бу қоидадин ўзга мазкур бўлмағай, аммо бу қоидаким, вуқуф ҳосил бўлди, яна ўзга қоида адосида агар мазкур бўлгон қоида ўтса бок йўқ эрди. Фақир бу хаёлда эрдиким, ҳазрати Махдум ташриф келтурдилар, фақир мунбасит бўлуб, истиқбол қилиб, алар таскин топиб, дедиларким: «Башарангда инбисоте зоҳир бўлур, не ҳолинг бор?»

Айттимким: «Ҳазрати Махдумнинг шариф мақдамлари мужибинибисотдур, аммо бу навъ ҳам хаёлим бор эрди», — деб ўтган мақолатни арз қилдим. Алар ниҳоятдин ташқари хушқол бўлуб, таҳсинлар қилиб, дедилар: «Ҳаққи ва шартини бодурдим, сен хаёл қилибсен».

Аларни чун мундоқ хушқол кўрдум, айттимким: «Ҳиммат тутсалар бу дастур била бу фан қондасида мухтасаре рақам қилсам».

Алар дедилар: «Сен бу ташвишни тортма». Ҳамул икки-уч кунда манзуми мухтасарни таҳрир қилдилар. Қўп ихтисорга қўшиш қилгон учун кўп дақиқ ва тор воқеъ бўлубтур, андоқки, мубтадиға идроки суҳулат била даст бермас.

Фақир яна истидъо қилдимким, амр бўлса мундин осонроқ қилса бўлғай, деб маъмур бўлгондин сўнгра «Муфрадот» га мавсум мухтасарни битидим ва алар хизматиға еткурдум. Қабул нишонаси мундин ўтмаским, бовужуди мунча расоилким, ҳоло ародадур, махдумзодаға ул мухтасарни ўқурға ишорат бўлди ва ул бу мухтасарда муаммо фанниға вуқуф топти.

Алар «Ҳафт авранг»дин — ҳам ҳар лафзи етти иқлимға сармоя ва ҳар ҳарфи етти кавкабға пироядур — «Субҳатулаҳрор»ким, аларнинг мухтараидурким, не ул баҳрда маснавий айтибдулар ва не ул таркиб ва адо била манзум китоб тартиб берибдулар, хатми китоб ва хотимаи хитобда чун ул маъшуқай зебо ва мухаддараи оламорони жилва бериб, қабули хотир таманноси ва назари қабул истидъоси қилибтурулар, бу абёт анда мазкурдурким,

маснавий:

Ё раб, ин ғайрати ҳурил-инро,  
Шоҳиди равзаи иллийинро.  
Аз дилу дидан ҳар дидаваре,  
Бахш тавфиқи қабули ҳар назаре.

Хосса он дар равиши фақр далер,  
3-он далереш шуда ном ду шер.

Он яке дар раҳи дин шери худо,  
В-ин дигар панча ба ҳар сайд кушо<sup>102</sup>.

Бу бесомони кам бизоат ва бу нотавони беиститоат бу ал-тоф муқобаласида не де олгаймен. Аммо тухфатул-фақирул-ҳақир<sup>103</sup> расми била «Хамса»нинг аввалги дафтари «Ҳайратул-аброр»да аларнинг васфидаки, васфга сифмас, достоне ниёзмандлиқ қилибменким, бу абёт андиндурким,

маснавий:

Улки букун қутби тариқатдур ул,  
Кошифи асрори ҳақиқатдур ул.

Қўкси ҳақойиқ дури ганжинаси,  
Қўнгли маоний юзи ойинаси.

Олий анга етти фалакдин маҳал,  
Етти фалак мушкили оллида ҳал.

Мадрасаи қудс анинг маъмани,  
Хонақаҳи унс анинг маскани.

Жилвагаҳи гулшани чархи барин,  
Обхўри чашмаи айнил-яқин.

Қасри каломи чиқиб андоқ баланд-  
Қим анга гардун сола олмай каманд.

Анда шаётин хасиға йўқ сабот,  
Баски уруб хайли малонк қанот.

Достон олтмиш байт бор эркин ва алар мажлисида «Хамсатайн»<sup>104</sup> сўзи мазкур бўлгоннинг кайфияти ва алар «Тухфатул-аҳрор»ни бунёд қилиб, ул тақриб била тугатгонлари, бу фақирга элдин бурун кўргузгонларининг шарҳи ва фақир «Ҳайратул-аброр»нинг назм қилур тақриби бу достонда мазкур бўлубтур, ўқуғон маълум қилур.

«Ҳафт авранг» китобидин «Юсуф ва Зулайхо» достониким, «Ошиқ ва Маъшук»га мавсумдур ва ул китоб назири Юсуф ҳусни ва Зулайхо ишқидек маълум, охирида подшоҳ дуоси зайлида бу навъ банданавозлиқ қилибтурларким,



маснавий:

Муборак бар шаҳу аркони давлат,  
Ғазанфар ҳайбатони шер савлат.

Ба таҳсис он ҷавонмарди к-аш аз дер,  
Насаб чун ном бошад шер бар шер.

Зи пас дар беша мардӣ далер аст,  
Зи мардони ҷаҳон номаш ду шер аст.

Яке дар аз дизи даврон кананда,  
Яке сарпанча бо ғурон зананда.

Ба расми таъмия з-он бурдамаш ном,  
Ки монда дур аз он андешаи ом.

Ва гар на кай тавон з-он фаҳму идрок  
Ба сад ҳуққа нуҳуфт ин гавҳари пок.

Кунад дар шеър табъаш мӯшикофӣ,  
В-аз он мӯ нӯги килкаш шеърбофӣ.

Ниҳад з-ин шаъри мушкин доми дилҳо  
Диҳад аз шеъри ширин коми дилҳо.

Дили ушшоқ аз он як монда дар банд,  
Лаби хубон аз ин як дар шакарханд.

Ба зикраш хатм шуд ин равшан анфос,  
Ба сони нури манзил хатми барнос.

Бале, дар коргоҳи одамият,  
Ҷуз ӯ кам ёфт роҳи маҳрамият.

Ҳамеша то атои даври олам  
Кунад табъи лаимон шоду хуррам.

Чунон дил бо худои оламаш бод,  
Ки н-ояд аз атои оламаш ёд.

Суҳанро аз дуо додӣ тамомӣ,  
Ба омурзиш забон бикшой, Ҷомӣ.<sup>105</sup>

Аларнинг бу маснавийлари баҳрида фақирнинг «Ҳамса»-сидин «Фарҳод ва Ширин» воқеъ бўллубтур ва аларнинг мад-

ҳида турфа достоне гузориш топибдур. Борчасин бу мухта-  
сарда сабт қилмоқ мужиби итноб бўлур. Аммо бир неча байт-  
дин гузир йўқтур. Сўз таърифида бир неча сўз деб, шайх  
Низомий била Мир Хисрав... маддоҳлиқларин қилиб, ул тақ-  
риб била алар мадҳиға кириб, бу навъ адо топибдурким,

маснавий:

Кел, эй соқийки, тушмиш жонима жўш,  
Кетур бу икки ёди бирла бир қўш.

Алар ишқида нўш айлаб ики жом,  
Тутай Жомий майи мадҳин саранжом.

Ики пил ўлса Хисрав ё Низомий,  
Эрур юз пил чоғлиғ, пил Жомий.

Муҳаббат жоми дурдошоми улдур,  
Ҳамоно Зинда пили Жоми улдур.

Кўруб сармаст жоми ваҳдат они,  
Демишлар Зинда пили ҳазрат они.

Чу ул май дурдидин бўлмиш хурўши,  
Сафо аҳлидур онинг дурднўши.

Майи таҳқиқ этар ҳолатда ошом,  
Чекиб ложуръа гар гардун эрур жом.

Бўлуб зоҳир фано тимсоли андин,  
Тутуб оламни олам холи андин.

Фано ул навъ этиб нафъийи вужуди-  
Ки ер топиб набуд ўрнида буди.

Бўлуб андоқ фано даштида маъдум-  
Ки сайри шоҳроҳи хатти мавҳум.

Бу хатқа нуқтаким мавжуд эмастур,  
Хирад олинда жуз нобуд эмастур.

Фано мулкида жисми ўйла фоний-  
Ки фаҳм айлаб саводи аъзам они.

Жаҳонни ким қила олғай таваҳҳум-  
Ки бўлғай нуқтаи мавҳум аро гум.

Ўзин худ бир жаҳони бегарон бил,  
Камолотин ўзидек бир жаҳон бил.

Жаҳон ичра жаҳон ким топти макнат,  
Солиб икки жаҳон халқиға ҳайрат.

Жаҳон йўқ, олами кубро де они,  
Жаҳонда мақсади ақсо де они.

Ки ҳарне олами суғрода мавжуд  
Бори бу олами куброда мавжуд.

Бу дoston ҳам тавилуз-зайлду<sup>106</sup>, мунча абёт истишҳодға келтурулди.

Аларнинг «Лайли ва Мажнун» китобида ул дostonким, сарсухани бу навъ битибдуким: «Дар зикри баъзе берун рафтагони аз доирай моҳу сол ва дуои баъзе марказнишинони нуқтаи хол<sup>107</sup>» ва анда рамз ва ишорат била тахаллусни зикр қилиб, бу фақирни ўз ёрлиғлариға баҳраманд ва ўз муҳаббатлариға аржуманд қилибтурлар. Бу навъдуким:

Соқӣ, бидеҳ он маи куҳансол,  
Ёқути музобу лаъли сайёл.

Он май ки чу дўстон бинўшанд  
Бо ҳам ба вафову меҳр кўшанд.

Ором шавад рамидагонро,  
Пайванд диҳад буридагонро.

Ёре ки кунад ба ёр пайванд,  
Нахли амалаш шавад баруманд.

Ёр аст калиди ганчи уммед,  
Ёр аст навиди айши човид.

Мақсуди вучуд чист чуз ёр,  
3-ин савдову суд чист чуз ёр.

То хотимати вучуд аз оғоз  
Мурге накунад чу ёр парвоз.

Хосса ки ба боғи ошноӣ,  
Бар шохи вафо бувад Навоӣ.

Яъне ки Навоӣ лутф созад,  
Дилҳои шикастагон навозад.

Коре набвад ба чои ин кор  
Ёрони чаҳон фидон ин ёр.<sup>108</sup>  
Бу фақир ҳам «Хамса»да бу дафтар аввалида алар мад-  
ҳида достоне ораста қилибмен ва бу абёт андиндурким,

маснави:

Сўз гулшанининг шугуфта варди,  
Илм оятининг варақнаварди.

Қадриға ул авж узра поя,  
Қим меҳр тутуб тагида соя.

Наълайнидин айлабон малак ҳал,  
Суртарға судоъ бўлса сандал,

Ҳамдинки, асоси бошида тоб,  
Чекмакка ики жаҳонни қуллоб.

Нўгида синон айлагаҷ кин,  
Қўр айлаб дев ила шаётин.

Юз донаки субҳаси аро қайд.  
Юз файз қушини айлабон сайд.

Ул торки доналар белига,  
Бил ҳабли матин жаҳон элига.

Ибриқи вузуси баҳри гардун  
Ҳар қатраки томса дурри макнун.

Лўла анга файзи жовидоний,  
Андин оқиб оби зиндагоний.

Қаъби ери давраи иродат,  
Давр аҳлиға ҳалқаи саодат.

Алар «Хирадномаи Искандарий»даким, «Ҳафт авранг»-  
нинг еттинчи дафтаридур, китоб хатми достонин чун суруб-  
турлар, сўз хотимасини бу ерга еткурубтурларким,

маснави:

«Биё Чомӣ, эй умрҳо бурда ранҷ,  
Зи хотир бурун дода ин «Панҷ ганҷ».

Шуд ин «панч»ат он панчаи зӯрӣб,  
К-зӯ дасти дарӣе кафон дида тоб.

Аҷаб аждаҳоест килкат дусар,  
Ки резад бурун ганҷҳои гуҳар.

Кунад аждаҳо бар дари ганҷ ҷой,  
Вале кам бувад аждаҳо ганҷзой.

Шуд он аждаҳо ганҷ дар мушти ту,  
Бар ӯ ҳалқа зад мори ангушти ту.

Чу гавҳарфишонанд ин ганҷу мор,  
Ки шуд пур гуҳар домани рӯзгор.

Вале бинам аз килки ҳар ганҷсанҷ,  
Пур аз панҷ ганҷ ин сарои сипанҷ.

Бар он панҷҳо кай расад панҷи ту?  
Ки як ганҷашон беҳ зи сад ганҷи ту

Ба тахсис панҷе ки сарпанҷа зад,  
Ба шере ки сарпанҷа аз Ганҷа зад.

Ба туркизабон нақше омад аҷаб,  
Ки чодудамонро бувад муҳри лаб.

Зи чарх офаринҳо бар он килк бод,  
Ки ин нақши матбуъ аз он килк зод.

Бибашид бар форсӣ гавҳарон,  
Ба назми дарӣ дурри назмоварон,

Ки гар будӣ он ҳам ба лафзи дарӣ,  
Намондӣ маҷоли суҳангустарӣ.

Ба мизони он назми мӯъҷизнизом,  
Намондӣ ки будио Хисрав кадом?

Чу ӯ бар забони дигар нукта ронд,  
Хирадро ба тамйизашон раҳ намонд.

Зиҳи табъи ту устои суҳан,  
Зи мифтоҳи килкат кушоди суҳан

Суҳанро, ки аз равнақ афтода буд,  
Ба кунҷи ҳавон раҳт бинҳода буд.

Ту додӣ дигар бора ин обрӯй,  
Қашидӣ ба чавлонгаҳи гуфтугӯй.

Сафоёб аз нури рои ту шуд,  
Навое зи лутфи навои ту шуд.

Ба-дин нахли назме ки парвардаам,  
Ба хуни дилаш дарбар овардаам.

Нашуд боисам чуз сухандоният,  
Ба дастури дониш суханроният.

Вагарна ман онро чу оростам,  
На эҳсон, на таҳсин зи кас хостам.

Чӣ хезад зи мудхил, ки эҳсон кунад,  
Чӣ ояд зи таҳсин, ки нодон кунад.

Ба лутфи сухан гар сутудам туро,  
Ҳади дониши худ намудам туро.

Ки ин молу чоҳ арчи чонпарвар аст,  
Қамоли сухан аз ҳама бартар аст.

Равад як сар аз сайр чархи куҳан,  
Вале то чаҳон ҳаст монад сухан.

Сухан низ ҳарчанд доим бақост,  
Ҳамӯшӣ ачаб дилкашу қонфизост.

Биё, соқиё, чоми дилкаш биёр,  
Маи гарму равшан чу оташ биёр.

Қи то лаб бар он чоми дилкаш ниҳем,  
Ҳама килку дафтар бар оташ ниҳем.

Биё, мутрибо, тез кун чангро,  
Баландӣ деҳ аз захма оҳангро.

Қи то пунба аз гӯши дил баркашем,  
Ҳама гӯш гардему дам даркашем»<sup>109</sup>.

Бу фақир ҳам бу китобнинг аввалида алар мадҳида айт-  
қондин бир неча байт била ихтисор қилинур:

Биров олди сўз кишварин якқалам  
Ки қилди қаламни сутуни алам.

Қўлиға олиб найза ўрниға килк,  
Сўз иқлимини сарбасар қилди милк.

Билик авжининг меҳри тобони ул,  
Қаю меҳр, сўз жисмининг жони ул.

Чу суръат аро ўт сочиб хомаси,  
Яна гарм ўлуб нукта ҳангомаси.

Хамул ўтгаким, назм шамъин тутуб,  
Маоний шабистонини ёрутуб,

Чу табъидин оқиб маоний суйн,  
Келиб чашмаи зиндагоний суйи.

Хамул чашмадин чун су бермак тузуб,  
Суханварлик ўлган танин тиргузуб.

Чу истаб тараб табъи озодаси,  
Қуюб назм жомиға сўз бодаси.

Анинг журъаси элни маст айлабон,  
Демай мастким, майпараст айлабон.

Не жомеки, май журъасидин нами,  
Тарашшуҳ қилиб, маст ўлуб олами.

Бу янглиғки жоми маоний тутуб,  
Малак хайлиға дўстгоний тутуб.

Бўлуб чун анинг жомидин журъачаш,  
Бўлуб чарх сўфийлари журъакаш-

Ки машъуф ўлуб жоми мастонаға,  
Гарав айлабон хирқа майхонаға.

Янги ойни жоми ҳилолий қилиб,  
Неча ким тўла келса холи қилиб,

Жаноҳайн ўлуб сукрдин хокрўб,  
Гаҳи даст афшон, гаҳи пойкўб.

Бу навъ ўлсалар арши аъзам эли,  
Не бўлғай, хаёл айла, олам эли?

Бу дoston доғи эллик-олтмиш байт борким, барчасин битмак мужиби итноб бўлур учун бас қилилди.

\* \*  
\*

Бу фақир Имом Али Мусо ар-Ризо... зиёратидин ҳамул йилким, алар нақл қилдилар, шаҳрга келдим. Маъхуд тариқ била аввал алар хизматиға туштум. Алар учунчи девонлариға тартиб бериб эрдилар. Фақирға ўз муборак хатлари била битилган девонни иноят қилдилар. Фақир илтимос қилдимким, Мир Хисравдин ўзга назм аҳлидин эшитилмайдурким, мутааддид девон тартиб қилмиш бўлғайлар. Аммо аларким мутааддид битибдурлар ҳар қайсиға бир муносиб отлар қўйсангиз деб. Алар қабул қилдилар. Икки кундин сўнгра яна алар хизматиға етгим: жузв қўюнларидин чиқориб фақирға бердилар; девонлар учун феҳрист битиб эрдилар ва ҳар бирин мавсум бир исмға қилиб эрдилар ва бу ишға фақир боис бўлгонимни дағи зоҳир қилиб эрдилар ва ҳоло куллийетларида давовин ибтидосида битирлар ва ул феҳристеда ҳамд ва наътдин сўнгра мундоқ адо қилибдурларким:

«Намуда меояд ки чун ин камина ба ҳасаби фитрати асли ва қобилияти чибилли ҳадафи сихоми аҳкоми хучаста фарҷоми сафват калом афтода буд ва садафи чавоҳири асрори исми бузургвор «ал-мутакаллим» омада, ҳаргиз натвонист ки авқоти худро билкуллия аз ибдон назми, ё ихтирон насри фориг ёбад ва холи гардонад, лочарам аз таволи аъвом ва шуҳур ва тамодии аъсор ва духур расоил ва кутуби мутааддида аз мансурот ва дафотири мутанаввиа аз маснавиёт ва давовини мутафарриқа аз қасоид ва ғазалиёт чамъ омада буд ва дар ин воло аз таърихи ҳичрати набобия то такмили миата тосиа се сол беш боқи намондааст, муҳиб ва мўътақиди дарвешон, балки маҳбуб ва мўътақади эшон... Низомул-миллати вад-дин Алишер... ҳиммати шариф бар он овардааст, ки давовини қасоид ва ғазалиётро ки адади он ба се расидааст, дар як чилд фароҳам оварда ва чун се мағзи тозаи писта дар як пўст парварда, аз ин фақир истидъои он кард, ки ҳар як ба исми хос самти ихтисос гирад ва аз васмати ибҳом ва иштирок сурати истихлос пазирад, лочарам ба мулоҳазан авқоти вуқуашон девони аввал ки дар авони чавонӣ ва авоили замони амну амонӣ ба вуқуъ пайваста ба «Фотиҳатуш-шаббоб» иттисом меёбад ва девони сонӣ ки дар авосити уқуди айёми зиндагонӣ интизом ёфта ба «Воситатул-иқд» номзад мешавад ва девони солис ки дар авохири



ҳаёт оғози тартиби он шудааст ба «Хотиматул-ҳаёт» мавсум мегардад.

Умедворӣ ба карами ҳазрати парвардигорӣ восиқ аст ки номи ҳама азизон ба саволиҳи аъмол ва латоифи ақвол бар сафаҳоти рӯзгор бимонад ва воситаи дуои хайр ва василаи саодатин охират гардонад.

Рубоӣ: Ҳаргиз макнод ин фалаки пуршутулум

Номи моро аз номаи ҳастӣ гум,  
Зеро ки бақои он пас аз марги нахуст,  
Гӯянд ҳақимон, ки ҳаётест дувӯм...<sup>110</sup>

Чун фақир алар хизматида бу феҳристини ўқудум, бу фақирға ҳам амр қилдиларким: «Сенинг доғи назминг туркча алфозда чун мутааддид бўлубтур, сен доғи ҳар бирисини бир исм била мумтоз қил ва ҳар қайсини бир лақаб била жилвасоз этгил».

Алар амрининг итоати чун вожиб эрди — фақир доғи аввалғи девонғаким, туфулиятда рангин назминг ғаробати бор: «Ғароибус-сиғар» от қўйдум; ва иккинчи девонким, шабоб айёмидаким, маоний нодиралари назм силкига кирибтур: «Навоидируш-шабоб» лақаб бердим; учунчи девонким умр авоситида воқеъ бўлгон бадеъ никотдур «Бадойиул-васат»қа мавсум бўлди; ва тўртунчи девонким, шайхухат синнидағи ғойдалардур: «Фавоидул-кибар»ға иттисом топти. Умид улким, сағир ва кабир, шайх ва шобнинг хотиралариға дилпазир ва кўнгуллариға ногузир бўлғай.

\* \* \*

\*

Устод Қулмуҳаммад кичик эркандаким, мусиқий ўрганур эрди, чун бот ўрганмоки била хўб ишлар ясамоғи шуҳрат тутти. Фақирға доия бўлдиким, бу фаннинг илмийсини дағи билғай, мавлоно Бу-Алишоҳ бўкаким, бу фанда асрининг бебадалидур — анга сипориш қилилди. Агарчи акнун афъюн касрати ани ақл ҳулъясидин орий қилибдур, ул вақтда бу фанда «Аслул-васл» отлиғ китобни тасниф қилди, дағи Мир Муртоз ва Хожа Шиҳобиддин Абдуллоҳ Марворид ва мавлоно Биноий дағи бу фанда рисоалар битидилар. Аммо чун барча изҳори истиғдод қилиб эрдилар — мубтадиға бот баҳра олмоқ душвор эрди. Ул ердинким, аларнинг бу фақир сори иноят ва илтифотлари бор эрди, мусиқий ва адвор<sup>111</sup> рисоласин битидиларким, бу фанда андоқ мунаққаҳ ва муфид рисола йўқтур.

Ул вақтдаким, бу фақир Мир Хисравнинг «Даръеи аб-  
рор»иға Марвда татаббуъ қилиб, алар отиға тугатиб, шаҳрға  
йибориб эрдим, андоқки юқори мазкур бўлди. Ул қасидада  
йигирмидин ортуғроқ байт муаммо тариқи ва истилоҳи била  
муаддо бўлуб эрди. Алар мунунг муқобаласида муаммо та-  
риқи била бир қасида айтиб, анда баса дақиқ маоний ва ға-  
риб тарокиб дарж қилиб, битиб йибориб эрдилар ва ул шеър-  
нинг матлаи будурким:

Чоҳ дори чоҳил-осо дар сар, эй комил, мудом,  
Чоҳилат хонам на комил чун туро чоҳаст ком<sup>112</sup>.

Бир қатла бу фақирнинг туркча бу матлаиким:

Очмағай эрдинг жамоли олам оро кошки,  
Солмағай эрдинг бори оламға ғавго кошки,

эл орасида шуҳрат тутуб эрди ва подшоҳ ҳазратларининг  
суҳбатларида дағи кўп ўқилур эрди. Шуюъ ва шуҳрати ул  
ерга еттиким, ҳазрати Махдумға дағи масмуъ бўлуб, аларға  
ҳам дағдаға улким, бу баҳр ва қофия ва радифда шеър де-  
гайлар, бу доия пайдо бўлуб, чун туркча алфоз била назмға  
илтифот қилмас эрдилар, бир форсий ғазал айттиларким, мат-  
лаи будур:

Дидаме дидори он дилдори раъно кошкӣ,  
Дида равшан кардаме аз хоки он по кошкӣ,<sup>113</sup>

битиб подшоҳ хизматлариға йиборгондин сўнгра мақбул ва  
матбуъ тушуб, подшоҳ ҳазратлари эҳсон ва таҳсинлар қилиб,  
бу фақирға ҳукм қилдиларким, аларнинг бу ғазалин мусад-  
дас<sup>114</sup> боғлағаймен. Чун маъмур ва маҳкум эрдим — маоф  
ва маъзур бўлсам ажаб эрмас. Мусаддас айтилгондин сўнгра  
подшоҳ ҳазратлари эҳсон ва таҳсинлар қилиб, мусаввадасин  
алар хизматлариға йибордилар. Алар дағи банданавозлиғ  
юзидин илтифотлар қилдилар. Матлаи бу навъ боғланибдур-  
ким:

Кардаме дар хоки кӯи дўст маъво кошкӣ,  
Судаме рухсори худ бар хоки он по кошкӣ,  
Омади берун зи кӯи он сарви боло кошкӣ,  
Бурқаъ афканди зи рӯи оламоро кошкӣ,  
Дидаме дидори он дилдори раъно кошкӣ,  
Дида равшан кардаме аз хоки он по кошкӣ<sup>115</sup>.

## Хотима

Ул расоил ва кутуб теъдодиким, бу фақир алар хизматида таълим ва истифода юзидин ўқубмен.

Аввал алар битиган «Қофия» рисоласидурким, анингдек мухтасар бу фанда ҳеч ким билмайдур.

Яна «Муаммо»нинг иккинчи рисоласидурким, «Ҳулиятул-хулал» дин сўнграроқ битилибдур.

Яна ҳам аларнинг «Аруз» рисоласидур.

Яна «Лавоеҳ» дурким, сўфия машойих истилоҳида битилибдурким, андоқ рисола ҳеч роқимнинг қаламидин ва ҳеч қаламнинг рақамидин таҳрир топмайдур.

Яна «Лавомеъ»дур, ҳам бу истилоҳдаким, ҳар ламъасининг партави соликка ҳирмон қоронғу тунда ҳидоят шамъининг осоридур, балки иноят машъалининг анвори.

Яна «Шарҳи рубоиёт»дур, ҳам бу истилоҳдаким, фано тариқида мосиваллоҳ азосиға тўрт такбир урмоқ анинг мутолаасидин муяссардур.

Яна ҳам бу истилоҳда «Ашиъа» дурким, барқининг таллойдидин хира кўзларга очуғлуқ ва қуёшининг шаъшаасидин тийра кўнгуларға ёруғлуқ етишур.

Яна «Нафаҳотул-унс» дурким, ошнолиғ насоими унс равзасидин жон машомиға келтурур ва улфат шамоими қудс гулшанидин руҳ димоғиға еткурур.

Яна бири «Шавоҳидун-нубувват» муқобала қилибтурким, алфози имон жўйбори ашжорин яқин анҳори била сероб ва маонийси ийқон ашжори асморин таҳқиқ саҳоби амтори била шаҳди ноб этар.

Яна баъзи машойих... расоилидин: Хожа Муҳаммад Порсо...нинг «Қудсия» сидурким ҳазрати қутбил-авлиё Баҳовуддин Нақшбанд раҳматуллоҳнинг фирдавс ойин мажлисларида ул ҳазратнинг муъжиз баён тиллариға ўтган ҳақойиқ ва маоний баъзи хулафоким, жамъ қилурлар эрмиш Хожа Муҳаммади мазкур анға маоний битибдурлар ва толиблар учун анинг диққатлари ийҳомин возиҳ этибдурлар.

Яна ҳазрати шайхил-машойих Фахрил-миллати вад-дин Ироқийнинг «Ламаот»идурким, ҳазрати Махдум ул китобни бу фақирға сабақ айтурда айтур эрдиларким, «Бу китобни нодон ва беандом таврлиғ ва ноҳамвор равишлиқ элнинг кўпроқ машғуллуқ қилғони хавос аҳлида бадном қилғон эрминиким, баъзи ўқумас эрмишлар. Бу жиҳатдин бу китобнинг хўблуқлари яшурун қолғон эрмиш». Асру изҳори хушҳоллиқ ва сурур қилурлар эрди, шарҳ битмағиға дағи бу иш боис бўлди. Ушбу анинг таърифида басдур.

Яна ҳазрати Хожа Убайдуллоҳ...нинг оталари ишорати била битилган рисоаларидур, ҳам фақр ва фано тариқида-

ким, оз ўғулға бу давлат мўяссар бўлуб эркинким, ота амри била бу навъ шойиста хизмат қилмиш бўлғай ва андоқ писандида амр бажо келтирмиш бўлғай.

Яна муқарраби ҳазрати борий Хожа Абдуллоҳ Ансорий... нинг «Илоҳийнома» сидурким, анинг васфида қалам тили ожиз ва лол ва қаламзан хомаси алкан ва шикаста мақолдур.

Яна «Хамса», балки «Ҳафт авранг»ларининг кўпрагин муқобала дастури била алар ўқуғонда қулоқ тутулубтур ё қулоқ тутқучилар мадади учун алар мажлисида ўқулубтур.

Яна дағи баъзи расоил бор, агарчи сабақ дастури била ё муқобала қонуни била алар хизматида ўқулмайду, аммо мушқил маҳаллари алардин сўрулуб, таҳқиқ қилилибтур.

---

Агарчи хавориқи одат изҳориға ҳақ таоло амри била маъмур эмаслар эрди ва покиза ҳолатлари «Маломатия» тариқини шоирлиқ ва муллолиқ тариқида яшурун тутарлар эрди. Аммо гоҳи ғариб нималар алардин зоҳир бўлур эрди.

Ул жумладин дағи бир нечаким, айнил-яқин бўлубтур — битимаги муносиб кўрунди.

---

Сейидам Ироқий деган йигит Музаффар барлоснинг ўбдон навқари, балким эшик оқоси эрди, ғояти нодонлиғидин аларға мункир эрмиш, ғояти инқоридин аларнинг девонин бирин-бирин узуб, ўтға солиб, куйдурубтур. Ҳамул уч-тўрт кунда гўё бир узвиға туган қўпуб, ул жароҳат газак бўлуб, схири бўлди.

---

Маждиддин Муҳаммадки, олам машҳуриду, таърифға эҳтиёж эмас. Подшоҳ ани ёзгурғонда андин итлоқиға зомин тилагандур. Ул аларға илтимос қилибтур; ва алар таахҳуд қилғондин сўнгра қочти. Оз фурсатда, ўн беш кунга тортмадиким, тутулди. Азим қийинлар тортти ва бору йўқ жиҳотин девоний қилдилар<sup>116</sup>. Шаҳрдин бошин олиб, овора бўлди ва ҳамул оворалиқда фаноға борди.

---

Бир панжшанба куни алар хизматида Гозургоҳдин қайтиб келиладур эрди, Маҳмуд Ҳабиб отлиғ девонаи фосиқи абтарий шаҳарда бор эрдиким, доим маст юрур эрди ва йўлуқғон элга ташнеълар ва сафоҳатлар қилур эрди. Бу фақирни чун

алар хизматида кўрди, аларга абтар ва девоналиғ юзидин узромиз ҳикоятлар де бошлади. Чун андин бу хилофи маъҳуд эди. Фақир таажжуб қилдимким, девонани не нима мунга тутуб эркинким, одмиёна ва ҳушмандона сўзлар андин зоҳир бўладур. Баъзи мулозимлардин сўзин тақрир қилдиларким, туно кун девонаи абтарийи усрук аларга йўлуқуб, кўп бедабона ҳарзалар деб, оғзиға келган сафоҳат қилгон эркандур. Буқунким, фақирни алар хизматида кўрубтур, бу хаёл биларким, ногоҳ алар тўно кунги ҳолни фақирға изҳор қилсалар, фақир девонаи абтарға изо қилғаймен, деб қўрқунчдин мулояма қиладур эрмиш. Фақир бу сўзни эшитгач, беихтиёр бар он бўлдумким, анга изо қилғаймен. Алар манъ қилиб айттиларким:

— Ул ўз сиёсатин топқусидур, сен ҳеч нима дема.

Ҳамул беш-ўн кунда абтар девонани бўзахонада яна бир ўзидек абтар бўйинин чопиб ўлтурди.

---

Толиби илмлар орасида Ноҳиқийким, ани дев била шаётиндин мутаваллад бўлгон ўгул деса бўлур, ноҳамворлиқ ва беандомлиғи андин кўпрак эрдиким, ани шарҳ қилса бўлғай.

Ул жумладин бири буқим, аларга мункир эрди ва ҳазанот кўп айтур эрди. Бир кун Гавҳаршод бегим мадрасаси толиби илмлари бир боғда суҳбат тутуб, буғро<sup>117</sup> пиширадур эрмишлар. Алар таърифиди баъзи муболаға қиладур эрмишлар. Ноҳиқий инкор юзидин бемаъни ҳашвлар айтур эрмиш. Иродат аҳли аларнинг девонин очибтурларким, кўрвали: ул ҳазрат Ноҳиқий бобида не нима зоҳир қилурлар, деб сафҳанинг аввалида бу байт келибтурким,

ш е ь р:

Пурсат гўши ман аз субҳаи малак чу Масиҳ,  
Кучо мушаввиши хотир бувад наҳиқи харам<sup>118</sup>

---

Ўз фавтлари воқеасидин ўттуз беш йил бурунроқ, ул йилким, Султон Абусаид мирзо аввал қатла Шоҳрухия қўрғонин бориб қабаб эрди, ул юрушта Хожа Деҳдор била эрди ва мавлоно Қутбиддин Нафис мулозими эрди. Бир кеча аларни воқеада кўргандурким, анинг сори боқиб айтибтурларким; «Қуръон бихон». Ул подшоҳ замониким ўтти ва салтанат тахти султони соҳибқирон Абулғози султон Ҳусайн Баҳодирхон ...ға муқаррар бўлди, ул воқеа тарихидин етти ё секкиз йилдин сўнгра Хожа Деҳдор бу фақирға мусоҳиб бўлди, ул туш-

ни изҳор қилди. Фақир сой ва боис бўлдумким, ул қуръон ўқуб, ёд тутти ва хўб ҳофизии мужаввид бўлди.

Алар фавт бўлури йилким, ул воқеа кўрган тарихдин ўт-туз-ўттуз тўрт йил тахминан ўтуб эрди эркин, Хожа Деҳдорни баъзи муҳим учун Астробод вилоятига йибориб эрдим. Ул муҳимни саранжом қилиб, қайтиб келадурганда шаҳарнинг бир манзилида эканда аҳмол ва асқолни қўюб, бежиҳат илғаб, шаҳарга келди ва алар назъ ҳолатида ва мавт сакаротида эрдилар, ҳеч ҳофиз ҳозир эрмас эрдиким, алар бошида қуръон ўқуғай. Бу маҳалда Хожа Деҳдор етишти. Аларнинг видоъ дийдорлариға мушарраф бўлуб, қуръон ўқуғали бошлади, хатмини тугатмак ҳамон эрдиким, алар руҳ ваднатиин жон офаринға топшурдилар. Бу навъ каромат авлиёнинг камидин воқеъ бўлмиш бўлғайким, ўттуз йил ортуғроқдин сўнгра натижа зоҳир бўлмиш бўлғай.

Аларнинг бу навъ ҳолот ва камолот ва каромотларида азизларки, мисли: мавлоно Абдулвосеъки, баса фазоили ҳамида била орастадур ва мавлоно Аҳмад Пир Шамским, баса хасоили писандида била пироста кутуб ва расоил битибтурлар, маълум қилай деган киши ул китоблардин маълум қила олур. Бу фақир ўз кўрганларимнинг юзидин бирин битсам сўз узар жиҳатдин бир неча била ихтисор қилдим.

**Ул ҳазратнинг фавтлари воқеаси шарҳиға шуруъ қилали:** аларнинг валодатлари тарихи ва ҳаётларининг замонининг тарихи юқори мазкур бўлубтур. Аммо фано доридин бақо гулзориға риҳлатлари жумъа куни муҳаррам ойининг ўн еттисида тарих секкиз юз тўқсон секкизида<sup>19</sup> воқеъ бўлди.

Ва анинг шарҳи будурким, шариф жисмлариға ҳаво асаридин заъф юзланиб эрди, бир кун соҳиб фирош бўлдилар. Бу фақир дам-бадам хабар тутар эрдим. Панжшанба куни хотирим аларнинг заъфидин бағоят мутарадид эрди, жумъа кечаси бу тарадудда уйқум келмас эрди. Ярим кеча изтироб юзидин отланиб, алар хизматиға иёдатға бордим. Баъзи азизлар ва асқоб аларнинг бошларида жамъ эрдилар, гоҳ беҳол, гоҳ ўз ҳолларида эрдилар. Фақир густохлиқ юзидин хотир итмиёнони учун ҳолларин сўрдум, илтифот қилдилар. Ва ҳазрати қутбис-соликин Хожа Абдулазиз Жомий дағи бошларида ҳозир эрдилар. Тонг отқунча бир ҳолда эрдилар, чун тонг намозидин халойиқ фориг бўлдилар, аларнинг ҳоли ўзгачарак бўлди. Ҳазрати Хожа Абдулазиз чун кўрдиларким, ҳол ўзга навъдур, ўзлари мадад бериб, аларнинг бошин машриқ жонибидин шимол жонибиға қилиб, юзларин қибла сори қилдилар. Мавлоно Зиёвуддин Юсуфким, аларнинг аржуманд

фарзандларидурлар, аёғлари сори кўзлариға ўтру ўлтуруб эрди, алар қачон кўз очсалар анга илтифот юзидин боқадурлар эрди. Бу фақир густохлиқ қилиб, илтимос қилдимким, махдумзода ўтрудин қўптилар. Андин сўнгра алар нақшбандия хожалари тариқи била хафий зикриға машғул бўлуб ўз таважжўхлариға иштиғол кўргуздилар, то жумъа салоти чиқти, андоқки, юқорироқ мазкур бўлди — Хожа Ҳофиз Гиёсиддин Муҳаммад Деҳдор келиб, аларнинг бошида қуръон хатмиға машғул бўлди, то ул замонким, ҳануз эл намоздин фориг бўлмайдур эрдиларким, алар касрат анжуманидин кўз юмуб, ваҳдат хилватхонасиға нузул қилдилар. Аларнинг мутаҳҳар руҳи чун малаил — аълоға азимат қилди ва асҳобнинг ҳаёти қуши ҳамул тойири қудсийдин ирашти, фазаи акбар малаи аълоға етишти, чун ул пок муҳиб ўзин пок маҳбуб ви-солиға солди — олам жонсиз бадандек холи қолди. Шеър:

Кўкка мотамзадалар навҳаси гар ёвушти,  
Мени мотамзадаға лек қатиғ иш тушти.

Не ўзга бедод қилмоқдин фоидае, балки не ўзни ўлтурмоқдин натижае. Бу фақирға воқеъ бўлгон суубат шарҳи чун мумкин эрмас ва шуруъ анга таҳайюр ва таазурдин ўзга фоида бермас, шуруъ мақсудға қилмоқ авлодур.

Алқисса: бу муҳиш хабар шаҳрға муштаҳир бўлғоч, акобир ва ашроф жавониб ва атрофдин етиштилар. Барча сўгворлиқ либосида, балки мотам ва азо балосида то улки, ҳазрати султони соҳибқирон... ташриф келтурдилар, ҳой-ҳой йиғлаб ва талх шўробалар тўкуб, бир замон ўлтуруб, мавлоно Зиёвуддин Юсуфни шафқат юзидин қучуб, муддате бошин қўйнида асраб йиғлаб, сойир асҳобға кўнгул бериб, бу фақирни соҳиб азо тутуб, ҳолимға дилсўзлуқлар била ашк тўкуб, насойиҳ ва мавоиз дурбор алфозларидин зоҳир қилиб, чун муборак мизожларида заъф бор эрди — хилофат тахти ва салтанат маснади азимати қилдилар ва султонзодаларни ва аркони давлатни борчасин анда аларнинг кўтарур ишиға қўйдилар. Султон Аҳмад мирзо ва Музаффар Ҳусайн мирзо бошлиғ салотин ва подшоҳзодалар бир-бириға навбат беришмай, аларнинг маҳфуф маҳофасин эгинларига кўтариб, Мусаллоға<sup>120</sup> элттилар. Халойиқ ғавғоси ул мартабада эрдиким, неча юз минг халқни тасаввур қилса бўлғайким, бир жисм бўлуб эрдилар. Намозгоҳда ҳазрати Хожа Азизуллоҳ ул ҳазратға сойир ашроф била намоз қилиб, яна мутаҳҳар равзалариға олиб қайттилар ва халқ ғавғосидин миҳаффани<sup>121</sup> келтурмак душвор эрди. Подшоҳзодалар ясовуллуқ қилиб,

элни кўруб, йўл очиб, наъш мадфанга етти ва ҳазрати қутбил-авлиё мавлоно Саъдиддин Кошғарий ёнидаки, зоҳиран тариқат одобида аларнинг пиридур — дафн қилдилар.

Ва ҳазароти олиёт маҳди олия Бикабегимки, сойир абноий жинсдин фазл ва камол ва ақл ва ҳамида ҳисол била мумтоздурлар ва аларга иродат ва ихлослари бениҳоятдур, ҳам сўгворлиғ ва мотамзадалиғ таврида келиб, азо сўрар қоидасин бажо келтурдилар ва бу фақирга навозишлар қилиб, борча асҳобни ва махдумзодани илтифотлар била мушарраф қилдилар.

Сойир азизларким, атрофдаги вилоятдин аларнинг азоси учун келдилар, чун филҳақиқат бу фақир соҳиб азо эрди, ҳамул дастур била фақирни-ўқ соҳиб азо тутуб, сўрмоғ расмин маръий туттилар. Ҳаттоким, ҳазрати салтанат шиор, хилофат дисор Султон Бадиуззамон мирзо... ким, Мозандарон мулкидин киши йибориб, алар азоси учун баъзиға либослар илтифот қилиб эрдилар, ҳам мухотаб фақир эрдим ва ул ҳазратнинг ҳазрати салтанат шиор била гўшаи хотир ва ҳимматлари бағоят кўн эрди. Ҳазрати салтанат шиорнинг ҳам аларга иродат ва ихлоси бениҳоят эрди.

Бир йилгача олам аҳлиға умуман ва Хуросон ва Ҳирот аҳлиға хусусан мотам эрди. Йил бўлгондин сўнгра ҳазрати султони соҳибқирон аларнинг йил ошин бәсе эъзоз ва эҳтиром била подшоҳона бериб, мухлисларидин баъзи<sup>122</sup> ул ҳазратнинг мутаҳҳар марқади бошида олий иморат солиб, ҳуффоз ва имом ва муқри ва худдом тайин қилди. Ва назм аҳли кўп тарихлар айтиб ўқудилар. Ул жумладин ҳуруф роқими<sup>123</sup> бу марсия била тарихни айтиб, йил оши тортарда султони соҳибқирон олий мажлисларида ўткарди ва ҳукм бўлдиким, мавлоно Ҳусайн Воиз минбар устида ўқуди.

Тарих будурким:

Гавҳари кони ҳақиқат, дурри баҳри маърифат,  
К-ў ба ҳақ восил шуду дар дил набудаши мосивоҳ,  
Кошифи сирри илоҳи буд бешак з-он сабаб  
Гашт таърихи вафоташ: «Кошифи сирри илоҳ»<sup>124</sup>.

Ва марсия будурким:

### М а р с и я

Ҳар дам аз анҷумани чарх ҷафои дигар аст,  
Ҳар як аз анҷуми ў доғи балои дигар аст.

Рўзу шабро, ки кабудасту сияҳ чома дар ў,  
Шаб азои дигару рўз азои дигар аст.



Балки ҳар лаҳза азоест, ки аз дашти адам,  
Ҳар дам аз хайли аҷал гарди фанои дигар аст.

Ҳаст мотамкадае — даҳр, ки аз ҳар тарафаш  
Дуди оҳи дигару нолаву вои дигар аст.

Оҳи у ҳаст ба дил тирагӣ афзоянда,  
Вои ў низ ба қон яъсфизои дигар аст.

Гули ин боғ, ки садпора зи мотамзадагист,  
Ҳар яке сӯхтаи чома-қабои дигар аст.

Оби ў захру ҳавояш мутааффин, чи аҷаб,  
Ки дар ин марҳала ҳар лаҳза вабои дигар аст.

Аҳли дил майл сӯи гулшани қудс оварданд,  
Ҳаст аз он рӯ, ки дар ў обу ҳавои дигар аст.

Назди арбоби яқин дори фано чое нест,  
Ватани аслии ин тоифа чои дигар аст.

3-ин сабаб масти маи чоми азал орифи Чом  
Сархуш аз дори фано сӯи ватан кард хиром.

\* \*  
\*

Эй ҳарими ҳарамӣ қурби илоҳӣ чоят,  
Тарафи чаннати фирдавс кучо парвоят.

Чун шудӣ аз ҳарамӣ мулк ба сайри малакут,  
Буд дар анҷумани хайли малак ғавғоят.

Тўтиёни ҳарамӣ қудс ба дил муштоқат,  
Булбулони чамани инс ба қон шайдоят.

Кимиёкори қазо меҳри дигар дод тулўъ  
Чархро аз асари равшании симоят.

Нуҳ фалак чарх занон омада бар атрофат,  
Буда гўё ба сари ҳар як аз он савдоят.

Шўр дар олами арвоҳ бияфтод, аз он,  
Ки ниюшанд ба қон нуктаи руҳ-афзоят.

Руҳи ақтоб расиданд ба истиқболат,  
Ҷони автод фитоданд ба хоки поят.

Даст бар даст рабуданд туру то ҷое,  
Ки дар ин ғамкада ҳам хостӣ онро роят.

Ту шудӣ восили мақсуди ҳақиқию бимонд  
То қиёмат ба ҷаҳон шевану вовайлоят.

Дар фироқи ту ғамин монд дили ғамзадагон,  
Тира з-ин гӯшаи мотамкада мотамзадагон.

\* \*  
\*

Ту бирафтию дили халқи ҷаҳон зор бимонд,  
То қиёмат ба фироқи ту гирифтор бимонд.

З-оташи оҳи дили сӯхтагон то ба абад  
Дудҳо дар хамаи ин гунбази даввор бимонд.

Аҳли тавҳид, ки бе муршиди комил гаштанд,  
Садашон мушкили ҳалношуда дар кор бимонд.

Соликонро, ки камол аз ту расидӣ ба сулук,  
Аҷзҳо дар равишу нуқс дар атвор бимонд.

Уламоро, ки шудӣ машъали дарс аз ту мунир,  
Тира шуд машъалу то ҳашр шаби тор бимонд.

Сирри ҳақ рафт паси пардаи китмон, ки зи ашк  
Ба гил андуда дури махзани асрор бимонд.

На ки сад хори алам бар дили аҳрор халид,  
Ки дусад бори ситам бар тани аброр бимонд.

Толибонро равиши роҳи фано рафт зи даст,  
Ҳар яке дар паси сад пардаи пиндор бимонд.

Чӣ тазалзул, ки зи фавти ту дар айём афтод,  
З-он тазалзул чӣ ҳалалҳо, ки дар ислом афтод.

\* \*  
\*

З-ин азо дар ҳама олам на гадо монда, на шоҳ,  
Ки кашиданд ба сӯғи ту дусад нолаву оҳ,

Абрсон гиръякунон, наъразанон соя фиганд  
Бар сари наъши ту хуршеди карам — зилли илоҳ.

Гар муяссар шудаяш наъш кашидӣ бар дӯш  
Чун мани сӯхтадил қониби мадфан ҳамроҳ.

Шаҳриёрони чаҳон чок зада чома ба тан,  
Пеши тобути ту пӯянда ба аҳволи табоҳ.

Сарбаландони чаҳон дар таҳи наъшат шуда паст,  
Ҳама гиръёну кашон бори ту бо пушти дутоҳ.

Шуда ҳар пояи наъши ту ба дӯши як қутб,  
Лек ҳар чор шуда нудбагару вовайлоҳ.

Оламеро ба сӯи олами дигар бурдан  
Натавон чуз ба чунин боркашонӣ огоҳ.

Чазаи акбаре афтод, ки бо ин ҳама чашм,  
Чархи гардун натавонист ба дон сӯй нигоҳ.

Гарчи шоми ту шуд аз нур чу маҳтоб сафед,  
Ҳеч кас лек надидаст чунон рӯзи сиёҳ.

Ба намозат, ки ҳазорон зи башар пайвастанд,  
Сад ҳазорон зи малоик ба ҳаво саф бастанд.

\* \*  
\*

Ҳама бурданд ба афғону дили чок туро,  
Чой карданд чу ганҷе ба дили хок туро.

Хайли арбоби иродат ҳамаро чок ба дил,  
Ҳар яке хост кашидан ба дили чок туро.

Сари покони чаҳон будӣ, аз он эзиди пок  
Пок оварду дигар бурд ҳамон пок туро.

Ғарқай баҳри висолӣ, ки ба чашми ҳиммат,  
Равза чун гулхану тубист чу хошок туро.

Руҳи покат чу ба болои нуҳӯм чарх шитофт,  
3-ин ки тан зери замин рафт куҷо бок туро.

Ҳама покони чаҳонро ба тани пок расид,  
Ончи омад ба тани пок зи афлок туро.

Сайри афлокат аз он шуд, ки зи эзид дархост  
Баҳри ҳамрозии худ хоҷаи лавлок туро.

Ақли кул будӣ аз идроки маонӣ з-он рӯ  
Натавонад, ки тааққул кунад идрок туро.

Қисми ёрони ту гар зорию ғамнокӣ шуд,  
Лек зоре набувад чун мани ғамнок туро.

Зада саф хайли акобир, ки барояд Махдум,  
Мухлисонро макун аз дидани рӯят маҳрум.

Дўстон, дар ҳама фан нодиран олам ку,  
Афзалу афсаҳи ачноси банӣ одам ку?

Дар биёбони таманнош халоиқ мурданд,  
Ба давои ҳама он Хизри Масиҳодам ку?

Дили аҳбоб шуд аз теги фироқаш сад захм,  
Он ки будӣ ҳамаро хулқи хушаш марҳам ку?

Хома рӯ карда сияҳ, синаи худро зада чок,  
Ки худованди ман он бар уламо аълам ку?

Ҳуҷра холию парешон шуда авроқи кутуб,  
Соҳиби ҳужра кужо, нозири онҳо ҳам ку?

Дар саро нест ба ҷуз худкушии ғамзадагон,  
Он ки таскин диҳад инрову хурушон ғам ку?

Дар Хуросон натавон гуфт, ки кас хуррам нест,  
Кас ки дар рӯи замин ёфт шавад хуррам ку?

На ки дар хонақаҳи зуҳд фитод ин мотам,  
Дар хароботи фано низ ба ҷуз мотам ку?

Эйки будан ба фано аҳд кунӣ боқии умр,  
Андар-ин дайри фано аҳди бақо маҳкам ку?

Ишқбозон зи ғам оташ ба дил афрӯхтанд,  
Ҷонгудозон ҳам аз ин оташи ғам сӯхтанд.

\* \* \*

\*

Эй, ки дар пеш гирифтӣ сафари дуру дароз,  
Ки бад-ин навъ сафар ҳар ки бишуд н-омад боз.

На ки аз нӯги қалам боз бибастӣ раҳи сеҳр,  
Балки аз банди забон бурдӣ аз офоқ эъжоз.

Нафси қудсият аз кас натавон ёфт дигар,  
Ваҳйро баъда набӣ з-он ки нашуд кас мумтоз.

Шоҳро монд ба ҷон з-оташи ҳичрони ту сӯз,  
Бандаро дар дили сад пора зи доғи ту гудоз.

На шаҳу банда, ки то рӯзи қиёмат дар даҳр  
Ҳар ки бошад бувад аз мотами ту навҳатироз.

Гарчи рӯ дар тутуқи васл ниҳуфтӣ, ки шавӣ  
То абад ҷилвақунон дар ҳарами иззату ноз.

Мадад аз руҳи пуранвори худат низ расон,  
Ки харобанд зи ҳаҷри ту басте аҳли ниёз.

Эй рафиқон, ҳамаро оқибати кор ин аст,  
Фикри анҷом касе беҳ, ки кунад аз оғоз.

Ҳар кӣ сад қарн бимонад ба ҷаҳон ҳам ба фусун  
Бирабояд зи ҷаҳонаш фалаки шуъбадабоз.

Шоҳи маънӣро гар сурат афтод чунин,  
Бод то ҳашр шаҳ сурату маънӣ омин<sup>125</sup>.

## «ҲАЙРАТУЛ-АБРОР»ДАН

Сафо жомининг софи ошоми мавлоно Нуриддин Абдурахмонов  
Жомий мадда зиллаҳул-олий васфиким, васфга сифмас ва  
таърификим, таърифга рост келмас ва ул ҳазрат илтифотининг  
қуёши бу хоксори тийра рӯзгор ҳолига партав солғоннинг  
изҳори ва ул қуёш тарбиятидин бу туфроққа зоҳир қилган  
гули насрин, балки гуногун раёҳин осори ва «Тухфатул-аҳ-  
рор» туҳафи мутолаасидин маҳзун кўнгул тараби ва «Ҳайра-  
тул-аброр» лаоли ва жавҳарин назм риштасига тортмоқнинг  
сабаби.

Улки букун қутби тариқатдур ул,  
Қошифи асрори ҳақиқатдур ул.

Қўкси ҳақойиқ дури ганжинаси,  
Кўнгли маоний юзи ойинаси.

Олий анга етти фалакдин маҳал,  
Етти фалак мушкили оллида ҳал.

Мадрасаи қудс анинг маъмани,  
Хонақаҳи унс анинг маскани.

Жилвағаҳи гулшани чархи барин,  
Обхўри чашмай айнил-яқин<sup>1</sup>.

Қасри каломи чиқиб андоқ баланд,  
Ким анга гардун сола олмай каманд.

Анда шаётин ҳасиға йўқ сабот,  
Баски уруб хайли малоик қанот.

Гунбадийи ҳужрада зоти ниҳон,  
Уйлаки кўк гунбади ичра жаҳон.

Қайси жаҳон, олами кубро<sup>2</sup> дегил,  
Қудрати оллоҳу таоло дегил.

Хирқа анинг жисмида қаптон<sup>3</sup> бўлуб,  
Қаптони тан, жисми анинг жон бўлуб.

Хирқа била топмағани ихтисос,  
Танни риё тўнидин этмак халос.

Чунки таважжуҳда қуйи солса фарқ,  
Сойири равшан равиш андоқки барқ.

Сайрдаким чархни айлаб хижил,  
Тай қилибон арз «катаййис-сижил»<sup>4</sup>.

Вақти қуёшин чу қилиб парда пўш,  
Килки қаро абрдек айлаб хуруш.

Парда ясаб ҳолати пинҳон учун,  
Сафҳа ёзиб сатр ила китмон учун<sup>5</sup>.

Зулмат этиб жамъ давоти анинг,  
Маъни ўлуб оби ҳаёти анинг.

Қатрасидин кимки бўлуб комёб,  
Умри муаббад қилибон иктисоб.

Назми ақолими жаҳонни тутуб,  
Насри дағи кишвари жонни тутуб.

Файзи гадову шаҳ аро мунташир,  
Хизматиға шоҳу гадо муфтахир.

Лек манга оллида ажзу ниёз,  
Борча улусдин берибон имтиёз.

Меҳридин офоқ аро гар нурдур,  
Зарра анинг меҳрида машҳурдур.

Қуш қўп ўлур боғ ҳаримиға хос,  
Булбул ила гулга бўлур ихтисос.

Номағаким роқим этиб хомасин,  
Кўрмади мен кўрмайин эл номасин<sup>6</sup>.

Меҳр тулуъ айлади чун тоғ уза,  
Тушти бурун партави туфроғ уза.

Гулбун уза ҳарне гул очти чаман,  
Аввал анинг ҳамдами бўлди тикан.

Базмда бир кун юзидин нур эди,  
Ҳар соридин нодира мазкур эди.

Тушти чу раҳрав била пайравға сўз,  
Етти Низомий била Хисравға сўз.

Қим не сифат олам аро солди шайн,  
Иккисининг хомасидин «Хамсатайн»<sup>7</sup>.

Лек бу ўн турфаки<sup>8</sup>, топмиш жамол,  
Икки бурунғисиди<sup>9</sup> бор ўзга ҳол:

Гавҳаре йўқ «Махзанул-асрор»дек,  
Ахтаре йўқ «Матлаул-анвор»дек.

Ўзга санамлар ҳам эрур жилва соз,  
Борчасининг ҳуснида зеби мажоз.

Ул иккисидин бири гавҳар фишон,  
Гавҳарида нури яқиндин нишон.

Ул бириси дағи бўлуб нур пош,  
Нури аро партави таҳқиқ фош.

Нукта сув янглиғ эритур тошни,  
Топса ҳақиқат ўтидин чошни.

Бўлса ҳақиқат гуҳаридин йироқ,  
Ришта сўзин сўзламаган яхшироқ.

Риштаға чун зоҳир эрур тору пуд,  
Дурсиз анга ранги-ю нақши не суд?

Ўтти чу алқисса бир ой, икки ой,  
Бир кун ўлуб, бахту хирад раҳнамой.

Хизматин эттимки, таманно эди,  
Илгида кўрдум неча ажзо эди.



Кулгу била қилди ишорат манга,  
Туҳфа<sup>10</sup> била берди башорат манга.

Ким олибон боштин аёғига боқ,  
Қил назар авроқиға боштин-аёқ.

Олиға жон нақдини сочтим равон,  
Олдимү ўптум, дағи очтим равон.

Боштин-аёқ гавҳари шаҳвор эди,  
Қайси гуҳар, «Туҳфатул-аҳрор» эди.

Нафъ топиб кимки бўлуб мустафид,  
Мухтасар ул иккидин<sup>11</sup>, аммо муфид.

Ул иккини топса бўлур мунда-ўқ,  
Мунда туҳаф кўпки, ул иккида йўқ.

Шавқида кўксумни шикоф айладим,  
Жилдиға кўнглумни ғилоф айладим.

Чун ўқумоқ замзамаси бўлди бас,  
Кўнглум аро дағдаға солди ҳавас.

Ким бу йўл ичраки алар солди гом,  
Бир неча гом ўлса манга ҳам хиром.

Форсий бўлди чу аларға адо,  
Туркий ила қилсам ани ибтидо.

Форсий эл топти чу хурсандлиқ,  
Турк дағи топса барумандлиқ.

Ул икига фотиҳа ўқуб сўруб,  
Фотиҳа бу бири манаа еткуруб.

Ботин ила қилмаса ул икки рад,  
Зоҳир ила бу бири қилса мадад.

Менки талаб йўлида қўйдум қадам,  
Бордур умидимки, чу тутсам қалам.

Йўлдаса, бу йўлда Низомий йўлум,  
Қўлдаса, Хисрав била Жомий қўлум.

Нукта сурудиди раво бўлмағай,  
Буки Навоийға наво бўлмағай<sup>12</sup>.

Элтса жоҳ аҳлиға муфлис паноҳ,  
Топса қабул ул ҳам ўлур аҳли жоҳ.

Мушкка ҳаргиз теридин ор эмас<sup>13</sup>,  
Лаълға ҳам хорадин озор эмас.

Боғи аносирки, эрур дилкушой,  
Жадвали девори анинг чордой.

Бўлса ўту суву ҳаво дилпазир,  
Ул аро туфроқ ҳам эрур ногузир<sup>14</sup>.

Сарву гулу лола харидори бор,  
Лек ўтуннинг доғи бозори бор.

Бўлса хазу атласу иксун либос,  
Ит жули қилмоққа ярар ҳам палос.

Лаъл ила ёқуту дур истар баҳо,  
Лек сомонники чекар қаҳрабо.

Уч қадаҳи соф ила шаҳ бўлса хаш,  
Лойи дағи қолса чекар дурдкаш.

Ит киби чун пастлиғим чоғладим,  
Ўзни бийиклар ипиға боғладим.

Бўлса алар озими дашти адам,  
Мен ҳам ўлай соя киби ҳамқадам.

Қаҳфи бақо ичра алар бўлса гум,  
Мен ҳам ўлай робиуҳум калбуҳум<sup>15</sup>.

---

«ФАРҲОД ВА ШИРИН»ДАН

Ҳазрати шайхул-исломий мавлоно Абдураҳмон Жомий...  
мадҳидаким, бу лабташнаи водийи ҳайратқа мунунгдек маъни  
бодасининг жоми анинг ҳиммати майхонасининг сувчилари-  
дин дамодам тўлди ва анинг дуоси паймонасининг соқийла-  
ридин лаболаб бўлди.

Ики пил ўлса Хисрав ё Низомий,  
Эрур юз пил чоғлиғ пил Жомий.

Муҳаббат жоми дурдошоми улдур,  
Ҳамоно Зинда пили Жоми улдур.

Кўруб сармасти жоми ваҳдат они,  
Демишлар Зинда пили ҳазрат они.

Чу ул май дурдидин бўлмиш хурўши,  
Сафо аҳлидур онинг дурднўши.

Майи таҳқиқ этар ҳолатда ошом,  
Чекиб ложурға гар гардун эрур жом<sup>1</sup>.

Бўлуб зоҳир фано тимсоли андин,  
Тутуб оламни олам холи андин.

Фано ул навъ этиб нафъи вужуди<sup>2</sup>,  
Ки ер топиб набуд ўрнида буди.

Бўлуб андоқ фано даштида маъдум<sup>3</sup>,  
Ки сайри шоҳроҳи хатти мавҳум.

Бу хатқа нуқтаким мавжуд эмастур,  
Хирад олинда жуз нобуд эмастур.

Фано мулкида жисми ўйла фоний-  
Ки фаҳм айлаб саводи аъзам они<sup>4</sup>.

Жаҳонни ким қила олғай таваҳҳум,  
Ки бўлғай нуқтаи мавҳум аро гум.

Ўзин худ бир жаҳони бегарон бил,  
Камолотин ўзидек бир жаҳон бил.

Жаҳон ичра жаҳон ким топти макнат<sup>5</sup>,  
Солиб икки жаҳон аҳлига ҳайрат.

Жаҳон йўқ, олами кубро де они,  
Жаҳонда мақсади ақсо де они<sup>6</sup>

Ки ҳарне олами суғрода мавжуд,  
Бори бу олами куброда мавжуд<sup>7</sup>.

Бошиким тарк тожидин баруманд,  
Бўлуб тожига гардун тугма монанд.

Либоси фақри кенграк юз жаҳондин,  
Жаҳон силки келиб бир ришта ондин.

Замири лужжаи заххори маъни,  
Қаломӣ гавҳари шаҳвори маъни.

Ўзи дарё, сўзи дурдек муҳайё,  
Яна маънидин ул дур ичра дарё.

Келиб дарё насаб, гавҳар ҳасаблиқ,  
Ишида неча боқсанг булғажаблиқ.

Қалам баҳри кафида турфа ишдур,  
Магар дарё аро бутган қамишдур.

Ажаб эрмас қамиш бўлмағ шакаррез,  
Ва лекин бу қамиш бўлмиш гуҳаррез.

Учидин ҳам гуҳар оламға сочиб,  
Ичиндин ҳам шакар дўкони очиб.

Саросар гўйё ул най гуҳардур,  
Ғалат қилдим, лаболаб найшакардур.

Оғизлар ичра лаззат шаққаридин,  
Қулоғлар ичра зийнат гавҳаридин.

Қулоғни бу гуҳар фарсуда қилмай,  
Оғизни ул шакар олуда қилмай.

Шакар ул навъ топмай коми идрок,  
Гуҳар бу тавр келмай равшану пок.

Ало, токим, гуҳар сероб бўлғай,  
Шакарнинг шираси жуллоб<sup>8</sup> бўлғай.

Сўзин тут гавҳари кони маоний,  
Шакар жаллоблиғдин асра они.

Навоийким муриду бандасидур,  
Иродат йўлида афгандасидур.

Ҳам ул гавҳар била кўнглин ёрутқил,  
Ҳам ул шакар била комин чучутқил.

Қаломин ул гуҳардек айла рангин,  
Ҳадисин ул шакардек айла ширин.

Кетургил, соқий, ул жоми киромиий,  
Ки тутсун риндлар сархайли Жомий.

Чу пири дайр май қилди ҳавола,  
Ичармен гар эрур гардун пиёла.

\* \*  
\*

Қўюб васвосу савдоларни бир ён,  
Етиштим пир<sup>9</sup> даргоҳига гирён.

Тушуб тупроғ ичига зору маҳжур,  
Қўзум чун топти ул тупроғдин нур.

Сипеҳр олинда андоқким овуч хок  
Ва ёхуд туби<sup>10</sup> атрофида хошок.

Демакка арзи ҳолимни уёлиб,  
Шукуҳи жисмима титратма солиб.

Қўруб тупроғда ул меҳри жаҳонтоб,  
Мени титратмадин андоқки сиймоб.

Кулуб чун субҳ меҳр изҳор қилди,  
Ғамим шомини субҳ осор қилди.

Деди: «Ҳолинг недур, шарҳ айла бир-бир?»  
Чу сўрди дафъа-дафъа, тушти тақрир.

Чу бўлди барча аҳволимға воқиф,  
Манга худ бўлди ул иккинчи ҳотиф<sup>11</sup>.

Неким аввалғи ҳотиф ҳукм сурди,  
Икинчи хотиф они-ўқ буюрди.

Қабул эттим тутуб анфоси поси,  
Равон қилдим дуонинг илтимоси.

Чу ул бошлаб Масиҳ осо каломин,  
Дуо ул деб, малоик айтиб: омин.

Дуо йўқким, ижобатдин нишон ул,  
Ижобат бирла балким тавъамон ул.

Манга чун етти бу давлат нишони,  
Очилди ҳар ён абвоби маоний.

Қаро тупроғ уза ул абри пурбор  
Туруб қилди ўзин ул навъ дурбор-

Ки ўтти пояси дарёу кондин,  
Не дарёу не конким, осмондин.

Чу мен тупроғ ердин кўкка еттим,  
Ер ўптум дағи ўз ҳужрамға кеттим.

Эшик ёпмоққа чун сундум йликни,  
Ёпилғоч ул ҳақ очти юз эшикни.

Кетур соқий, қадаҳ хилватда бир дам,  
Чу келтурдунг эшикни боғла маҳкам.

Чу Жомийдан етишти бўйла коме,  
Анинг ёди била тут бизга жоме.

---

---

«ЛАЙЛИ ВА МАЖНУН»ДАН

Валоят сипехрининг ахтари жаҳонтоби ва ҳидоят маъдани-  
нинг гавҳари сероби ва назм авжининг меҳри фалак эҳтишоми  
ва маоний жомининг ринди софий ошоми, яъни мавлоно  
Нуриддин Абдураҳмон Жомий мадҳида нукта сурмак ва  
анинг дурди жомин сумурмак.

Сўз гулшанининг шугуфта варди,  
Илм оятининг варақнаварди.

Қадрига ул авж узра поя,  
Ким меҳр тутуб тагида соя.

Наълайнидин айлабон малак ҳал,  
Суртарга судоъ бўлса сандал<sup>1</sup>.

Хамдинки, асоси бошида тоб,  
Чекмакка ики жаҳонни қуллоб<sup>2</sup>.

Нўгида санин айлагач кин,  
Кўр айлаб дев ила шаётин<sup>3</sup>.

Юз донаки субҳаси аро қайд,  
Юз файз қушини айлабон сайд.

Ул торки доналар белига,  
Бил ҳабли матин<sup>4</sup> жаҳон элига.

Ибриқи вузуси<sup>5</sup> баҳри гардун,  
Ҳар қатраки томса дурри макнун.

Лўла анга файзи жовидоний,  
Андин оқиб оби зиндагоний.

Каъби<sup>6</sup> ери давраи иродат,  
Давр аҳлига ҳалқаи саодат.

Сажжода масожидида меҳроб,  
Каъба уйиға кирарга абвоб.

Меҳроби уза ёзилгон оллоҳ,  
Эвнинг ияси ишида огоҳ.

Бошиға чу билса сажда чоғин,  
«Ҳе» даврасидин сунуб аёгин.

Бал саждада жисми чун топиб хам,  
Айлаб ани «ҳе» хамиға мудғам.

Ҳар саждада ҳаққа бўйла восил,  
Не сажда дағи бу васл ҳосил.

Чолиб фалак узра кўси рифъат,  
Айтиб малак ичра дарси ҳиммат.

Сочиб лақаби жаҳон аро нур,  
Зоти билга нурун ало-нур.

Абдураҳмондин оти номий,  
Лекин топиб иштиҳор Жомий.

Эй илм юзига машъал афрӯз,  
Файз ойинасиға сайқал андӯз.

Эй борча сулук ичинда муртоз,  
Фоиз санга файзи бирла файёз.

Чун илминг баҳриға тушуб мавж,  
Бу етти ҳубоб уза тутуб авж.

Хомангдин дурри маъни оқиб,  
Сўз силкига нутқунг они тоқиб.

Килкинг жавфида сайр этиб ул,  
Ул нову бу дур хиромиға йўл.

Ул йўл аро корвони маъни,  
Балким келибон жаҳони маъни.



Чун хавфдин айлабон қадам фард,  
Олам юзида бўлуб жаҳонгард.

Яъни тутубон жаҳон юзини,  
Бал арсаи осмон юзини.

Ҳам назминг насрдек келиб хўб,  
Ҳам насринг назмдек дилошўб.

Бу назминг ила насринг сипоҳи,  
Олам юзини тутуб камоҳи.

Гар «Хамса»ни этмай мураттаб,  
Килкинг яна сўз қилиб мураккаб.

Улдамки хароши хома қилдинг,  
Ўзга нима нақши нома қилдинг.

Лекин киши бўлса фикрат андеш,  
Ул ганжга ҳам эрур адад беш.

Чун «Силсила»<sup>7</sup> айладинг ҳувайдо,  
Юз ақлни қилдинг анда шайдо.

Чун «Тухфа»ни эл балоси эттинг,  
Жон тухфаларин фидоси эттинг.

Чун «Субҳа»ни килкинг этти тавзиҳ,  
Солдинг малак ичра зикри тасбиҳ.

Чун қилдинг «Аҳсанул-қасас» фан,  
Ул қисса улусқа бўлди аҳсан.

«Девон»ники айладинг муҳайё,  
Сочти бошиға гуҳар сурайё.

Кўргуздунг тортмай ғаму ранж,  
Беш ганжларига бўйла беш ганж.

Назминг сифати баёдин ортуқ,  
Насрингники дерман ондин ортуқ.

То нукта улусқа ком бўлғай,  
Файзи анинг элга ом бўлғай.

Файзинг била баҳраманд олам,  
Олам эли поймоли мен ҳам.

---

---

«САБЪАИ САИЕР»ДАН

Жаноби сипеҳр макон хизматгорлиғи ва саҳоби гавҳар афшон  
ҳаводорлиғи, яъни ҳазрат шайхул-исломий мавлоно Нурид-  
дин Абдурахмон Жомий... мадҳида хома найининг шакар-  
борлиғи ва кўнгул садафининг гавҳар нисорлиғи

Фазл конию илм дарёси,  
Баҳру кон сиррининг шинососи.

Илми дарёсиға ҳубоб сипеҳр,  
Йўқки, ул баҳр ичинда гавҳар меҳр.

Қашфи ҳикмат иши камоҳи анга  
Ҳам табию ҳам илоҳи анга.

Худ риёзийда фикри гардунрав,  
Айириб чарх мазраин жав-жав.

Арабиятда дарс анинг вирди,  
Ибни Ҳожиб камина шогирди.

Ибни Ҳожиб демайки, Жоруллоҳ,  
Онча тафсир ишинда йўқ огоҳ<sup>1</sup>.

Тили зикри каломи раббоний,  
Ҳарф бар ҳарф забт этиб они.

Нуқтаи бо «бисм» учун тафсир  
Юз мужаллад қила олиб таҳрир.

Ҳам ҳадис ичра сарбаланд шажар,  
Қим етишмай анга юз Ибн Ҳажар<sup>2</sup>.

«Арбаин»<sup>3</sup>ики айлабон тартиб,  
Арабий бирла форсий таркиб.

Арбаин аҳли даркидин ожиз,  
Кўрмайин бўйла «Арбаин» ҳаргиз.

Фақр ичинда имоми олам ул,  
Қайси олам, имоми Аъзам<sup>4</sup> ул.

Сўзидин фиқҳ элига зебу баҳо,  
Масъала деса ҳайратул-фуқаҳо.

Фаръ эдиким дейилди бу неча фасл,  
Илми фақру фано бўлуб анга асл.

Онча айлаб фанода нафйи вужуд,  
Ки бўлуб мужиби бақоу шуҳуд.

Ўз вужудин шуҳуд аро ёпибон,  
Ҳақ вужуди аро бақо топибон.

Ўйла ҳақ зоти ичра мустағрақ,  
Ки асар қолмайин анга жуз ҳақ.

Чун тасаввуф келиб сифот анга,  
Бу фан ичра мусаннафот анга,

Ким қаю бирга кимки топса вуқуф,  
Барча мақсуд анга бўлуб макшуф,

Солди «Шарҳи рубоиёт» андин,  
Рубъи маскун аро ҳаёт андин.

Қилкидин чун «Лавомеъ» этти зуҳур,  
Солди офоқ ичинда ламъаи нур.

Табъидин чун «Лавоеҳ» ўлди падид,  
Жилва қилди лавойиҳи тавҳид.

Зоҳир этгач «Ашиъатул-ламаот»,  
Ламъа қилди аён ашиъаи зот.

«Тову Мимия»ғаки чекти рақам,  
Ибни Фориз равони дедики там.

Чун «Шавоҳид»га бўлди нукта тироз,  
Қилди юз шоҳид анда жилваи ноз.

«Нафаҳот» ичраким футуҳ андин,  
Нафҳаи унс топти руҳ андин.

Чун рақам қилди «Тухфатул-аҳрор».  
Сочти оламға маҳзанул-асрор.

«Субҳа» иқдиға берди чун тавзиҳ,  
Солди хайли малак аро тасбиҳ.

Чунки таҳрик топти «Силсила»си,  
Телбалик бўлди ақл масъаласи.

Чун рақам қилди «Ошиқу маъшук»,  
Бўлди ишқ аҳли ўтидин маҳруқ.

Чун «Қасойид»ға қасд этиб ройи,  
Дур сочиб таъби гавҳар оройи.

Ғазалиёти ўт жаҳонға солиб,  
Шуълаеси юз шарора жонға солиб.

Ўзга ҳар фандаким расойил анга,  
Борча ҳақ васлиға васойил анга.

Гар борин бир-бир айласам тафсил,  
Зоҳир айлар калом аро татвил.

Гар тугансун дағи кутуб оти,  
Андин ортуқ анинг камолоти,

Ки агар мунча юз калом ўлғай,  
Васфи зоти анинг тамом ўлғай?

Поясин ҳар киши деса афлок,  
Бўлғай афлокни демак хошок.

Ройи покин демакки меҳри мунир,  
Демак ўлғай қуёшни қурси қир.

Илмин онинг тенгизга қилса хитоб,  
Мутлақ ўлғай демак тенгизни сароб.

Не камолот аро ниҳоят анга,  
Не маротибда ҳадду ғоят анга.

То камол аҳлидин мақол ўлғай,  
Одами зийнати камол ўлғай.

Ҳам малак дона чини доми анинг  
Ҳам хирад журъа хўри жоми анинг.

Баҳравар андин одам авлоди,  
Олам аҳлига зилли иршоди.

Майи ҳуш аҳли жонфизойи ҳам,  
Жомидин баҳравар Навоий ҳам.

---

---

---

«САДДИ ИСКАНДАРИЙ»ДАН

Сўз дурлари назмида низомий низом ва такаллум гавҳарлари интизомида хисрав калом Низомий била Хисрав қойим мақоми, яъни ҳазрати махдумий мавлоно Нуриддин Абдурахмон Жомий. . . жанобида арзи ниёз қилмоқ ва изҳори роз айламак.

Биров олди сўз кишварин якқалам,  
Ки қилди қаламни сутуни алам.

Қўлиға олиб найза ўрниға килк,  
Сўз иқлимини сарбасар қилди милк.

Билик авжининг меҳри тобони ул,  
Қаю меҳр, сўз жисмининг жони ул.

Чу суръат аро ўт сочиб хсмаси,  
Яна гарм ўлуб нукта ҳангомаси.

Ҳамул ўтгаким, назм шамъин тутуб,  
Маоний шабистонини ёрутуб.

Чу табъидин оқиб маоний суйи,  
Келиб чашман зиндагоний суйи.

Ҳамул чашмадин чун су бермак тузуб,  
Суханварлик ўлган танин тиргузуб.

Чу истаб тараб табъи озодаси,  
Қуюб назм жомига сўз бодаси.

Анинг журъаси элни маст айлабон,  
Демай мастким, майпараст айлабон.

Не жомеки, май журъасидин нами,  
Тарашшуҳ қилиб, маст ўлуб олами.

Бу янглиғки жоми маоний тутуб,  
Малак хайлиға дўстгоний тутуб.

Бўлуб чун анинг жомидин журъачаш,  
Бўлуб чарх сўфийлари журъакаш.

Ки машъуф ўлуб жоми мастонаға,  
Гаров айлабон хирқа майхонаға.

Янги ойни жоми ҳилолий қилиб,  
Нечаким тўла келса холи қилиб.

Жаноҳайн ўлуб сукрдин хокрўб,  
Гаҳи даст афшон, гаҳи пойкўб.

Бу навъ ўлсалар арши аъзам эли,  
Не бўлғай, хаёл айла, олам эли?

Чу ул жомдин обиҳайвои топиб,  
Ўни жон бериб, гар бири жон топиб.

Қаю назм, балким жаҳон офати,  
Жаҳон офати йўқки, жон офати.

Эшитмаклиги завқнок айлабон,  
Вале дарки маъни ҳалок айлабон.

Ғазал дарду сўзини ваҳ-ваҳ не дей,  
Деса маснавий аллаҳ-аллаҳ не дей!

Агар назмдин борча услуб анга,  
Бори бир-биридин эрур хўб анга.

Вале маснавий ўзга оламдурур,  
Ки табъиға ҳоло мусалламдурур.

Бўлуб жилвагар табъи кўзгусида,  
Ки сабт айлади «Хамса» ўтрусида.

Эрур андин ортуқки, ўксук эмас,  
Эл андин дер ортуқки ўксук демас.

Анинг байтиға гар фузундур адад,  
Вале йўқтурур мунда маъниға ҳад.

Неча анда дуржи дақойиқдурур,  
Вале мунда дурри ҳақойиқдурур.

Бўлур они баҳру муни кон демак,  
Ани кўнгул, аммо муни жон демак.

Бурун жилва айлаб аён «Тухфа»си,  
Бериб олам аҳлига жон «Тухфа»си.

Яна «Субҳа» жон риштасин тор этиб,  
Ки ҳар муҳра бир дурри шахвор этиб.

Чу Юсуф сўзин ошкор айлабон,  
Зулайхо киби элни зор айлабон.

Чекиб хома «Лайлию Мажнун» сари,  
Юз офат солиб тоғу ҳомун сари.

Бу дамким қилиб хомасин дурфишон,  
Скандар ҳадисидин айтур нишон.

Шак эрмаски, фатҳ айлабон хушку тар,  
Скандар киби олғуси баҳру бар.

Бугун комил ул навъ мафҳум эмас,  
Бурун бор экан даги маълум эмас.

Биров кўнгли олиндаким софдур,  
Агар заркаш, ар бўрзё бофдур.

Агар бўлса ўз фаннида бебадал,  
Фаниматдур ул борчаға филмасал.

Бировким нафас анга қудсий сифот,  
Нафас бирла ўлганга бергай ҳаёт.

Қаю кимсаким аҳли идрокдур,  
Анга жон фидо қилса не бокдур.

Агар нуктаи жонфизоси анинг,  
Бу навъ ўлса юз жон фидоси анинг.

Ало, токи, жон бўлғай инсон била,  
Тирик бўлғай инсон дағи жон била.



Ҳадисини эл жонига воя қил,  
Ҳамул воядин жонга сармоя қил.

Бу сармоядин бизга коме етур,  
Лабслаб майи васли Жомий етур.

Ки Жомийга ўзни қилиб журъакаш,  
Сўз айлай адо, масту девонаваш.

\* \*  
\*

Ва лекин бу фурсатки донойи даҳр  
Берур эрди бу қиссадин элга баҳр.

Ки жоми сафо урди элга сало —  
Ки Жомийга еткурмасун ҳақ бало,

Скандар иши эрди манзум анга,  
Бари ҳолати эрди маълум анга,

Манга ҳам чу машғуллуқ бу эди,  
Таворих олимда ўтру эди.

Бу ерда мени чунки ажз этти лол,  
Улуб ерни донодин эттим савол.

Скандарга икки эконни адад,  
Чу олинда таҳқиқ эди, қилди рад:

«Ул ишлар,— деди,— бирга воқеъ дурур,  
Гувоҳи анинг насси қотeъ дурур».

Анингдекки аслин Низомий деди,  
Ҳамул навъ фарзона Жомий деди—

Ким ул Файлақус ўғли эрмиш яқин,  
Эмас аҳли тарих тардиди чин.

Қилинди чу таҳқиқ тадқиқ ила,  
Қилай эмди тадқиқ таҳқиқ ила!

\* \*  
\*

Бу маодин жавоҳирин эҳтимом била назм силкиға тортмоқ-  
нинг тақрири ва бу махозин тилисмотини истехком била ит-  
момға еткурмакнинг таҳрири ва ҳам жавоҳир пири дарё замир  
равшан кўнглига ер тутқоннинг баёни ва ҳам махозин  
шуаройи шеърий сарир муқаддаса арвоҳиға қабул тушганнинг  
тибёни...

Манга давлат илги бўлуб раҳнамун,  
Чу бу панжаға қилди зўр озмун.

Дема панжа они, қатиқ хора де,  
Дема хора, пўлоди якпора де!

Солиб панжаким, бўлғали зўрсанж,  
Топиб панжа ул панжада тобу ранж.

Чу зўр ортуқ айлаб тарозусидин,  
Чиқиб йўқки оранж бозусидин<sup>2</sup>.

Не панжа эрур, «Хамса» и ганжсанж,  
Ки доно қўюбтур отин «Панж ганж»<sup>3</sup>.

Қаю «Хамса» ким, махзани дурри ноб,  
Қаю панжаким, панжани офтоб-

Ки ҳар ким анга кўргузуб зўрдаст,  
Чу зўр айлабон, илги топиб шикаст,

Менингким қўлум эрди беҳад заиф,  
Эмас эрдим ул панжа бирла ҳариф.

Солиб панжаварлиқ, замиримға шўр,  
Не илгимда қувват, не панжамда зўр,

Десам тарк этай, қўймайин ҳимматим,  
Десам зўр этай, етмайин қувватим.

Чу панжамға ҳайрат била боқибон,  
Бу панжамға ул панжани қоқибон.

Бу андеша мендин олиб ақлу ҳуш-  
Ки ногаҳ нидо қилди фаррух суруш-

Ки: «Эй ғарқани баҳри ажзу ниёз!  
Бўла олмағон дардинга чорасоз!

Етишгил қўпуб пир<sup>4</sup> даргоҳиға,  
Таважжуҳ қилиб жони огоҳиға.

Анинг ботинидин тила ёрлик,  
Бийик ҳимматидин мададгорлик-

Ки ҳар қуфлким фатҳидур нопадид,  
Анга бор эранлар дуоси калид».

Эшитгач бу сўз, боштин айлаб қадам,  
Киши ўйлаким қилса азми ҳарам<sup>5</sup>.

Чу ул остон маъман ўлди манга,  
Биҳишти барин маскан ўлди манга.

Қаю остон, тавфгоҳи фалак,  
Қаю тавфгоҳ, саждагоҳи малак.

Қўзум очиб ул остон туфроғи,  
Қўзум ҳам ёруб, балки кўнглум доғи.

Таважжуҳға чун хотирим қилди майл,  
Ета бошлади файз андоқки сайл.

Не ҳаддим эшикка урарға илик,  
Илик майл қилмай очилди эшик.

«Ниёз аҳли кирсун!» дебон чиқти роз,  
Бу роз англағач кирдим айлаб ниёз.

Не хилват, намудори чархи барин,  
Не хилватнишин, балки Рухул-амин<sup>6</sup>.

Ани айлабон равшан анвори қудс,  
Мунунг нутқидин равшан асрори қудс,

Ул ул навъким файз топқон кўнгул,  
Бу ул навъ маскан аро ақли кул.

Чу мен бўлдум андоқ ҳарам маҳрами,  
Ҳарам йўқки, нуру сафо олами.

Қуёш нурида маҳв ўлуб зарравор,  
Кўнгулни қила олмайин устувор.

Ўзум ўзлугум меҳнатидин ориб,  
Бориб ўзлугу мен ўзумдин бориб.

Қила олмайин арз ҳолимни ҳам,  
Хаёл айлай олмай хаёлимни ҳам.

Бу янглиғ мени айлабон гунгу лол,  
Аён айлади Исо осо мақол.

Не дер сўзки, кўнглум аро бор эди,  
Мени чунки гунг этти, борин деди-

Ки: «Гўё пишурган хаёлинг будур,  
Қила олмасингдин малолинг будур».

Чу бу хастадин қилди тасдиқ фаҳм,  
Анга худ бу ҳол эрди таҳқиқ фаҳм.

Ишим бутмагига дуо айлади,  
Бори ҳожатимни раво айлади.

Дедиким: «Бу бир иш эди қилгулуқ,  
Бу айтилмагон нукта айтулгулуқ.

Бу соатқа мавқуф эрди экин,  
Бу дам тенгри тавфиқ берди экин.

Агарчи етишти малолат санга,  
Вале охир ўлди ҳаволат санга-

Ким ул ганжлар бошига етгасен,  
Тилисмотини дағи фатҳ этгасен-

Ки ҳар неча қилдуқ назар даҳр аро,  
Қиёс айладук водию шаҳр аро.

Йўқ атрок<sup>7</sup> аро бирда онча билик-  
Ки бу навъ улуғ ишга урғай илик.

Не атрокким, ҳам ажам, ҳам араб,  
Кўрарлар бу ишни ажабдин ажаб.

Керак даҳр аҳлиға ўн кун жадал,  
Қи беш байтдин боғлағай бир ғазал.

Басе маснавийгўйи нозук хаёл-  
Ки назм аҳли ичра солиб қийлу қол.

Халойиққа юз ҳусну ноз айлагай-  
Ку ўн йилда минг байт соз айлагай.

Чиқорғон замон ул нав ойин савод-  
Ки оламда йўқ бўйла рангин савод.

Саводиға ҳар кимки кўз солибон,  
Қаро шоми меҳнат аро қолибон.

Не зулматки, йўқ обиҳайвон анга,  
Қаю тунки, йўқ меҳри рахшон анга.

Агар даҳр аро сепса мушки татор,  
Кўнгулни қилур тийраву кўзни тор.

Бу беша ародур ики нарра шер,  
Бу баҳр ичра икки наҳанги далер<sup>8</sup>.

Анга киргали шери жанги керак,  
Мунга ҳам диловар наҳанги керак.

Сен-ўқ сен букун чобук андешаи,  
Дақойиқ аро нозук андешаи-

Ки сўз таври келди сенинг шонинга.  
Бўлуб хатм табъи дурафшонинга.

Мусаллам сўзунга равонлиқ дағи,  
Сўз ичра санга паҳлавонлиқ дағи.

Равон килкинга онча бор эътимод-  
Ки сўз дерда шаққиға берса кушод.

Равон айлагай онча обиҳаёт-  
Ки тўйгай Хизр суйидин коинот.

Бу иш чунки бўлғай муқаррар санга,  
Умид улки бўлғай муяссар санга.

Қўп эмди, ишингнинг хаёлида бўл,  
Хаёл аҳли зеби жамолида бўл-

Ки сендин бу шуғлунгда хушёрлиқ,  
Дуо бирла биздин мададгорлиқ»...

Эшитгач бу сўзлар мени нотавон,  
Улук жисмима кирди гўё равон...

Ер ўптум даги йўлга азм айладим,  
Сўз айтурни кўнглумга жазм айладим...

Бу беш ганжниким кушод айладим,  
Варақ узра они савод айладим.

Саводин солиб жузвдоним аро<sup>9</sup>,  
Дема жузвдонимки, жоним аро.

Анинг сори<sup>10</sup> бўлди кўнгул рағбати,  
Ким эрди мададгор анинг ҳиммати.

Мададгор йўқ, амр этгучи ул,  
Не иш тушса гаврумга етгучи ул.

Борур эрдим айларга арзи ниёз,  
Иш итмомини қилмоқ ифшойи роз.

Замиримда лекин хаёлот эди-  
Ки бу иш ҳусули ажаб бот эди...

Тузалди бу назминг баса сарсари,  
Яна туркий алфоз анга бир сари-

Ки ҳар нечаким диққати бордур,  
Талаффуз аро лакнати бордур.

Сўзунгники яхши кўрарсен ўзунг,  
Кўрунмас ёмон, чун эрур ўз сўзунг.

Қошингда сенинг гарчи кўп вазни<sup>11</sup> бор,  
Чу бор ўз сўзунг, йўқ анга эътибор-

Ки сўз зодаи табъу фарзанд эрур,  
Чу фарзанд эрур, жонга пайванд эрур...

Сўзунгким санга келди ҳоло писанд,  
Писанд эркин эл ичра ё нописанд?

Не бұлғай, кўруб пири кошиф<sup>12</sup> мени,  
Бу аҳволдин қилса воқиф мени...

Уруб гом мундоқ хаёлот ила,  
• Димоғимда савдо маҳолот ила-

Қи еттим ангаким эрур мақсадим,  
Қи ҳардам демакка отин — йўқ ҳадим.

Ниёз айлаю остонин ўпуб,  
Бийик сидраи чарх шонин ўпуб.

Чекиб «Хамса»ни жузвдондин равон,  
Қўюб хизматида мени нотавон.

Неча ганжким ошкор айлабон,  
Аёғига борин нисор айлабон:

Сафинам чу азм этти дарё сари,  
Узатти кафин баҳр ул ажзо сари<sup>13</sup>.

Назар солди очиб варақ-барварақ,  
Бўлуб мултафит, чун очиб ҳар варақ.

Қаю сўздаким бир савол айлабон,  
Жавобин дегач, завқу ҳол айлабон,

Қилиб гоҳ таҳсину гоҳи дуо-  
Ки юздин бири йўқ манга муддао.

Етиб ҳар сўзидин кушоде манга,  
Бўлуб ҳосил андин муроде манга.

Мусалсал каломимдин оғзида сўз,  
Мен олинда ерга тикиб икки кўз.

Сўзум очибон бўстондек энгин,  
Қилиб лутф, эгнимга солди энгин.

Қаю енгки гардунға солса ани,  
Муҳаддаб юзин айлағай мунҳани<sup>14</sup>.

Чу эгнимга ул қўл била енг етиб,  
Замиримдин ўзлук хаёли кетиб.

Чу ўзлук кетиб, юзланиб ҳолате-  
Ки ўздин ўзумга бўлуб ғайбате.

Ўзумдин ҳамул дамки ғойиб бўлуб,  
Манга жилвагар кўп гаройиб бўлуб.

Кўруб ўзни бир тоза бўстон аро,  
Қилиб гашт боғу гулистон аро.

Назоҳат келиб равза монанд анга,  
Эрам сойири орзуманд анга.

Чамандин чаманга мен айлаб хиром,  
Анингдекки эл тавфи Байтулҳаром<sup>15</sup>.

Кўрунди бу ҳолатда жамъи касир<sup>16</sup>,  
Уруб ҳалқа, суҳбат тутуб дилпазир.

Алардин биров келди ул ёнки мен,  
Чаманда анингдек хиромонки мен.

Манга етти, бор эрди шоирваше,  
Жамоли хушу ҳайъати дилкаше.

Салом айлабон, марҳабо айлади,  
Рисолат<sup>17</sup> тариқин адо айлади-

Ки: «Бу фаррух ойину фархунда хайл,  
Қилурлар даме ихтилотингга майл».

Қабул айлаю, солиб ул ён қадам,  
Ўзин дағи сўрдум, ҳамул элни ҳам.

Дедиким: «Алар зумраи маънавий,  
Гуруҳики назм этилар маснавий».

Хусусан аларким эрур «Хамса» санж-  
Ки ҳар бирдур ул «Хамса»дин кони ганж.

Эрурлар бу мажмаъда ҳозир бори,  
Сенинг сори муштоқу нозир бори.

Чу сўрдунг мени, эй ҳадисинг қавий,  
Ҳасандур отим, халқ деб — Деҳлавий.



Эшитгач бу сўз, жисмима тушти тоб,  
Саросима кўнглумга ҳам изтироб.

Қўлуб узр қучтум яна устувор,  
Қадам қўйдум ул сори муштоқвор.

Борурда Ҳасан айтиб отин манга,  
Қилиб ҳар бирин бошқа талқин манга-

Қи уч кимсадур садри мажлиснишин,  
Қилиб шарҳ бир-бир аларнинг ишин-

Қи: «Ўртодағи пири фаррух жамол-  
Қи васфида келди хирад нутқи лол.

Эрур ҳазрати Шайх<sup>18</sup>, огоҳ бўл!  
Ниёз айлабон хоки даргоҳ бўл.

Унг илги сори анга пайравдурур,  
Жаҳон офати — Мир Хисравдурур.

Яна бир ён устоду пиринг<sup>19</sup> сенинг,  
Рақамхони лавҳи замиринг сенинг-

Қи бу хайл эрур жисму ул жонлари,  
Агар жон булар бўлса, жононлари.

Яна икки ёндин бу қавм-ўқдурур,  
Қиши йўққи бу базм аро йўқдурур.

Қўрушгил бори бирла, ҳурмат била,  
Далер ўлмағил сўзда — журъат била».

Қабул айлабон мен, неким айтиб ул-  
Қи қатъ ўлди кўпрак бу мажмаъга йўл.

Дағи юз қарича масофат қолиб-  
Қим ул базм эли қўптилар қўзғолиб.

Манга ўтру келмакка айлаб ситез,  
Солиб мен алар сори гомимни тез.

Добон бир-бир ул хайл отин раҳбарим,  
Қўрушмакка дағи бўлуб ёварим.

Чу Саъдию, Фирдавсию, Унсурий,  
Саноию, Хоқонию, Анварий<sup>20</sup>.

Тааддудда муҳтожи тафсил эрур,  
Вале бўлса тафсил, татвил эрур.

Бори дастбўсиға топтим шараф,  
Олиб ёндилар мени келган тараф.

Анга тегруким шайху пайрав эди-  
Ки яъни Низомию Хисрав эди.

Яна бир бизинг пиру махдум<sup>21</sup> ҳам,  
Қўпуб урдилар илгарикар қадам.

Бу икки юруб Шайхдин илгари,  
Югурдум мени хаста ҳам ул сари.

Қўлум тутти пир ихтиёри била,  
Қўруштурди ҳамроҳу ёри била.

Қўзумдин тўкуб қатра ёгин дағи,  
Илигин ҳам ўптум, аёгин дағи.

Тутуб Жомию Хисрав икки қўлум,  
Низомий сори бошладилар йўлум.

Тўкуб ашк — мендек асири ғаме,  
Вале ҳар қўлумға тушуб оламе.

Вале мен бўлуб гарчи ўздин ниҳон,  
Кириб икки илгимга икки жаҳон.

Манга Шайх бирла қўрушмак ҳамон,  
Муборак аёғиға тушмак ҳамон.

Ўпуб туфроғини тўкуб сели ашк-  
Ки андин ебон тўққуз афлок рашк.

Бошим ердин олиб иноят қўли,  
Қилиб жилвагоҳим ҳидоят йўли.

Ёниб тутти ерлик ерида қарор,  
Мени лек беҳуд қилиб изтирор.

Чу Шайху ики ёри топти сукун,  
Туруб мен ниёз ичра қаддим нигун.

Жулус ичра етти башорат манга-  
Ки олинда қилди ишорат манга.

Чу бўлди манга ҳукм бирла нишаст,  
Ниёз этти жисмимни туфроққа паст.

Талаттуф била Шайхи олий мақом.  
Менинг сори бунёд қилди калом.

Бурун сўрди ҳолимни шафқат била,  
Ер ўптум жавобинда ҳурмат била.

Яна деди: «Кей олам аҳлида фард,  
Фалак табъинга келмайин ҳамнавард.

Сипеҳр айлаб эл ичра нодир сени,  
Жаҳон назми таврида қодир сени.

Ғазал таврида чунки қилдинг хиром,  
Сўз аҳлиға сўз дерни қилдинг ҳаром.

Тутуб эрди назминг жаҳон кишварин,  
Жаҳон кишварин йўқки, жон кишварин.

Бу дам маснавийғаким айлаб шитоб,  
Тўка бошладинг хомадин дурри ноб.

Ажаб иш бу ишда санга берди даст-  
Ки эл назмиға берди назминг шикаст-

Ки қилдинг сўз ичра татаббуъ манга,  
Не истарда эттинг тазарруъ манга-

Ки мен «Хамса»да айлаб эрдим ванд-  
Ки «Ҳар кимки, айтурға тутса умид,

Қилай тиғи буррон сўзум досидин,  
Урай бошин ул тиғ олмосидин».

Қўп эл очти даъвоға сўз бошини,  
Бу даъво аро қўйди ўз бошини.

Чу кўргузди фарзанд Хисрав ниёз,  
Ниёзи била топти ул ганжи роз.

Яна бир, ики, уч гадолиғ била,  
Насиб олдилар бенаволиғ била.

Магар сенки бу йўлга қўйғач қадам,  
Вужудунг хаёлини қилдинг адам.

Нечаким келиб рифъатинг тоғча,  
Вале келмай олингда туфроғча.

Ниёз ашкидин лавҳи хотирни юб,  
Фано ҳарфин ул сафҳа ўзра бутуб.

Топиб пир фарзанд Жомий киби,  
Мумидду муовин Низомий киби.

Сунуб поклик бирла бу ишга қўл,  
Очиб поклар руҳи олингда йўл.

Саҳар вақти ҳарфе савод этмайин-  
Ки руҳум дуо бирла шод этмайин,

Фараҳ топмайин маънийи хос ила-  
Ки ёд этмайин бизни ихлос ила,

Не менким, бори назм аҳлини пок,  
Дуо бирла ҳар субҳ этиб завқнок.

Ниёзинг чу бу навъ ўлуб беадад,  
Санга биз ҳам айлаб ададсиз мадад.

Йўқ эрса эрур асру савдойи хом,  
Ики йилда бир «Хамса» қилмоқ тамом!...»

Чу сўз етти бу ерга, мен беҳарос  
Қўпуб айладим бир дуо илтимос,...

Тугангач дуо, айладим илтижо,  
Қўюндин чекиб «Хамса»ни жобажо.

Солиб тийра туфроқ аро, йиғлабон  
Бу янглиғ тузуб можаро, йиғлабон-

Ки: «Бу зодаи хотири хастани,  
Қўнгулдин такаллумға пайвастанни-

Ки ҳиммат тутуб эҳтимом эттингиз,  
Демасменки мен сиз тамом эттингиз.

Карам бирла туфроғдин ҳам олинг,  
Иноят қилиб бир назар ҳам солинг-

Ки эл нозирига нузул айласун,  
Улус кўнгли они қабул айласун».

Равон Шайх олди бу иблагдин,  
Гаронмоя нақдимни туфрогдин,

Боқиб Мавлавий сори қилди ружуъ-  
Ки: «Сен қил дуо, зоҳир айлаб хушуъ-

Ки қойил эрур сўнгги фарзандимиз,  
Билик мазраидин барумандимиз.

Буларким анинг зоду пайвандидур,  
Бори бизга фарзанд фарзандидур.

Санга ҳам чу шогирд эрур, ҳам мурид,  
Дуосини сендин тутарбиз умид».

Чу Махдум<sup>22</sup> топти дуо сори йўл,  
Яна очтилар борча оминга қўл.

Дуойики кўнглумга матлуб эди,  
Муҳаввис<sup>23</sup> замиримга марғуб эди.

Қилиб, айладилар бу маҳзунни шод,  
Манга чунки юзланди мундоқ мурод,

Сужуд эттим ул хайли огоҳға,  
Дедилар: «Дегайсен дуо шоҳға».

Бу сўздин бўлуб ўзгача ҳолатим,  
Ўзумга келиб, борди ул гайбатим.

Кўрарменки, ул ҳужрада пир эрур,  
Жанобида ҳолимга тағйир эрур.

Бу дам гўйи эгнимдин олмиш қўлин-  
Ки бу сори солмиш хаёлим йўлин.

Ҳамул олида бошим эрди қуйи,  
Оқар эрди туфроққа ашким суйи.

Деди лутф ила ким: «Не навъ эрди ҳол?»  
Яна бошни қилдим анга поймол.

Дедим: «Улча мен хастаға ҳол эрур,  
Анинг шарҳида нотиқа лол эрур».

Деди: «Улча бу дам санга берди даст,  
Яна кимсага бермамиш эрди даст.

Қўпуб, шукр қил тенгри эҳсонига,  
Бу тавфиқи беҳадду поёнига».

Ўпуб ерни, қўйдум чу ташқори гом,  
Дегайсен: Менинг эрди олам тамом!...

## «МАЖОЛИСУН-НАФОИС»ДАН

### Учунчи мажлис

Алар зикридаким, ҳоло замон саҳоифида маоний абкори аларнинг дақиқ таъълари ҳуллабофлигини назм либоси киядур ва назм либоси аларнинг амиқ зеҳнлари мўйшикофлигини санъат ва салосат нақш ва нигори топадурум, баъзининг мулозмотига мушарраф ва сарбаланд ва баъзининг мусоҳабатидин хушнуд ва баҳраманддурбиз

Ул жумладин: қуёшеким ройи олам оройи била бу замон мубоҳий ва аҳли замонга шарафи номутаноҳий муяссардур ва дарёеки, таъби гавҳар зойи била бу даврон жайби гавҳардин тўла ва даврон аҳли қўйни ва этаги жавоҳирдин мамлу бўладур.

Ҳазрати махдумий шайхул-исломий мавлоно Нуриддин Абдураҳмон Жомий... дуруким, то жаҳон бўлғай аларнинг ёруқ хотирларининг натоижи жаҳон аҳлидин кам бўлмасун ва то сипеҳр эврұлғай, аларнинг очуқ кўнгуллари фавоиди даврон халойиқидин ўқулмасун. Чун бу мухтасарда мазкур бўлгон жамоатнинг раъс ва раиси ул зоти нафис ва бу рисолада мастур бўлгон гуруҳнинг муқтадоси ва пешвоси ул гавҳари яктодур, муборак исмлари бу авроқда сабт бўлурдин гузир ва ёзилмаса дилпазир эрмас эрди, журъат бўлди. Чун алар латоифи назми андин кўпракдурким, ҳожат бўлғайким, баъзи битилғай ё элга маълум бўлсин деб, бирори сабт этилғайким, кутубларининг отин битилса, бу авроқдин ошар ва мусаннафотлари дурлари зикрин қилилса гардун баҳри андин тошар, ложарам чун бу маъни билилур ва дуо била хатм қилилур.

#### Рубоий:

Ё раб, бу маоний дуррининг уммони,  
Бу донишу фазл гавҳарининг кони.

Ким айладинг они олам аҳли жони,  
Олам элига бу жонни тут арзоний.

Турфа буким, Хожа Муҳаммад Таёбодийким, бир қарн ул ҳазратнинг махсус мулозими эрди, назмларидин бир байт билмас, билса ҳам назм эмас ва насрларидан бир нукта фаҳм қилмас, қилса ҳам мақсудга мувофиқ демас. Боракаллоҳ, камоли қобилият мунча-ўқ бўлғай!

## «НАСОИМУЛ-МУҲАББАТ» ДАН

Аммо баъд: мундоқ арз қилур жаҳл водисининг марҳала паймойи Алишер алмулаққаб бин-Навоий...ким, секкиз юз сексан бирда бу бебизоати адимул-иститоат ҳазрати устодий ва саййидий ва санадий ва махдумий ва шайхул-исломий мавлоно Нурул-миллати вад-дин Абдурахмон Жомий... хидматларида «Нафаҳотул-унс мин ҳазаротил-қудс»<sup>1</sup> китоби жамъи ва тартибининг боиси бўлдум; андоқки, ул шариф китоб феҳристида ул ҳазрат... анинг кайфиятини шарҳ била зикр қилибдурлар. Ўқуғонлар кўрмиш бўлғайлар ва ўқумагонлар, ўқусалар кўргайлар. Ва ул китоб халойиқ орасида машҳур ва ўқумоқ ва битмаги шоеъ бўлди. Ва машойихларнинг валоят осор ҳолатлари зикридин ва фоизул-анвор мақолоти фикридин қобил толибларга нафълар ва шавқу иродат аҳлига файзлар етушти.

Доим ошуфта хотирга келур эрди ва парешон хаёлга эврулур эрдиким, ул китоб алфози форсийдур арабийга пайваста ва ибороти ишорот аҳли тилига вобаста. Ва ул тиллар вуқуфидин баҳраварлар ва ул иборот ва ишоротдин бохабарлар андин ўз қобилиятлари хурдида иштиғоллари муқобаласида нафъ топарлар ва файз элтурлар, аммо турк улусидин баъзи кўнгул сидқ ва сафосига баҳраманддурлар ва кимиё асар сўзлар таъсирига тенгри иноятидин аржуманд ва ул алфозга вуқуф қиллатидин ул файзлардин маҳрум ва бу ҳақойиқнинг дақойиқи аларга номаълум.

Бу фақир агар саъй қилсам, бу китобни туркий тилга таржима қила олғайменму ва ул дақойиқ мушкилотини равшанроқ алфоз била ва очурроқ адо била ўткара олғайменму деб мутааммил эрдим, ва не бу хаёлдин ўзумни ўткара олур эдим, ва не ишнинг азимлиғи ва душворлиғи жиҳатидин шуруъ қила олур эрдим, то тарих тўққуз юз бирдаким, ул тарихдин йигирма йил ўтуб эрди, тенгри таоло тавфиқи била бу улуг ишга илик урдум ва бу азим амрға қалам сурдум.

Ва ҳазрати шайх Фаридуддин Аттор... битиган «Тазкира-



тул-авлиё» баъзи кибори машойихким, «Нафаҳотул-унс»да дохил бўлмайдулар эрди, ҳар қайсини муносиб маҳалда дохил қилдим.

Ва турк машойихи зикри ҳам озроқ эрди, они дағи ҳазрати шайхул-машойих Хожа Аҳмад Яссавий...дин бу замон-ғача улча мумкин бор — тилаб топиб, ҳазрати қутбул-авлиё шайх Фарид шакарганж...дин сўнгғи машойихғача илҳоқ қилдим, ва ҳазрати махдумий... ва муосир мусоҳиб машойих зикри дағиким, ул мутабаррак китобда йўқ эрди, мунда қўш-тум.

Ва ул китобда дағи авлиёуллоҳ закридин баъзи сўз замон аҳлиға кўп муҳтожун илайҳ эрмас эрди, итноб ваҳмидин таркин туттум ва бу таржимадин ўқуттум.

Ва чун бу валоят риёзи муҳаббат насимиға ва футувват шамимиға сабаб бўлди — анға «Насоимул-муҳаббат мин шамоимил-футувват» от қўйдум, умидим улким, бу насоимдин руҳлари тоза ва бу шамоимдин равҳлари беандоза бўлгон азизлар қоил руҳини бирор дуо била ёд ва бирор фотиҳа била шод қилғайлар...

\* \*  
\*

Шайхул-ислом мавлоно Нуриддин Абдураҳмон Жомий... Алар васфида хома тили лол ва тил хомаси шикаста мақол-дур. Йиллар тақрир қилса ва қарнлар таҳрир суръати бирла битилса, улча ҳаққи бор, васфларининг адо топмоғи мутаасирдур, таърифларининг баёнға келмоғи мутаазир.

Бу бебизоати қалилул-иститоатнинг яқини мунга содиқ ва таҳқиқи мунга мувофиқдурким, бу умматда аларнинг камоли суварий ва истикмоли маънавийлари жомеияти била бўлғай. Чун аср фузалосидин ва замон уламосидинким, аларнинг шогирдлиғиға муазаз ва мушарраф ва мумтоз ва сарафрон эрдилар — неча киши аларнинг сийрат ва камолоти шарҳида расоил ва кутуб битибдурлар ва тасолиф сабт этибдурлар — ародадур; билай деган киши ул жамъ ва таълифдин ўз фаҳми хурдида махсус бўлур ва баҳра ола олур.

Бу заиф дағи бу бобда «Хамсатул-мутаҳаййирин» рисо-ласини битибмен, анда фил-жумла густохлиқ юзидин алар зикри била қаламимни гавҳарнисор этибмен. Турк улусида иродат аҳли ва ихлос хайли ул паришон авроқдин ва пароканда ажзодин иликка олсалар ва кўз солсалар бирор нима била олурлар ва шуур ҳосил қила олурлар.

Зоҳир юзидин ўзларин қутбул-муҳаққиқин ва ғавсус-соликин мавлоно Саъдул-миллати вад-динил-Қошғарий... му-

риди кўрсатулар эрди, аммо ҳамоноки, Увайсий эрдилар. Хожа Баҳоуддин Нақшбанд... руҳониятидин тарбият топиб эрдилар. Замон машойихидин Хожа Муҳаммад Порсо... муборак назарлариға етиб эрдилар ва шайх Баҳоуддин Умар... суҳбатига мушарраф бўлуб эрдилар ва Хожа Абу-Наср Порсо ва Хожа Муҳаммад Амин Қаҳистоний ва мавлоно Саъдиддин Жожармий... ва соир замон машойихи била тутубтурлар. Ва ҳам бу тоифа ҳолот ва масоилидин барча баҳра топиб эрдилар ва ҳам баҳра еткуруб эрдилар. Сексан бир ёшқа еттилар ва саккиз юз тўқсон саккизда жумъа кечаси Ҳирот шаҳрида Хиёбон бошида ўз манзилларида тенгри раҳматига восил бўлдилар.

Аларнинг мухлисларидин бири мунаввар марқадлари устида олий иморат ясаб, баъзи муридлари ва шогирдларидин ул иморатда дақойиқ ва ҳақойиқ улумин ҳоло дарс айтиб, жамоати касир толиблардин алар руҳонияти баракатидин нафъи шомил ва файзи комил топадурлар.

Назм ва наср таълифларидин элликка яқин борким, замон аҳли андин баҳраманддурлар. Назмларидин уч девондур, аввалғи девон: «Фотиҳатуш-шабоб»ға машҳур, иккинчи «Воситатул-иқд»ға маъруфдур, ва учунчи «Хотиматул-ҳаёт»ға мавсумким, олам аҳли тилида ул назмлардин ўзга оз назм жорий бўлур. Ва маснавийдин «Ҳафт авранг»дур, етти дафтар тартиб топибдурки, «Тухфатул-аҳрор» ва «Силсилатул-заҳаб» ва «Юсуф ва Зулайхо» ки, «Ошиқ ва маъшук»қа мавсумдур, «Лайли ва Мажнун» ва «Хирадномаи Искандарий» ва «Субҳатул-аброр» ва «Саломон ва Абсол»дур. Ва насрларидин «Тафсир»дур ва «Шавоҳидун-нубувват» ва «Нафаҳотул-унс» ва «Шарҳи Фусус» ва «Ашиъатул-ламаот» ва «Лавоеҳ» ва «Лавомеъ» ва «Шарҳи рубоиёт»дур. Чун борчаси аларнинг «Куллиёт»ида мастур ва мазкурдур, теъдодиға ҳожат эмас. Ва аларнинг маоний ва никоти андин машҳурроқдурки, бирор нима сабт қилурға эҳтиёж бўлғай. Ул сабабдин ихтисор қилилди.

Ҳақ субҳонаҳу ва таоло алар руҳига ўз вусул назҳатгоҳида қиёматғача ором ва ниъмандларға алар асрор ва маонийсидин ком ва нишоти том насиб қилсун.

## «МУҲОКАМАТУЛ-ЛУҒАТАЙН»ДАН

Яна бу фақирнинг пири ва устози ва тариқат аҳлининг соҳиби иршоди, жамъ аҳлуллоҳнинг муқтадо ва шайхул-исломи ҳазрати Махдумий Нурул-миллати ва вад-дин мавлоно Абдураҳмон Жомий...нинг руҳпарвар латоифи ва руҳ густар заройификим, андин ҳар ғазал кал-ваҳйил-мунизал ва ҳар рисола кал-аҳодисин-набийи мурсал олий шон ва рафеъ макондурким, алардин ҳар лафз қийматда дурри саминдин обдорроқ, ва ҳирқатда лаъли оташиндин барқ кирдорроқ. Ва иккаласи мазкур бўлгон азиз каломи муъжиз низомидин анда чошни ва насиб ва ўз ишқ ва камолоти ва ниҳояти ҳолоти мунга изофаки, ҳозо шайъун ажиб! Барчасига кўп қатла ўтупмен, балки кўпин ёд тутупмен, ва қасоид ва ғазалиётларининг ғариб ва латофатин билибмен, балки ғариброқ ва латифроқларига татаббуъ дағи қилибмен. Қасоиддин Амир Хусравнинг «Дарёйи аброр» иким, машҳур мундоқдурки, дер эмиш бўлғайки, «Юз минг байтдин ортуғ девонларим ғазалиёти ва қасоид ва маснавийларим абёти агар олам саҳифасиндин ювилса ва даврон сафиҳасидин маҳв бўлса ва бу қасида қолсаки, анда маъни истийфоси вофийдур, бу фаи аҳлиға менинг фазойилим далилиға кофийдур». Матлаи машҳурдурким,

н а з м:

Кўси шаҳ холио бонги ғуғулаш дарди сар аст,  
Ҳар ки қонеъ шуд ба хушку тар шаҳи баҳру бар аст.

Бу шеърға ҳазрати Махдумий Нуран жавоб айтубдурлар ва отин «Лужжатул-асрор» битибдурлар. Ва матлаи будурким,

б а й т:

Кунгури айвони шаҳ к-аз кохи кайвон бартар аст,  
Рахнаҳо дон к-аш ба девори ҳисори дин дар аст

ки, агар ул дарёи абрордур, бу абри баҳордурки, мартабада андин баландроқ ва баҳрада андин фойдамандроқдурки, анинг устига соя солурга ёйила олур ва бошига дур афшонлиг доғи қила олур. Фақир иккаласи бузургвори рафеъ миқдорга ниёмандлиг ва гадолиг юзидин татаббуъ қилибмен ва отин «Тухфатул-афкор» дебмен. Ва матлаи будурким,

б а й т:

Оташин лаъле, ки тоҷи хусравонро зеввар аст,  
Ахгаре баҳри хаёли хом пухтан дар сар аст.

Ва қўп маъни ангез иборот ва таъмия оmez ишорот изофа қилибменки, бу фан аҳлининг моҳирлари мусаллам тутуптурлар. Ва ҳар кишига бу бобда тараддуд бўлса ҳазрати Махдумий Нураннинг «Баҳористон» отлиг китобинким, ани «Баҳористони ҳаёт ва нигористони нажот» деса бўлур, бу матлаъни битибдурлар ва истишход юзидин таърифин айтибдурларки, бу маншури давлат сипеҳр тоқиға осилса ери бор ва бу тугройи саодатни Муштарий бўйниға овиза қилса мужиби мубоҳот ва ифтихордур. Ул китобни олдик ва бу маҳалини тоғиб назар солдик ва билдикки, улча мен таърифида таҳрир қилибмен — тақсир қилибмен.

Яна Мир Хусравнинг «Миръотус-сафо» отлиг қасидасига-ким, халлоқул-маоний Хоқоний Шервоний татаббуи қилибдур ва матлаи будурким,

б а й т:

Дилам тифласту пири ишқ устози забондонаш,  
Саводулвачҳ сабақу, масканат кунчи дабистонаш.

Ва ҳазрати Махдумий Нуран анинг жавобиде «Жилоур-руҳ» отлиг қасидани дебдурлар ва матлаи будурким,

б а й т:

Муаллим кист, ишқу кунчи хомӯшӣ дабистонаш  
Сабақ нодонию доно дилам тифли сабақхонаш.

Ва фақир ҳам «Насимул-хулд» қасидасин иккаласи бузургворга татаббуъ қилибмен ва матлаи будурки,

б а й т:

Муаллим ишқу пири ақл дон тифли сабақхонаш,  
Пайи таъдиби тифл инак фалак шуд чархи гардонаш...

... Барчадин куллийрак санад буким, ҳазрати иршод паноҳий... Нуранки, ... форсий сўзда жамеъ алар сўзидин юқори-

роқ сўз йўқтур, кўпрак кутуб ва расоил ва ғазалиёт ва қасо-  
иддаки, маоний гавҳарларин назм силкига кийдурур эрдилар  
ва замир ниҳонхонасин анжуман тамошогоҳиға жилва  
берур эрдилар, анинг мусваддасин бурунроқ бу фақирға илти-  
фот ва эътиқод юзидин берур эрдиларким: «Бу авроқни ол  
ва боштин оёғиға назар сол, хотирингға ҳар не айтқудек сўз  
келса, айт», деб ва ҳар не ишорат бўлғониким, мазкур бўлди,  
зоҳир қилсам мақбул тушар эрди. Бу даъвоға далил буким,  
ўндин ортуқ кутуб ва расоилда ул ҳазрат бу фақирнинг отин  
мазкур қилибдурлар. Ва кўпи табъ ва идрок ва мунға муно-  
сиб нималарға нисбат бериб, мастур қилибдурлар...

---

## «МАҲБУБУЛ-ҚУЛУБ»ДАН

Яна бир жамоатдурларким, ҳақиқат асрорига мажоз тариқин махлут қилибдурлар ва каломларин бу услубда марбут этибдурлар. Андоқки, маоний аҳлининг нукта пардози Шайх Муслиҳиддин Саъдий Шерозий ва ишқ аҳли гуруҳининг покбози ва покрави Амир Хисрав Деҳлавий ва тасаввуф ва диққат мушкилотининг гириҳқушойи Шайх Заҳириддин Санои ва фариди аҳли яқин Шайх Авҳадиддин ва маъний адосига лофиз Хожа Шамсиддин Муҳаммадул-Ҳофиз.

Яна жамъэ ҳам бордурларки, мажоз тариқи адоси алар назмига голиб ва алар бу шевага кўпрак роғибдурлар. Андоқким, Камоли Исфиҳоний ва Хоқонийи Шервоний ва Хожуйи Қирмоний ва мавлоно Жалолиддин ва Хожа Камол ва Анварий ва Заҳир ва Абдулвосеъ ва Асир ва Салмони Соважий ва Носири Бухорий ва Котибийи Нишопурий ва Шоҳийи Сабзаворий.

Яна ҳақиқат ва мажоз тариқида комил ва илми икаласи тариқида вофий ва шомил, назм аҳлининг муқтадо ва имоми ҳазрати шайхул-ислом мавлоно Нурул-миллати вад-дин Абдураҳмонил-Жомий... дурким, аввалги табақа равиши ва каломида ҳам шариф мақол ва сўнгги табақанинг ҳам адоси латойифида соҳиб камолдурким, оламда завқу ҳол аҳли булар латойифи била масрурдурлар ва булар маорифи била ҳузур қилурлар...

Иккинчи қисм хавос ишқидурким, хавос ул ишққа мансубдурлар. Ул пок кўзни пок назар била пок юзга солмоқдур ва пок кўнгул ул пок юз ошубидин қўзғалмоқ ва бу пок мазҳар воситаси била ошиқи покбоз маҳбуби ҳақиқий жамолидин баҳра олмоқ, ишқ аҳлининг покбозлари ва шавқу ниёз аҳлининг назм тироз ва афсона пардозлари, мутақаддиминдин андоқким, назм бешасининг ғазанфари ва дарду ишқ оташкадасининг самандари ва завқу ҳол водисининг покрави: амир Хисрав Деҳлавийдурким, пок нафас ва гуфтори, пок алфоз ва маонийлиқ ашъори — ишқ аҳли орасида ғавфо ва важду ҳол анжумани фазосида алоло солибдур.

Яна сўзи поку кўзи пок ишқ аҳлида мужаррад ва мунфарида ва бебок бу тонфанинг беназиру адил ва тоқи Фахрулмиллати вад-дин Шайх Ироқийдурким, ишқ сифотиға муттасифдур ва ламаоти пок маоний ва тарокибиға мунсифдур.

Ва мутааххириндин икки оламини бир дов била ўйнагон муқаммир шевалар покбози ва ишқ дайри фаносида ҳақиқат бодасидин маст риндлар ҳамрози Шамсул-миллати вад-дин Хожа Ҳофиз Шерозийдур.

Дунё ва охиратни бир оқ ила ўртаган пок ошиқлар имоми ва мулк ва малакутда соирлар Шайхул-исломи ҳазрати муршидий ва махдумий Нурул-миллати вад-дин Абдураҳмон Жомий... дурким, агарчи алар васфи назмға нисбат берурдин юқорироқдур, аммо ҳар синф назмда беназир эрдилар ва нечаки таърифлари шеърда маҳоратдин ташқаридур, ва лекин ҳар услуб шеърда жаҳонгир эрдилар. Ва назмларида ҳар шеър била ишқ ўтин оламға урубтурлар. Шеърларида ҳар байт била дард аҳли жону кўнгул оламин куйдурубдурлар.

Яна ул ҳазрат жоми муҳаббатидин дурдкашлар ва иршоди сулукидин фонийвашларким, дарду ишқ таври адосида гуфторлари турк улусида ҳарорат омиз ва сорт хайлида офат ангиздур...

Сўзким дард чошнисидин ҳарорати бўлмағай ва назмким ишқ ҳароратидин ҳирқати бўлмағай, нурсиз шамъ бил ва сурурсиз жамъ гумон қил. Ҳосиликим, сўзга бу таронадур, ва мундин ўзга барча афсонадур, ва сўз ишқ сўзидур, ва кўнгулда ҳаёт нашъаси ишқ ўзидур.

Б а й т:

Сўзки маъносида ишқ ўти нишони бўлмағай,  
Бир таҳарруксиз бадан англаки, жони бўлмағай.

---

---

## «АРБАИН»ДАН

### Сабаби таълифи манзума

Ул сафо аҳли пок фар жоми,  
Пок фар жому пок фар Жомий.

Ул фано сори дастгир манга,  
Муршиду устоду пир манга-

Ки тутубдур жаҳонни таснифи,  
Назм девону наср таълифи.

Чунки ҳижратдин эл аросида сўз  
Сексан олти эди-ю секкиз юз-

Ким яна туҳфаи аён қилди,  
Туҳфаи турфаи баён қилди.

Наср ила назмни мураккаб этиб,  
Форсий лафз ила мураттаб этиб,

«Арбаин»е чиқордиким, жонлар,  
Балки қирқ арбаин чиқоргонлар.

Топтилар анда нашъаи мақсуд,  
«Арбаин»дин нечукки аҳли шухуд,

Форсийдонлар айлабон идрок,  
Ори эрди бу лафздин атрок.

Истадимки, бу халқ ҳам бори  
Бўлмағайлар бу нафъдин ори,

Мен демакни чу муддао айлаб,  
Ул ижозат бериб дуо айлаб.



Муддаоси бори савоб эрди,  
Ҳар дуо қилса мустажоб эрди.

Бир-ики кунки эҳтимом эттим,  
Кўз тутардин бурун тамом эттим.

Бор умидимки, шоҳи шаръи амин-  
Ким наби шаръиға берур тазйин,

Улки авроқ ароки солғай кўз,  
Айлағай кўнглиға асар бори сўз.

Насрдин дағи баҳравар бўлғай,  
Назимдин дағи бохабар бўлғай.

Бу кун ўлса ҳадисларга мутеъ,  
Тонгла бўлғай муҳаддис анга шафеъ.

---



## ИЗОҲ ВА ТАРЖИМАЛАР



### «ХАМСАТУЛ-МУТАҲАЙИРИН»

1. Ул умур — у ишлар.
2. Ул ҳазратнинг мусаннафоти — Жомийнинг асарлари.
3. «Хамсатул-мутаҳаййирин» тасмия қилмоқ — Ҳайратланганлар хамсаси (бешлиги) деб ном қўймоқ, бу ердаги «Хамса»дан мақсад — асарнинг беш бўлим (муқаддима, уч мақола ва хотима) дан иборат эканини билдиришдир.
4. Саккиз юз ўн етти — бу ҳижрий йил ҳисобини ҳозирда қўлланмоқда бўлган милодий йил ҳисобига айлантирилса 1414 бўлади.
5. Милодий йил ҳисобича 1487/88.
6. «Рашҳул-бол» — юрак томчилари.
7. «Ой ва йиллар кенг майдонида худди коптокдай тақдир чавғони (эгри таёғи) билан ҳолдан ҳолга кўчиб турувчи бўлган мен — пайғамбарнинг Маккадан Мадинага қилган ҳижратидан саккиз юз ўн етти йил ўтганда, иззат ва қадимийлик парвозгоҳининг энг юқори чўққисидан мана бу энг тубанликка келиб қанот-қуйруқни бўшаштирганман. Буқун эса ҳис ва хаёлнинг бу сиқинти ерида умр жловини саккиз юз тўқсон уч тарихига тортиб келтирдим».
8. 898 ҳижрий — милодий йил ҳисобича 1492. (Бу ҳисобда Жомий 78 йил яшаган бўлади).
9. Бани Шайбон — араб қабилаларидан бирининг номи.
10. Умар — Муҳаммад пайғамбарнинг иккинчи халифаси (ўринбосари).
11. Қазо ва фатво — қозилик ва муфтилик.
12. «Туғилган жойим Жом, қаламим томчиси шайхул-ислом (Аҳмади Жом) жоми (қадаҳи)нинг қултумидандир, бинобарин шеърлар дафтаридан икки жиҳатдан тахаллусим Жомий бўлди».
13. «Нафаҳотул-унс» — ёқимли хушбўйликлар. (Авлиёлар ҳақида Жомий ёзган тазкиранинг номи).
14. Шабоб аҳдининг авоили — йигитлик даврининг бошлари.

15. **Ясриб** — Мадина шаҳри.
16. Хиротга демак.
17. «**Ал-мажозу қантаратул-ҳақиқат**» — мажоз ҳақиқат кўпригидир.
18. **Иттифоқий умур ва ғаробатлиқ сўзлар** — тасодифий ишлар ва қизиқ сўзлар.
19. **Кутуб байъ ва шириси** — китоблар олди-соттиси.
20. **Шайба қасидаси** — қариллик ҳақида қасида.
21. «Бошим худди гуллаган дарахтдай оқарди, бу гуллашдан келган ҳосил ҳам мевасидир, холос».
22. **Зухра** — планета номи (хонанда, созандалар ҳомийси ҳисобланар экан).
23. «Қандай яхшики, кўнгил ич-ичидан ҳар замон-ҳар замон сенга майл қилади».
24. «Менинг ёмғир қатрасидай кўз ёшларим инжу бўлди, ҳақиқатан сенинг суҳайл юлдузидай чиқшинг шундай таъсир беради».
25. «Сўз инжу, шоҳ қулоғига тааллуқи бор».
26. «Қад» сўзи эски ёзувда икки ҳарф ҳисобланиб, «аб-жад» ҳисоби билан сонга айлантирилса 104 бўлади.
27. **Музаффар Ҳусайн мирзо** — султон Ҳусайн Бойқаронинг ўғилларидан бири.
28. «Шам ўчса ҳам осмон қуёши айланиб турсин, қатра тўкилса ҳам боқийлик суви барқарор бўлсин».
29. «Фарзанд умр дарахти шохидан бир мевадир, агар ундан мева тўкилса ҳам дарахт барқарор бўлсин».
30. **Оқ уй** — ўтов, чодир.
31. «Соғарий айтар эди: Маъни ўғрилари ҳар қаерда менинг шеъримда бир яхши маъни кўрсалар ҳаммасини олиб кетганлар».
- Кўпчилик шеърларида бирор маъни йўқлигини кўрдим.
- «Шеъримдаги маънилари ўғирлаганлар», деб рост айтган у».
32. «Фонийлик ғорида улар йўқолсалар, мен ҳам тўртинчилари — итлари бўлай».
33. «**Мир (Алишер): «Тўртинчилари — итлариман», деди-ю, уларнинг қалбларидан сўз файзини топиб олди».**
34. Бу ерда «Қалбуҳум» арабча таркиб булганидан «аз»ни ҳам арабча чиқиш келишик «мин» (дан) га айлантириб, грамматик таҳлил қилинган, бу ҳолда «аз қалбиҳим» шаклига ўтиб, қофия бузилади, дейилган.
35. **Таворуд** — бир-бирини билмаган ҳолда икки кишининг фикр ёки сўзининг бир хилда бўлиб қолиши.

36. «Эй хожа, мени ўз лутфинг билан парвариш қилдинг,  
Орқа дунба келтириш билан семиртирдинг,  
Утириб олиб, дунбани ўзинг мириқиб единг,  
Орқалаб келтирганингни қорнингда олиб  
кетдинг».

37. «Хожа бизнинг дастурхонимиз учун сўйган бир-икки кўйининг орқа-пушт (эт) ини келтирди, лекин унинг улуг сажийлик кўлидан бармоғим ҳам буланмади. Ушандан ўзи тўғрисида шундай тасаввури борки, насабда икки пушт билан Ҳотамга етади».

38. «Хожа Деҳдор, Мир ҳадия қилиб юборган тилла-тангадан ҳар нима келтирса, оёқ ҳақисини ола туриб, санамай беш юзу минг, дейди. Ҳисоб кунида шарманда бўлиш фикрини ҳеч эсига келтирмайди».

39. «Деҳдорга айтдимки, менга ҳурмат қилиб юборилган ҳамиёндан ҳисса ол. Ўз ҳиссаси тўғрисида инсоф юзасидан сўз очиб: «Йўлда олганим етар», деди».

40. **Турдик** — бундаги «дик» — «син» ўрнида келиб, буйруқни билдиради: *турсин*.

41. «Бир хушхат (котиб) сўзларимни ҳусни хат билан гўзаллар юзидай безади. Лекин унинг ҳар ерида қалам хатоси билан гоҳо бир нарса орттирди, гоҳо камайтирди. Гарчи кўнгил тилагандек ҳолга келмаса ҳам, мен ўз хатим билан уни тузатдим. Сўзларим устида ҳар нима иш қилган бўлса, унинг хатига мен камчилик етказдим».

42. «Сизнинг ҳаётингиз бақоси бўлсин» маъносида бўлган бу жумладаги ҳарфларни «абжод» ҳисоби билан сонга айлантирилса, 880 ҳ. (1475 *мил*) йил чиқади.

43. «Латофат бўстониинг гули Сафий фонийлик бөгидан жаннат томон кетганда бир улуг киши (кўнгил) сўров йўли билан: «Сизнинг ҳаётингиз бақоси бўлсин», деб тарих айтди».

44. **Муттаҳам** — туҳматланган.

45. «Агар кўнгил билан қўл дарё ва кон бўлса, подшоҳнинг кўнгли ва қўли бўлур».

46. «Ҳар кимнинг оғзида тили бўлса, жаҳон шоҳи мадҳида булсин».

47. **Руқъалар** — ёзишмалар, хатлар, мактублар.

48. «Эшигинг тупроғидан бошим узоқлашгандан бери ҳар куни бирор хат орқали бош оғриғи қиламан. Сен томондан хат келганда, хат ичидан беҳабар, сенинг тўғрингда ҳе ҳабар бўларкин, деб беҳуд бўламан».

49. «Сафарга жўнашинг тўғри келган пайдан буён хотирдан ўтганинда у ёқ-бу ёқни искаб қўяман. Сен томонга қуш

учса ёки шамол эсса, бирор хат билан бош оғриғи қилмоқ истаيمان».

50. «Қаламни олдим ва ўйлаб қарадим: бугунларда кетма-кет юборилган хатлар учун узр айтишдан бошқа бирор маъни кўнгилдан ўтмади ва хотирга ўзга сурат етишмади. Агарчи бу ҳам бош оғриғи дағдағасидан холи ва азиз вақтларини бекорга кетказишдан ташқари эмас.

Агар сенинг олдингда нолиш қилсам у ҳам дардисар бўлур, агар узрини сўрасам у ҳам бошқа бир дардисар бўлур».

51. «Кўнгилдан чиққан у мақтовлар  
Ҳама руҳонийларга жон бағишлайди.  
Бу фируза ранг макондаги у тоза ис,  
Показаликка мансублар димоғини хушбўй  
қилади».

52. «Шоҳ ҳазратининг сояи давлатида  
Эртаю кеч шундан бошқа ишинг бўлмасин:  
Ўз манфаатинг хатини кўнгилдан тарошлаб,  
Ҳақ учун халқ таянчи бўлгил».

53. «Юборган саломинг жон қушидай сайрайди,  
Худди Исодай жон бағишловчилик қилади,  
Ҳамма сўзлари айни келишганликдан  
Аҳмади мурсал нутқидай ёқимлидир».

54. «Умидим шуки, Махдум иршоди билан  
Мактуб юзасида ҳар бир нарса ёзилса,  
Буйруғидан худди қаламдай бош тортмай,  
Юзага келиш муваффақиятидан баҳра олай».

55. **Мавлавий** — Жалолиддин Румий (1207—1273).

56. **Тазмин** — бировнинг шеъридан ўз шеъри ичига байт, мисраъ ёки ибора кўчирма қилиб киритиш.

57. «Устодлар шоҳи Ҳасандан жудолик шарҳини  
Қандай ҳикоя қилишни найдан эшит.  
Унинг бўғим-бўғими бир-биридан ажралган,  
Жудоликдан шикоят қилади».

58. «Қалам найи дилим таржимони бўлди,  
Қандай ҳикоя қилишни найдан эшит.  
Ўткир тил ва ёшли кўз билан  
Жудоликлардан шикоят қилади».

59. Айрилиқ кунлари чўзилишининг ҳикояси ва муштоқлик тунлари узайишининг шикояти шундай зиёдаки, оғзи боғлиқ давог кўмакчилиги ва тили синиқ қалам дастёрлиги билан бу хат доирасида уни арз қилишга қудрат етармикин ва



бу саҳифа устида ўрмалашдан у ёзиладиган нарсани ёйса бўлармикин? Ноилож у бобга чек қўйиб, илтимос қилинади:

Узгалар ташвиши бўлмаган соатда,  
Ёр бўлган қутлуғ мажлисда  
Ҳар қанча таъзим билан ер ўпиб,  
Дуоғўйларнинг ер ўпиш (ҳурмат)ларини

етказгайсан.

Битмас давлат, туганмас саодат юзлансин...»

60. «Қаламинг найи маъни шакарини

Найшакардай ичидан чиқарган,  
Унинг хатини мушкин рангли чизиққа  
айлантирган,  
Хат тагида зебо қизлар мазмунини дарж этган,  
Балки, унинг нуқтасидан ҳар бир дона  
Маъни тожи учун қимматли бир инжу бўлган».

«Илтифот юзасидан юборган мактублари, балки Уммонга ўхшаш табълари дарёсидан чиқарган гавҳарлари етишди. Ҳар ҳолда бош усти тожига тикилди ва кўз ҳамда кўнгил уйини у билан ёритилди.

Иршод қуёши ер юзи толибларига ва осмон ичидаги қобиллар бошига тоблансин, вассалом».

61. «Қаламинг найи маъни ёш боласини  
Хусн наботи билан парвариш қилган.  
Тонг бошини тун кокили билан  
Навқиронлар чеҳрасининг рашкини

келтирадиган қилган.

Сўзнинг қисқаси, менинг узун тунимни  
Парча-парча қилиб кундузга айлантирган».

62. «Маънилари билан тўлган шарофатли саҳифа, нозик нуқталар билан кўмилган гўзал иборалар ҳузурларга яқин бўлган узоқларни ва узоқдаги яқинларни шарафлантирди. Ҳар сатрининг шаклидан баҳра юз берди ва ҳар ҳарфининг аксидан шодлик тобланди. Шиква шиддатидан шукр ва мақтов гунчалари етилтирди ва гина тиканидан яхшилаш ва дуо гуллари очилтирди.

«Агар сенинг лутфинг тиканзорларга етишса,  
Тиканзорлар баҳористонга айланади».

63. «Гина ва шикоят ҳикояси шунинг учун юз бердики, ўзлари каминанинг мактубидан шундай нарса борлигини тасвирлаганлар ва ёзув ичига киритганлар, ҳолбуки:

Сендан шундай муомала бўла олмаски,  
Бирор кимсага ундан гина етсин.

Сендан гинадан бошқа ҳеч қанчалик гина йўқ,  
Чунки лутфинг уни тубидан узди».

64. «Яхшилар дарёси».

65. «Сирлар теранлиги».

66. «Фикрлар тўҳфаси».

67. «Подшоҳ ногорасининг ичи бўшу, ғулғуласининг ҳай-қириги бош оғриғидир, кимики, ҳўл-қуруққа қаноатланса, денгиз ва ер юзининг шоҳидир».

68. «Подшоҳ қасри кунгираси Зуҳал мақомидан ҳам юк-сак бўлса-да, билгилки, ундан дин қалъасининг деворига рахналар бордир».

69. «Подшоҳлар тожини безовчи ўтли лаъл  
Бошларида хом хаёллар пиширувчи лаққа  
чўғдир.

Жума куни, ражаб оёи унинг тарихи эди,  
Қизикроғи шуки, унинг тамомланиши шу кун  
ва ойда юз берди».

(Арабча ёзувдаги «явми жомеъ шаҳри ражаб» тугалланиш йилини билдиради, бундаги ҳарфларни рақамга айлантирилса, 880 ҳижрий йил чиқади).

70. «Жумал қондаси» — «абжад» ҳисоби билан ҳарфларни сонга айлантириб ҳисоблаш қондаси.

71. «Дуо айтиш вазифалари адосидан сўнгра маълум бўлсинки, янгидан чопар келди ва янги қасидани етказди,

У қасидадан бир неча жойини ўқиб,  
Хослар дилини унга боғланган кўрдим.  
Шу аснода ҳушёрлик кўзи очилиб,  
Ҳамма дилларни овланган кўрдим.

Ҳарчанд бошдан то охиригача ҳар байт ва ҳар мисраъда ҳар бир ҳарфига хотир фахрланиш нақдиналари суръати билан синчиклаб қараган бўлса ҳам, лекин ҳеч бир нуқсон қоралиги, сўз ҳуснига ва мақола лутфига «кўз тегиш»ни дафъ этишга уринишдан бошқа ва ҳеч бир сохта нарсадан бу нуқсонлига камол мақтовлибосини кийган ҳолда ўйлов назарига ташланмади, тўғри:

Пардозчи гўзаллар чеҳрасини безаганда,  
Зарарни йўқ қилиш учун нилдан чизиқ тортади.

Унинг мазмунидан шундай маълум бўлдики, уларнинг хизматларини иқбол иродаси мақсад қибласига ва ёқимсиз кўринишлардан юз ўгиришга ундовчи бўлган. Аммо агар, масалан, юзадаги ишларни ўзгартиш ва зарур эмас нарсалар

билан шуғулланишни тарк этишга кўп уринилмаса, чунки бу азизлар мизожига уйғун эмас ва узоқ эмас ва ҳеч жой йўқки, мақсад зоҳир эмас ва зоҳир бўлиш жамолини зоҳир бўлиш камоли бекитувчи эмас».

72. «Такаллуф тожини тарк қилган бош дўпписини ва жаҳондан кўл ювган кўлнинг ҳўлини ўзига олувчи парча бўзни юборилди».

73. «Фақирлар эғнидаги кўп ямоқли тўн  
Маъни олами юксаклигининг осмони ва юлдузидир».

74. «Эҳ, лочин табъинг шавқидан  
Муқаддас қушлар тустовуқ бўлади,  
Киши орқали бир яхши матлаъ юборгансан,  
Сўз усталари орасида бунинг мисли борлиги  
айтилмайди».

75. «Қачонгача елдай ҳар томондан жилва қилай,  
Хоҳлайманки, ўз сарвим томон елиб югурай.  
Фарёд қилиб, бошимга тупроқ сочиб,  
Айтаманки, қутқар бу дарбадарликдан».

76. «Жен кўзи билан агар жононга боқсанг,  
Жаҳон бевошлигидан қачон ғусса чекардинг?  
Бу бевошлик ҳеч қачон охирига етмайди,  
Бевошлик орқали йиғноқ бўл, токи баҳра олгайсан».

77. «Дажла дарёси қирғоғида ёрдан узоқ, диёрдан жудоликда — шафақ ранг кўз ёшидан кўксимда қон дажласи бор».

78. «Айрилиқ шоми (туни) қуёшдай ғарб томонга  
яширинди,  
Ё раб, етишув тонгини шарқ томондан чиқор».

79. «Бу мактуб, мактуб эмас, дардимни дафъ этувчидир,  
Оғриқ билан тўла кўнглим оромидир,  
Иссиқ дилим ва совуқ дамим тинчлигидир,  
Яъни жаҳон кезувчи моҳимдан хабарчидир».

80. «Бу мактуб, мактуб эмас, ҳар бир шодликнинг  
негизидир,  
Хурсандлик ва айш ҳосил қилишнинг яхши  
сабабидир,  
Қисқа ва тўлиқ маъноли эканлиги билан  
Гўёки «Жавомиул-калим»нинг қисқарганидир».

81. «Эй зангори фалак, инсоф билан айт,  
Бу иккисидан қай бири яхшироқ юриш қилди?»

- Тонг отишдан чиққан жаҳонни ёритувчи қуёшингми,  
 Ёки Шом томондан кўринган жаҳонгашта ойимми?»
82. «Сенинг қаламингга қараб хат айтди: ўз юришингда  
 Шомдан Румга юзлаб яхши совғалар келтирдинг.  
 Агар ўртада сенинг оёғинг бўлмаса,  
 Айрилиқда қолганларга дўстнинг саломи  
 етишмасди».
83. «Бир назар ташла, тенгқурлардан фарқли бўлай,  
 Нажмиддинга манзур бўлган ит, ҳама итларга  
 бошчи бўлди».
84. «Эй шамол, дилим яна ёр томон йўналди,  
 Жонни ҳам олиб бориб, оёғига улоқтир,  
 У пайтда оёғи ости тупроғидан бир оз олиб,  
 Жоним эвази учун мен берилганга келтир».
85. «Эй шамол, сен ёр манзилидан келдинг,  
 Келишингдан кўнглимга сабру қарор етди.  
 Бу қадар билан жонга қарор келмади, зинҳор,  
 Энди сен уни олиб бориб, ўзинг билганга топшир».
86. «Саломнинг «с» ҳарфидан ўтқир тиш қилиб,  
 Жон танобидан тугунлар очган,  
 Салом «л» сининг сочга ўхшаш каманди билан  
 Аҳли диллар дили тузоққа илинган.  
 Олий жаннатдан ҳам яхшироқ салом,  
 Ундаги «алиф» Тубо дарахтидай барваста,  
 У «алиф» остидаги «мим» чашмасидан  
 «Тубо» остида гўзал булоқ аён бўлган.

Шарафли суҳбат тухфаси ва олий мажлис ҳадяси қилиб  
 арз этиладики, мавлави хизмати учун узанги ўпиш шавқи  
 жилов ушлатганидан, ўзимни унинг тасмасига боғлаш лозим  
 кўринди, бинобарин янгидан таҳрирдан ўтган рисолага ҳам-  
 роҳ бўлган бу мактубни ҳузурларига юборилди, агар масла-  
 ҳат кўрсалар подшоҳга етказсалар, бўлмаса:

Ҳар нимаки пок дилингга мақбул бўлмаса,  
 Варақлар бетидан ювиб ташламоқ керак.

Келажак саодатига элтувчи тез келган давлат мукаммал  
 равишда муяссар ва ҳосил бўлсин».

(Кейинги шеърларда араб алифбесидagi ҳарф шакллари  
 орқали сўз ўйини қилинмоқда; масалан: س (с) ҳарфи дан-  
 данасини тишга, ل (л) шаклини қайрилган сочга ўхшати-  
 лади ва ҳоказо...).

87. «Ҳаддан зиёд саждада қилган «ниёз»  
(зорланиш) сабабли  
Пешанаси «нун» нуқтасидан доғ бўлган,  
Уша пайтда кўз шавқи туфайли «ё» дан  
Ёзув юзасида дил оҳини изҳор қилган.  
Агар «алиф» орқали вафода ягона бўлса,  
Чаман сарвидай оёғи ўз жойида бўлур.  
«Зо»дан ғам туини ёритса,  
Тепасидаги ойи юлдуз аён қилур».

Юқорида ёзилгандек ниёз арзидан, қалам тилидан ўтган ихлос баёнидан сўнг, муқаддас ошён бандалари ҳузурига арз шуки, шундай эшитилдики, ўн-ўн беш кун хасталик юз бериб, маъни осмонининг тўлиқ ойи заифликка юз қўйган экан, мухлисларга бу хабардан осмон сингари саргардонлик ва зарра каби паришонлик ҳосил бўлди.

Худога шукурки, икки ҳафтадан сўнг у юксак юришли зот соғлик ва жамол буржига юз қўйган, қувват ва камол авжига майл этиб, шукрона саждаларини ерига етказган. Фалончини бу ҳолни аниқлаш ва бу сўзни тасдиқлаш учун юборилди. Илтимос шуки, тезда (у кишини) қайтариб юборсинлар ва бу фақирларни у хабарнинг яхшилигидан батамом хушҳолликка етказсинлар. Нукталар билан тўлиб-тошган рисола кайфиятидан ва қутлуғ мажлисдан ўтганлиги тўғрисида тезда олий мажлисга арз қилинур.

Раҳбарлик соялари қул ва эркинлар бошида абадий ва доимий бўлсин».

88. «Айтдим: кемам ҳар томон ҳайдалади,  
Саргашталиқ келтирувчи ва йиғлатувчидир,  
Йуқ-йўқ, билади ҳар нарсани, у билармондир,  
У ҳам эса айлантирувчи қўлнинг асиридир».
89. «Бизнинг ёзмишимизга қалам  
Юритувчи тангри биз билан сенга  
Қадимий сирларни билдирувчидир.  
Унга бизнинг дилимиз шундай бир  
Парга ўхшашдирки,  
Шамол уни орқа, ўнгига айлантира беради».
90. «Қаламинг овози билан узоқдагилар чақирилган,  
Айрилиқда қолганларга етишиш нидоси  
берилган.  
Қасалларга шифо топиш қонуни ёзилган,  
У билан куйганларнинг ўти сўндирилган.

У покиза манзилдан садоқатли мухлисларга шарафли

мактуб етишиб, ҳар бири беқарорлик тезлиги, фироқ ва изтироб аччиғлиги ва муштоқлик ҳароратининг шиддатидан оғриган кўздан ва доғли юракдан улфат ватангоҳида ва яқинлик манзил жойида тинчиди.

У дасту панжа роҳатга ёндошсин,  
Чунки у бу иззат-обрў учун ранж тортди».

91. «Яқинлар дидоринг давлатидан узоқ бўлди,  
Оғриган жисм билан жон эса ўзларидан  
кечганлар.  
Ғойиблигингдан бунинг ҳар иккисига футур  
етади,  
Васлингга етишиш билан мен шод бўлайин».

Ўборилган мактубнинг назми паришон жон билан дилни интизом ипига тортди ва насри ёш тўқувчи кўз гавҳар ва дуррини қаҳрабо ранг юзга сочди. Бу пайтларда узоқнинг узоғидаги мухлисларга айрилиқнинг етишиш давлати эришди. Қайғули жон билан дил изтиробини тинчитиб учун кўкракка қўйдим ва жонсўз йиғиларга ором бериш учун гирён кўз устидан жой бердим. Умидворлик шуки, айрилиқ куйганларини гоҳо шу хилда эслаб турсалар ва иштиёқ ўтида ёнганлар дилини мактуб билан овутиб шод қилсалар».

92. «Бошланиши шавқ ва севги билан тўлган ва ниҳояти қиёматгача чўзиладиган ҳамда худонинг мақбуллашига кўз тикилган дуо зорланиш йўли билан журъат ва хушнудликда йўлланади. Майл ва берилиш мулоқот шарафига эришишга шундан зиёдаки, қалам ва давог ишини эртаю кеч ишга солинса ўшандан озгинасини адо қилинган бўлур; ноилож қасд ва ният қиловини у орзудан қайтариб, бу икки байтга йўналтирилади:

қ и т ъ а :

Зийрак у кишики, дунё харобасида  
Сирлар хазинаси эшигини қоқади.  
Қисқа мартабани оёқ остига ташлаб,  
Қўлни узайган давлатга уради.

Кетмас умид боғи мевадор ва абадий саодат дарахтининг шохи унга пайванд бўлсин, вассалом».

93. «Биринчи ҳарфидан ниёз (зорланиш) юзини зоҳир қилган ва иккинчисидан шавқ ўти шўъласини дилдан чиқарган ва бошқа томонидан дил ғамини кўрсатган ва саҳифаси

Ўровининг чирмашувидан ўшандайин англанган нома (мактуб)ни арзга етказиб, маълум қилинадики, бу пайтда шарофатли мактуб келди;

маснавий:

Улиб кўзимга қўйдим,  
Бош устига ўрнатдим,  
Ҳам кўзим нурининг боиси бўлди,  
Ҳам бошим осмондан ошди.

Хат келтирувчи оғзаки сўзлар билан эркалаб, «Муҳаббатнома» китоби ва сандал шаробини элтиш билан севиштирди. Ҳар иккисини қўлига берилди ва уни шарофатли хизматга юборилди. Умид шуки, фироқ меҳнатининг кўринишини унинг мутолаасидан тасаввур қилсинлар ва иштиёқ дардуранжини висол шарбати билан даво этсинлар. Юксак соялари муридлар бошидан йўқолмасин, вассалом».

94. «Дашт томондан булут кўринди-ю, кетди,  
Ташна лаблардан узоқдан ўтди-ю, кетди.  
Биз жигар сўхталар умиди кесилиб,  
Нам тўкмай йўлдан қайтди-ю, кетди.

Ҳар ҳолда ноумидлар умиди ҳосил бўлмади ва номуродлар муроди охирига етмади.

Умид шуки, у остона ходимларининг у кишига тааллуқли бўлган ҳамма диний ва дунёвий маслаҳатлари ва у давлатхона хизматчиларининг у кишига боғлиқ бўлган моддий ва маънавий саодатлари энг яхши ва энг мукаммал йўл билан муяссар бўлсин, вассалом».

95. «Кўнгил васлинг давлати туғини кўтарганда,  
Жон ҳам шу йўналишга ўз ҳаёлини йўллади.  
Ҳар қайсиси шу муродга яқин етганда,  
Фалак номуродларни муродга етказмади.

Арзимиз шуки, толеъ юлдузи агарчи иқбол матлаидан порласа ҳам, аммо нима фойдаки, ҳасадчи фалак гардишидан шараф буржига етмай қайтиб кетди.

Йўлга чиқиб, хизматгорлик давлати белбоғини боғлаган ва хизматда ҳозир бўлган давлатмандлар қаторига кирмокчи бўлган ёронлар маҳрумлик кўзини оёқ қафтларига суркаб, ўрду томонига қайтдилар...

Агарчи қуёш узоқ кунларимда порлаб турса ҳам,  
Фалак Исо нафаслига мени эриштирмади.

Агар равшан хотирни шунга келтирсалар ва олий ҳимма-

тини шунга ташласаларки, қутлуғ қўшун байроғи шаҳар томон майл қилса ва кундан-кунга ортувчи давлат аркони бир-галикда юриш қилсалар, шоядки, азизлар туфайли бу кўз ёши тўкувчи камтарин ҳам ўша саодат ва иқболга, яъни етишув давлати шарафига мушарраф ва баҳраманд бўла олсам, вассалом».

96. «881 йилда дарвишлар дўсти ва уларнинг мухлиси, ҳамма машғулотдан тўқ, фақирлик йўлига ботир амир Низомиддин Алишер (бу киши ўз ҳоҳиши ва ихтиёри билан даража ва эътиборнинг аъло мартабасидан бет қайтариб, таслим ва ризо қадами билан фақирлик ва фонийлик йўлини қабул қилган) бу фақирдан, кўнгилдан ўтган ва хотирда қарор топган шаклдагидай илтимос қилди, бу билан қадимги орзу янгиланди ва илгариги майл куч олди ва таъкид даражасига етди. Бинобарин чин ҳиммат ва холисона ният билан ўша истакни ўташга ва топшириқни бажаришга киришилди.

Яхши ахлоқ ва шафқат маросимлари илғори бўлган муталаачилардан умид шуки, «Муқаддас томонлардан эсан ёқимли хушбўйликлар» номланган бу тўплам ва асарнинг мутасадди ва боисини хотирнинг бир чеккасидан унутмасинлар ва хайрли дуо билан ёд қилсинлар».

97. **Ҳазрати рисолат** — пайғамбар.

98. «Соҳиб давлатки, замонимиз унинг вужуди билан шарафлидир, ҳарчанд унинг қадрининг пояси даража ва ҳашамат мартабаларига, ҳашаматли подшоҳга яқинликка назаран, фазл ва адаб бобидаги ҳамда табиий ва ҳосил қилинган фазилатлар бобидаги маънавий мадҳияларга қиёсан шундай баланддирки, уни шеър билан таърифланса-ю назм санъати билан тавсиф қилинса. Аммо шариф хотири тавозуъ фазилатини ўзига олиш ва шикаста нафслик воситасила шунга бориб етгандирки, ўзини бу тоифа қаторига ўтказган, бошқаларда уни улар табақасида тутиш ва улар тўдасидан ҳисоблаш жиҳатидан чекиниш пардаси юқори кўтарилгандир, аммо инсоф шуки, ҳар қаерда бу тоифа бўлсалар — у бошдир, ҳар қачон бу табақа ёзилса — у дафтарнинг тепасидадир...

Унинг гавҳар номи шундан улуғроқдирки, назмнинг ҳар тури унинг садафи бўла олур ва шеърнинг ҳар мақоми ундан шараф топа олур. Шеърдаги тахаллуси бу «муаммо»дан мафҳум бўлур, (буни) қайд қилинди.

Навобий номига «муаммо»:

Номининг моҳиятини тахаллусларда ҳеч ким

тополмайди,

Топувчилар лабига ундан бир наво билгил, холос.



Агарчи унга табиат қуввати ва қобилият кенглиги жиҳатидан ҳар икки хил шеър: туркий ва форсий муяссар бўлса ҳам, аммо таъбининг майли туркийга форсийдан кўра ортиқроқдир ва унинг ғазаллари у тилда ўн мингдан зиёда бўлиши керак. Низомий «Хамса»си муқобаласида айтган маснавий (иккилик)лари ўттиз мингга яқин, айтгандек у тилда ундан илгари ҳеч ким шеър айтмаган ва назм гавҳарини тешмагандир. Форсий шеърлари жумласидан шу қасидадирки, Хусрав Деҳлавийнинг «Даръёи аброр» номли қасидасига жавоб тарзида воқеъ бўлган ва нозик маънилар ва латиф хаёлларнинг кўпини ўз ичига олгандир. Бошланмаси будир:

Подшоҳлар тожини безовчи ўтли лаъл

Бошларида хом хаёллар пиширувчи лаққа чўғдир.

Баъзи бир Ҳижоз сафаридан қайтганларни (Жомийнинг ўзини — П. Ш.) табриклар, бу рубоийни мактубда ёзган эди:

Эй зангори фалак, инсоф билан айт,

Бу иккисидан қай бири яхшироқ юриш қилди?

Тонг отишдан чиққан жаҳонни ёритувчи қуёшингми,

Ёки Шом томондан кўринган жаҳонгашта моҳимми?

Бу бошқа рубоий бошқа бир мактубда:

Бу мактуб, мактуб эмас, дардимни дафъ этувчидир,

Оғриқ билан тўла кўнглим оромидир,

Иссиқ дилим ва совуқ дамим тинчлигидир,

Яъни жаҳон кезувчи ойимдан хабарчидир.

Бу бошқа рубоий янгидан бошқа бир мактубда:

Агар бутхонада бўлсам сенинг гап-сўзингда бўлай,

Агар Маккада бўлсам сени қидирувда бўлай,

Ҳозирлигингда рўпарангда бўлай,

Ғойиблигингда кўнгил билан сен томонда бўлай».

99. Бу асар «Муҳокаматул-луғатайн» билан бирга Навоий «Танланган асарлар»ининг III томи сифатида 1948 йилда Ўздавнашр томонидан нашр этилди.

100. **Муаммо** — бирор байт ёки мисрада бирор номни бекитиш усули, бунда бекитилган номни, махсус қоидага асосан, рамз, имо, ишорат, тескари айлантириш, ўхшатиш ёки «абжад» ҳисоби ва бошқа йўллар билан топиб олишга тўғри келади. Бу санъат Жомий ва Навоий даврларида жуда авж олган. Бу ҳақда Жомий учта рисола ва Навоий ҳам битта рисола ёзган.

101. **Интиқод, таркиб, таҳлил** — муаммо қоидаси терминлари.

102. «Ё раб, бу гўзал ҳурлар рашкини келтирувчини,  
ва бу жаннат боғининг гўзалини  
Ҳар бир ҳушёрнинг кўнгил ва кўзига  
Манзур бўлиш муваффақиятига эриштир.  
Хусусан у фақирлик йўлидаги ботирга ҳам  
Ботирлигидан унга икки шер ном бўлган,  
Ундан бири дин йўлида худонинг шеридир,  
бошқа бирининг панжаси ҳар бир ов учун очиқдир».

103. Камина камтариннинг туҳфаси.

104. «**Хамсатайн**» — икки «Хамса», Низомий ва Хисрав-  
ники.

105. «Шоҳгау аркони давлатга муборакдир:  
У арслон ҳайбатли ва шер савлатлилар.  
Айниқса у мард йигит қадимдан  
Насаби ҳам исмидай шер устига шердир.  
Мардлик жангалининг ботири бўлганидан  
Жаҳон мардлари ичида номи икки шердир:

Бириси даврон қалъаларини қўпарувчи  
Бириси қулонларга панжа урувчидир.  
Муаммо йўли билан ундан ном чиқардимки,  
Умумнинг хаёли ундан узоқдадир.  
Шундай бўлмаганда фаҳму идрок у тўғрида нима  
қила олади,  
Чунки бу пок гавҳарни юзларча қутичага яширган-  
дир.

Табъи шеърда қилни қирққа ажратади,  
У қилдан қаламининг учи шеър тўқийди.  
Бу мушкин шаър (соч)дан кўнгилга тузоқ қўяди,  
У ширин шеърдан кўнгил тилагини беради.  
Ошиқлар дили у бирдан бандда қолган,  
Гўзаллар лаби бу бирдан ширин кулган.  
Инсонларга нур иниши охирга етгандай,  
Бу равшан нафаслар унинг зикри билан тугалланди.  
Тўғри, одамийлик корхонасида  
Ундан бошқалар маҳрамлик йўлини кам топди.  
Ҳамиша (ўнга) даври-олам ҳадияси бўлиб тургунча,  
Очкўзлар табъи шоду хуррам бўлаверади.  
Кўнгил олам худосига шунчалик сифинсинки,  
Олам ҳадиясини хотирига келтирмасин.  
Сўзни дуо билан тугалладинг,  
Тилни афв сўрашга чоғлагин, эй Жомий».

106. **Тавилуз-зайл** — кети узун.

107. «Баъзи бир ой ва йил доирасидан ташга чиққанлар зикрида ва баъзи хол нуқтасининг марказнишинлари дуосида».

108. «Соқий, у узоқ йиллар турган майни бер,  
У эритилган ёқуту суюқ лаълни бер.  
У майки, дўстлар ичсиңлару,  
Бир-бирлари билан меҳр-вафога киришсинлар.  
Ўрққанларга ором бўлсин,  
Кесилганларга пайванд бўлсин.  
Дўст агар дўстга пайвандлик қилса,  
Умид-орзу дарахти унумдор бўлгай.  
Умид хазинасининг калити дўстдир,  
Абадий айшнинг хушхабарчиси дўстдир.  
Мавжудлик мақсади дўстдан бошқа кимдир,  
Бу савдо ва фойда дўстдан бошқа нима учундир.  
Мавжудликнинг бошланишидан хотимасигача  
Бирор қуш ёрдай парвоз қилолмайди.  
Хусусан ошналик боғида  
Вафо шоҳида Навоий туради.  
Яъни Навоий лутф қилса,  
Шикасталар дилини эркалайди.  
Бундай иш ўрнида бошқа иш йўқдир,  
Жаҳон дўстларининг барчаси бу дўстга фидодир».

109. «Кел Жомий, умр бўйи машаққат тортиб,  
Кўнглингдан бу «беш хазина»ни дунёга чиқординг.  
Сенинг бу «беш»инг шундай кучли панжа бўлдики,  
Ундан дарё қафлар қўли буралиб кетди.  
Икки бошли қалам ажиб аждаҳодирки,  
Гавҳар хазиналарини тўкиб ташлайди.  
Аждар хазина эшигидан жой олади,  
Лекин хазина тугадиган аждаҳо оз топилади.  
У аждаҳо сенинг муштингда хазина бўлди,  
Унга илон бармоғинг чирмашиб олди.  
Бу хазина билан илон гавҳар сочар бўлганидан,  
Дунё этаги гавҳарга тўлиб кетди.  
Бироқ кўраманки, ҳар хазина ўлчовчи қаламидан  
Бу ўтар дунё «Беш хазина» билан тўлгандир.  
У «беш»ларга сенинг «беш»инг қачон тенглашарди?  
Уларнинг бир хазинаси сенинг юз хазинангдан  
яхшидир.  
Хусусан у панжаки, Ганжадан сарпанжа урган  
Шерга қарши ўз сарпанжасини урди.  
Туркий тилда ажойиб бир нақш келдики,

Жоду дамлар лабига муҳр босиб қўйди.  
 Бу қаламга фалакдан офаринлар бўлсин,  
 Чунки бу ёқимли нақш ўша қаламдан туғилди.  
 Бу қалам форсий тил эгаларига, форсича  
 Назм дурларини тизувчиларга раҳм қилди.  
 У ҳам агарда форсий тилда ёзганда, (бошқаларга)  
 Сўз айтишга мажол қолмасди.  
 У мўъжизали назмлар мезонида  
 Низомий киму Хисрав қанақа бўларди?  
 У бошқа бир тилда сўз юритганидан,  
 Ақлнинг орадаги фарқни ажратишига йўл қолмади.  
 Эҳ, сенинг табъинг сўз устодидир.  
 Қаламинг очқичидан сўзга кушойиш бўлур.  
 Равнақи кетиб қолган ва хорлик  
 Бурчагидан ўрин олган (туркий) сўзга  
 Сен ангидан обрў бердинг.  
 Уни ижод майдонига тортиб чиқардинг.  
 Сенинг фикринг нуридан сафоли бўлди,  
 Лутфинг навосидан наволи бўлди.  
 Бу назм дарахтини ўстиришимга,  
 Юрак қони билан ҳосилга киритишимга  
 Сенинг суҳандонлигингдан бошқа,  
 Илмий сўз юритишингдан ўзга сабаб йўқдир.  
 Ҳақолонки, мен уни безаганимда  
 Ҳеч кимдан на эҳсон ва на таҳсин истадим.  
 Бахилнинг эҳсонидан нима чиқарди-ю,  
 Нодоннинг мақтовидан нима келарди!  
 Сўз лутфи билан сени мақтар эканман,  
 Сени ўз билимим чегараси қилиб кўрсатдим.  
 Бу мол ва мартаба жонпарвар бўлса ҳам,  
 Сўз етуклиги ҳаммасидан юқоридир.  
 Бу кўҳна фалак бирвошдан айланишдан тўхтар,  
 Бироқ жаҳон бор сўз қолур.  
 Сўз ҳам агарчи доим бақолидир,  
 Хомушлик эса ажойиб дилкаш ва ёқимлидир.  
 Кел, эй соқий, дилкаш қадаҳ келтир,  
 Оловдай иссиқ ва равшан май келтир.  
 Токи у дилкаш қадаҳга лаб теккизай,  
 Барча қалам ва дафтарни ўтга иргитай.  
 Кел, эй созанда, чангни тезлатиб юбор,  
 Чолғу мизроби билан куйни юксалтир,  
 Кўнгил қулоғидан пахтани олайлик,  
 Ҳама ёқни қулоққа айлантириб, дам олайлик.

110. «Кўринадики, бу камина аслий табиат ва туғма қоби-

лияти туфайли қутлуғ оқибатли сўз санъати ҳукмлари ўқларининг нишонаси тушгани ва «мутакаллим» улуғ исми сирлари жавҳарларининг садафи бўлганидан, ҳаргиз ўз вақтларини буткул бирор назм юзага келтириш ва бирор наср яратишдан фориғ топабилмади ва холи қилолмади; бинобарин йил ва ойларнинг айланиши ва замон ҳамда даврларнинг ўтиши билан насрий асарлардан турли-туман рисола ва китоблар ва маснавийлардан хилма-хил дафтарлар ва қасида ҳамда ғазаллардан бўлак-бўлак девонлар тўпланган эди. Бу пайтларда ҳижрий тарихининг тўққиз юзга тўлишига уч йилдан ортиқ қолмаган эди, дарвишлар дўсти ва мухлиси, балки уларнинг дўст тутган ва ихлос қўйган кишилари Низомиддин Алишер ўзининг шарафли ҳимматини шунга олиб келганки, сони учга етишган қасида ва ғазаллар девонини учта тоза писта мағзини бир пўст ичида парвариш қилгандай, бир жилдга бириктириб, бу фақирдан шуни илтимос қилдики, ҳар бириси бир хос исм билан махсусланса, бу билан дудмоллик ва аралашлик туҳматидан халослик суратини қабул қилса.

Бинобарин, юзага келиш вақтлари мулоҳазаси билан, биринчи девон йигитлик пайтларида тинчлик ва омонлик замонининг аввалларида юзага келганлигидан «Ёшликнинг бошланиши» деб аталади. Иккинчи девон тирикчилик кунлари боғланишларининг ўрталарида тартиб топганидан «Боғланиш воситаси» деб номланади. Учинчи девон ҳаёт охирларида уни тартибга солиш бошланганидан «Ҳаёт хотимаси» деган исм берилади.

Умидворлик худога аёндирки, ҳама азизларнинг номлари яхши ишлари ва ёқимли сўзлари воситаси билан турмуш саҳифаларида қолади:

Бу тўла жафоли фалак ҳеч қачон

Бизнинг номимизни борлиқ бетидан йўқ қилмасин.

Чунки унинг (номнинг) боқийлиги дастлабки ўлимдан кейин,

Донишмандлар айтадиларки, иккинчи ҳаётдир. . .

111. **Муסיқий ва адвор** — музика ва унинг назарияси ҳақида рисола.

112. «Эй комил, доимо, жоҳилдай бошингда улуғлик айланади,  
Мақсадинг мартаба бўлганидан сени комил эмас,  
жоҳил дейман».

113. «Гўзал дилдорим жамолин бир лаҳза кўрсам кошки,  
Ул оёқ тупроғидан кўз равшан этсам кошки.

114. **Мусаддас** — олтилик, шеърда бир шоирнинг ҳар икки мисраига тўрт мисрадан қўшиб, олтиликка айлантириш.

115. Дўст йўли тупроғига жо қилсам эрди кошки,  
Ул оёғ тупроғига юз суртсам эрди кошки,  
Ул гўзал сарв ўз кўчасидан чиқса эрди кошки,  
Порлаган юздан пардасин кўтарса эрди кошки.  
Гўзал дилдорим жамолин бир лаҳза кўрсам кошки,  
Ул оёқ тупроғидан кўз равшан этсам кошки.

116. **Девоний қилмоқ** — мусодара қилмоқ.

117. **Бугро** — лағмонга ўхшаш хамир овқат.

118. «Менинг қулоғим Масиҳга ўхшаш малакдан сўрсаки, қаерда ҳарам эшагининг ҳанграши хотирга ташвишли бўлади?»

(**Ноҳиқ** — эшак; **наҳиқ** — эшак ҳанграши маъносида).

119. Жомийнинг вафот тарихини бизнинг ҳозирги ҳисобга айлантирилса 1492 йил 8 ноябрга тўғри келади.

120. **Мусалло** — намозгоҳ, катта мачит.

121. **Миҳаффа** — тобут.

122. Навоийнинг ўзи.

123. **Хуруф роқими** — ҳарфларни битувчи (Навоий).

124. «Ҳақиқат конининг гавҳари, маърифат дарёсининг инжуси

Ҳақга етишди ва дилида бошқа нарса йўқ эди.

Илоҳий сирнинг кашфиётчиси эди, шу сабабдан, шаксиз,

Вафоти тарихи «кашфи асрори илоҳ бўлди».

(«Кашфи асрори илоҳ»даги ҳарфлар сонга айлантирилса 898 ҳ. (Жомий вафоти) йили чиқади).

### Марсия<sup>125</sup>

Ҳар дам осмон анжуманидан бошқа бир жафодир,  
Унинг ҳар бир юлдузи бошқа бир бало доғидир.  
Кундузу кечаким кўку қорадир унинг тўни,  
Кечаси бошқа бир аза-ю кундузи бошқа бир азадир.  
Балки ҳар лаҳза йўқлик даштидан бир азодирки,  
Ҳар дам ажал гуруҳидан бошқа бир фано гардидир.  
Дунё бир мотамхонадирки, ҳар тарафидан  
Бошқа бир оҳ тутунию, бошқа бир нолаву войдир.  
Унинг оҳи дилга қоронғилик ортдирур,  
Войи ҳам жонга бошқа бир қайғу солур.

Бу боғ гуликим, мотамзадаликдан юз порадир,  
 Ҳар бири куйган бошқача қатма-қат тўндир.  
 Унинг суви заҳару, ҳавоси бадбўй, нима қизиқ,  
 Чунки бу манзилда ҳар лаҳза бошқа бир вабодир.  
 Аҳли диллар поклик гулшани томон майл этдилар,  
 Бу шунинг учунки, унда обу ҳаво бошқачадир.  
 Ишонч эгалари қарашда бу дунё жой эмас,  
 Бу тоифанинг ҳақиқий ватани бошқа жойдир.  
 Шу сабабдан, азал жоми майининг масти бўлган Жом  
 орифи  
 Сархушлик билан фано уйдан ватан томон кетди.

\* \*  
 \*

Эй, сенинг жойинг худога яқинлик ҳарамю,  
 Жаннат боғи томон қачон парвойинг бор?  
 Ер ҳарамидан фаришталар оламига сайр қилганинда,  
 Малак гуруҳи анжуманига ғавғо тушди.  
 Поклик ҳарамии тўтилари сенга дилдан муштоқлар,  
 Ҳамдамлик чамани булбуллари сенга жондан шайдолар.  
 Қазо кимёгари сиймойинг равшанлиги асаридан  
 осмонга бошқа бир қуёш чиқарди.  
 Тўққиз фалак чарх уриб атрофингга келишди,  
 Гўё ҳар бирининг бошида савдойинг бор.  
 Олами арвоҳга шунинг учун ғавғо тушдики,  
 руҳпарвар нуктангни жон билан ёзсинлар.  
 Қутблар руҳи истиқболингга келишди,  
 Авлиёлар жони хоки пойингга йиқилишди.  
 Сени қўлма-қўл бир жойга олиб боришдики,  
 Бу ғам маконида ҳам у жойни хоҳлардинг.  
 Сен ҳақиқий мақсадга эришдингу қолди  
 қиёматгача жаҳонда дод-фарёдинг.  
 Сенинг фироқингда гамзадалар дили гамгин қолди,  
 Шундан мотамда қолганлар мотам уйининг чекаси  
 қоронги қолди.

\* \*  
 \*

Сен кетдингу жаҳон халқининг дили зор қолди,  
 Қиёматгача фироқингга гирифтор қолди.  
 Куйганлар дили оҳининг ўтидан, абадиян,  
 Бу айланувчи гунбаз букрисиди тутунлар қолди.

Сўфийлар етук муршидсиз юришиб,  
Юзларча ҳал бўлмаган мушкиллари шундайича қолди.  
Художуйлар сулукида сендан камол етар эди,  
Равишларида ожизликлару атворларида нуқсонлар  
қолди.

Уламога машъал бўлдингу дарс сендан нурланди,  
Машъал қоралашдию қиёматгача қоронғи кеча қолди.  
Динга юз халал йўл топдики, диндорлар  
Тасбиҳи синиб, кафда зуннор ипи қолди.  
Ҳақ сирри парда орқасига яшириниб, кўз ёши тўкишдан  
сирлар хазинаси дурлари лойга қоришганча қолди.  
Наинки юз алам тикани эрклилар дилигагина қадалди,  
Икки юз ситама юки яхшилар танида қолди.  
Толиблар фано йўлининг равиши қўлдан кетди,  
Ҳар бири юз хаёл пардаси орқасида қолди.  
Сенинг ўлимингдан даврга қандай зилзила тушди,  
У зилзиладан исломга қандай халаллар тушди!

\* \*  
\*

Бу азодан олам бўйлаб на гадо қолди, на шоҳ,  
Сенинг мотамингда тортдилар икки юз нолаву оҳ.  
Булутдай ўкириб, наъра уриб соя ташлади  
Сенинг тобутинг устига карам қуёши — тангри кўлакаси.  
Муяссар бўлсайди тобутни слкамга тортиб,  
Мендай дили куйган мазор томон ҳамроҳ бўлардим.  
Жаҳон шоҳлари тандаги тўнни чок қилиб,  
Тобутинг олдида қаттиқ қайғи билан қадам  
ташлайдилар.  
Жаҳон кеккайганлари тобутинг остида паст бўлиб,  
Ҳаммалари йиғлаб, сенинг юкингни букчайиб кўтариб  
борадилар.

Тобутинг ҳар пояси бир қутб (улуғ киши) елкасида,  
Лекин тўртовлари бир бўлиб, дод солиб йиғлайдилар.  
Бир оламни бошқа бир оламга элтмоқлик  
шундай огоҳ юк ташувчилардан бошқа мумкин эмас.  
Улуғ бетоқатлик тушдики, шу қадар кўз билан  
айланувчи осмон у томонга қарай олмади.  
Гарчи сенинг тунинг нур билан ойдиндай оппоқ бўлса-да,  
Лекин бундай қора кунни ҳеч ким кўрмаган.  
Намозингга минглаб кишилар тўпланди,  
Юз минглаб фаришталар ҳавода саф боғлади.





Эй қолган умрни фонийликда ўтказишга аҳд қилувчи,  
Бу фонийлик дунёсида боқийлик аҳдининг маҳкамлиги қани?

Ишқибозлар қайғудан дилга ўт солдилар,  
Жон фидо қилувчилар ҳам бу ғам ўтидан куйдилар.

\* \*  
\* .

Эй сен узундан узоқ сафарга равона бўлдинг,  
Бу хилдаги сафарга кимки чиқди — яна қайтмади.  
Наинки қалам учидан сеҳрни яна боғладинг,  
Балки тил банди билан жаҳондан мўъжизани олиб кетдинг.

Поклик нафасингни бирор кимсадан қайта топиб бўлмайди,  
Чунки пайғамбардан кейин ҳеч ким ваҳй билан имтиёз топмади.

Шоҳнинг жонида сенинг ҳижронинг ўтидан ёнғин қолди,  
Банданинг юз пора дилида сенинг ғамингдан ёниб эриш қолди.

На шоҳ, на банда, қиёмат кунигача дунёда  
ҳар ким турса, сенинг мотамингда фарёд қилур.  
Гарчи юзингни васл пардаси билан яширсанг-да,  
Иzzат ва ноз ҳарамида то абад жилва қилурсан.  
Пурнур руҳингдан ҳам мадад етказки,  
Сенинг ҳажрингда талай талабгорлар харобдир.  
Эй рафиқлар, ҳамманинг ишининг оқибати шудир,  
Охирнинг фикрини бошда қилиш яхшидир.  
Ҳар ким жаҳонда юз аср қолса, афсун билан  
ўйин кўрсатувчи фалак жаҳондан тортиб олади.  
Маъни шоҳининг агар сурати шундай бўлса,  
Қиёматгача сурат билан маъни шоҳ бўлсин, омин.

#### ҲАЙРАТУЛ-АБРОР

1. «Кўриниш жойи (юлдуздай) юксак осмон, сув ичар бу-  
лоғи «аниқлик» манбаидир».
2. **Олами кубро** — улуғ олам, яъни инсон ва кўнгил.
3. **Қаптон** — уруш кийими.
4. Икки байт мазмуни: «Таважжух (қалбан худога йўна-

лиш, сиғиниш) пайтида (бир жойда қимир этмай) бошини қуйи солиб турганда равшан кўнгил билан яшиндай сайр этади, бу сайрда фалакни ҳижолатга солади-ю, ерни эса (худо айтган «катайиис-сижил» хат варақлари айланишидай) айланиб чиқади».

5. Бу икки байтнинг мазмуни: «У (Жомий) қалами билан ёзишга киришар экан, унинг қалами (ҳозирги тушунчада: ручкаси)дан чиққан қора (тушь) булутдек хуруш қилиб вақт қуёшини парда билан тўсиб қўяётгандек бўлади. Бу парда яширин ҳолатларни ёпиш учун ясалган, (қоғоз) саҳифалари ҳам гўё бу ҳолатларни беркитиш, сир тутиш учун ёзилган».

6. Бу байтда Навоий: «Жомий бирор асар ёзса, менга кўрсатмасдан бурун бошқа кишига кўрсатмас эди», дегандан кейин, ўзини тупроққа ўхшатиб яна камтарлигини баён этишда давом этади.

7. «Хамсатайн» — икки Хамса». Низомий ва Хисрав Деҳлавий «Хамса»лари кўзда тутилади.

8. **Ўн турфа** — икки «Хамса»даги ўн дoston.

9. **Икки бурунғи** — иккала «Хамса»даги биринчи дostonлар.

10. «Тухфа» — Жомий «Хамса»сининг биринчи дostonи «Тухфатул-аҳрор»нинг қисқартирилган номи.

11. «Ул икки» — Низомий «Махзанул-асрор»и билан Хисравнинг «Матлаул-анвор»и бўлиб, мунда, яъни Жомий асарида у икки дoston мазмунини топса бўлади, лекин буидаги тухфаларни улардан топиб бўлмайди, дейилади.

12. «Устозлар қўллаб, йўллагандан кейин: «Навоийнинг нукта сурудига — иш бошлашига (яъни шу хилда янги бир дoston ёзишга) навоси (қобилияти) бўлмас», дейиш тўғри эмас».

13. Айтишларича, мушк Хўтан кийиги қиндигининг териси ичида бўлар эмиш.

14. Бу икки байтда Навоий қадимги грек материалист файласуфлари тушунчасидаги аносир (элементлар) масаласини мисолга олади, ўша тушунчага кўра, зарурий аносир (элементлар) тўртта бўлиб, ўт, сув, ҳаво ҳамда тупроқдан иборатдир. Бу тўрт элементнинг учтаси қанчалик дилпазир — яхши бўлса, тўртинчи элемент — тупроқ ҳам улар қаторида бўлмасдан иложи йўқ, деб уч улуг шоирни «дилпазир» бўлган ўт, сув, ҳавога, ўзини эса тупроққа ўхшатган.

15. «Улар (Низомий, Хисрав, Жомий) боқийлик ғорига кириб ғойиб бўлсалар, мен ҳам уларнинг тўртинчилари — итлари бўлай, ўшалар қаторига қўшилай».

Бунда Навоий «Асҳоби қаҳф» номли афсонага ишора қилган.

## ФАРҲОД ВА ШИРИН

1. Бу байтларда Жомийни улуғлаш мақсадида уни, Низомий, Хисрав каби шоирлар ва Зинда пили Аҳмади Жомий каби мутасаввифлар билан таққосланган, шеърятда Низомий ёки Хисравнинг кучи икки пилча бўлса, Жомийники юз пилча ва тасаввуфда эса худди Зинда пилнинг ўзидай («муҳаббат жоми (кадаҳи)нинг қуйқасини ичувчи», «ваҳдат жомининг ўта масти», «ҳақиқат майини ичганда осмон жом бўлган тақдирда ҳам бир чакра қолдирмайди») деб таърифланади, кейинги мисраларда бу муболағали фикрлар яна давом эттирилади.

2. **Нафъий вужуд** — ўзликни йўқотиш.

3. **Маъдум** — йўқ бўлган, адамга (йўқликка) айланган.

4. «Фано (йўқлик) мулкида шунчалик фоний бўладики, уни бир саводи аъзам (узоқдан кўринган каттакон қораликдай) фаҳм этадилар.

5. **Макнат** — куч-қудрат.

6. «Жаҳон эмас, олами кубро (энг улуғ олам) дегил, жаҳонда мақсади ақсо (энг сўнгги мақсад) дегил уни».

7. «Чунки олами суғро (кичик олам)да мавжуд бўлган ҳар бир нарса бу олами куброда топилади».

8. **Жуллоб** — қанд ва гулобдан тайёрланган шарбат маъносида.

9. **Пир** — Абдураҳмон Жомий.

10. **Туби (Тубо)** — Жаннат дарахти.

11. **Иккинчи ҳотиф** — ҳотиф — ғайбдан овоз берувчи демак, биринчи ҳотиф сўзи боб юқорисида баён қилинган. Иккинчи ҳотиф деб, Жомийга ишора қилинади.

## ЛАЙЛИ ВА МАЖНУН

1. «Бош оғриғига сандал ёғочини майдалаб пешанага суркалгани каби, фаришта Жомий қавшлари гардини юзига суртади» демак.

2. «Букулишдан асоси бошида пайдо бўлган тоб, икки жаҳонни тортмоқ учун илмоқдир».

3. «Учидаги найзаси ғазабга кирса, дев билан шайтонларни кўр қилади».

4. **Ҳабли матин** — маҳкам ип.

5. **Ибриқ** — сув идиш; **вузу** — юз-қўл ювиш, таҳорат.

6. **Қаъб** — оёқ товони.

7. Қўштирноқ орасига олинган сўзлар Жомий асарларининг номини билдиради.

## САБЪАИ САЙЁР

1. Юқоридаги байтларда Жомийнинг ўз замонасида етук олимлиги айтилиб, ҳатто илми ҳикмат, риёзиёт, астрономия каби аниқ фанларни ҳам ўзлаштиргани баён қилинади. Жомий араб филологияси соҳасида ҳам атоқли олимлардан эди. Араб тили грамматикаси олими Ибни Ҳожибнинг «Кофия» номли асарига Жомий катта ҳажмли шарҳ ёзган, бу асар «Шарҳи мулла» номи билан машҳур бўлиб, асрлар давомида Хуросон ва Туркистон мадрасаларида бирдан-бир дарслик сифатида ўқитилиб келинган. Жоруллоҳ Замахшарий хоразмлик олимлардан бўлиб, араб тили ва адабиёти соҳасида кўп асарлар яратган.

Мазкур байтларда Жомийнинг фазлу камолда шу олимлардан ҳам юксаклиги изҳор этилган.

2. **Ибни Ҳажар** — тафсир ва ҳадис устида иш олиб борган олимлардан.

3. Бу ерда ва бундан кейин қўштирноқ орасига олинган сўзлар Жомий асарларининг номларидир.

4. **Имоми Аъзам** — Абу Ҳанифа номли ислом фикҳи (ҳуқуқ илми) олимининг лақаби, Жомийни ҳам фикҳ бобида шу кишига тенглаштирилмоқда.

## САДДИ ИСКАНДАРИИ

1. Бу дostonнинг VII боби (44 байт) Жомий мадҳига бағишланган. Навоий кейинги XV бобдан бошлаб Искандар дostonига киришади, бу бобда Искандарнинг насаби, келиб чиқиши, шахсияти (кимлиги) тўғрисида сўз юритиб, бунда тарихчилар ва илгари дoston ёзган шоирлар ўртасида турли фикр ва ихтилофлар борлигини айтиб, чигални ечишда бу масала билан шуғулланаётган Жомийга мурожаат қилади ва ундан мадад олади.

Биз шу бобдан Жомий ҳақидаги ўн байтни олдик. Бунда ҳам Навоий Жомийнинг фикрларига юксак баҳо берганлиги кўриниб туради.

2. **Оранж** — тирсак; **бозу** — биллак.

3. **«Панж ганж»** — Низомий «Хамса»сининг номи.

4. **Пирдан мақсад** — Абдурахмон Жомий.

5. **Азми ҳарам қилмоқ** — Маккага (ҳажга) бормоқ.

6. «Хилват эмас, юксак осмон, хилватда ўтирувчи (шахс) эмас, Жабраил фариштадир».

7. **Атрок** — турклар.

8. Беш байт мазмуни: «Оламда мисли бўлмаган бу хилдаги рангдор қора (ёзув)ни чиқорган замон қора (ёзув)ларига

ҳар ким кўз солса, қора туни машаққатга қолади. Бу шундай зулматки, унда оби ҳаёт йўқ; шундай тунки, унда порлоқ қуёш йўқ. Агар у дунёга хуш ис мушк сепса, кўнгилни хира ва кўз олдини қоронғи қилади. Бу ўрмонда иккита мард шер бор, бу дарё ичида иккита кўрқмас наҳанг балиқ бор».

9. **Саводин жузвидон аро солмоқ** — кўчирилмаган нусхасини папкага солмоқ.

10. **Анинг сори** — Жомий томон.

11. **Вазн** — оғирлик, салмоқ.

12. **Пири қошиф** — Жомий.

13. «Сафинам (асарим) дарё (Жомий) томон йўлангач, дарё (Жомий) кафини у жузвларга узотди».

14. «Қандай енгки, уни осмонга ташласа, қийшиқ юзини букиб юборар эди».

15. **Эл тавфи Байтулҳаром** — одамлар Каъба атрофида айлангандек (Каъба — Маккадаги зиёратгоҳ).

16. **Жамъи касир** — бир тўда кишилар демак.

17. **Рисолат** — элчилик.

18. **Ҳазрати Шайх** — Низомий Ганжавий (1141—1209).

19. **Устоду пир** — Абдураҳмон Жомий (1414—1492).

20. Муслиҳиддин Саъдий Шерозий (1204—1292), Абулқосим Фирдавсий Тусий (934—1020), Абулқосим Ҳасан бинни Аҳмад Унсурий (Балхдан — 1040 й. да вафот этган), Саноний Ғазнида туғилиб, ўша ерда 1181 йилда вафот этган. Хоқоний Афзалиддин Иброҳим бинни Али Шервоний — (1120—1199), Анварий Авҳадиддин — 1153 йилда Балхда вафот этган.

21. **Пиру Маҳдум** — Жомий.

22. **Мавлавий, Маҳдум, пирдан мақсад** — Жомий.

23. **Муҳаввис** — ҳаваскор.

## НАСОИМУЛ-МУҲАББАТ

1. 881 ҳижрий йили милодий йил ҳисобида — 1476.

2. Нафаҳотул-унс мин ҳазаратил-қудс-пок — зотлардан ёқимли хушбўйликлар.

3. **Феҳрист** — мундарижа, кўрсаткич.

4. **Вуқуф қиллати** — кам воқифлик, оз хабардорлик.

5. 901 ҳижрий йили милодий йил ҳисобида — 1495.

6. **Муҳтожун илайҳ** — унга муҳтожлик, эҳтиёж.

7. **Итноб** — чўзилиш, узайиб кетиш.

8. **Насоимул-муҳаббат** мин шамоимил-футувват — мардлик хушбўйлигидан муҳаббат шаббодалари.

9. **Увайсий** — Увайс Қараний исмли тасаввуф бошлиғи йўлини тутган. (Увайс ҳижрий биринчи аср бошларида ўтган).

10. 898 ҳижрий йили милодий йил ҳисобида — 1492.

11. **Аларнинг мухлисларидин бири** — Навоийнинг ўзи. (Бу гап Хамсатул-мутаҳаййирин охирида ҳам айтилган).

### МУҲОҚАМАТУЛ-ЛУҒАТАЙН

1. Алардин ғазал кал-ваҳйил-мунзал ва ҳар рисола кал-аҳодисин-набийи мурсал — уларнинг ҳар бир ғазали худоданинган ваҳйдек ва ҳар бир рисола элчиликка юборилган пайгамбар сўзидек.

2. **Ҳозо шайъун ажиб!** — бу қизиқ нарса!

3, 4, 5, 6, 7, 8 — бу тожикча шеърларнинг таржимаси «Хамсатул-мутаҳаййирин» охирига илова қилинган «Изоҳлар» қисмида берилган.

*П. Шамсиев.*

## МУНДАРИЖА

Улуғ дўстлик лавҳаларидан . . . . .	5
Абдурахмон Жомий . . . . .	13
«Хамсатул-мутаҳаййирин» . . . . .	19
«Ҳайратул-аброр»дан . . . . .	78
«Фарҳод ва Ширин»дан . . . . .	83
«Лайли ва Мажнун»дан . . . . .	87
«Сабъаи сайёр»дан . . . . .	90
«Садди Искандарий»дан . . . . .	94
«Мажолисун-нафоис»дан . . . . .	111
«Насоимул-муҳаббат»дан . . . . .	112
«Муҳокаматул-луғатайн»дан . . . . .	115
«Маҳбулбул-қулуб»дан . . . . .	118
«Арбаин»дан . . . . .	120
Изоҳ ва таржималар . . . . .	123

*На узбекском языке*

АБДУРАХМАН ДЖАМИ  
И АЛИШЕР НАВОИ

Изд-во «Фан» Уз

Ташкент — 1966

Муҳаррирлар *Ҳ. У. Нурмуҳамедов, А. Аҳмадхўжаев*  
*Рассом В. С. Тий*  
 Техмуҳаррир *В. М. Бубнова*  
 Корректор *М. Алиева*

Р00216. Теришга берилди 2/III-66 й. Босишга рухсат этилди 13/IV-66 й. Формат 60×90<sup>1</sup>/<sub>16</sub> = 4,75 қоғоз л.—9,5 босма л. Ҳисоб—нашриёт 8,0. Нашриёт № 1618. Тиражи 5000. Баҳоси 78 т.

Ўзбекистон «Фан» нашриётининг босмахонаси, Л. Б. Шастри кўчаси, 21. Заказ 84  
 Нашриёт адреси: Гоголь кўчаси, 70.